

十九路軍抗日戰史



版出社聞新地戰

中華民國二十一年三月出版

十九路軍抗日戰史第一集

▲每部實價大洋四角▼

編印者

戰地新聞社

校訂者

戰地新聞社

總發行處

上海戰地新聞社

分售處

各省各大書局

翻印
版權
所有
必究



垣昭翁長旅之勇最戰作線前在



線防道一第軍我面方淞吳



我軍之機關槍作戰



我軍所掘之戰壕



我軍砲隊之作戰



日飛機投下之大炸彈

十九路軍抗日戰史

緒言

嗚呼。去歲暴日藉口中村事件。蹂躪我東三省。今又以其故智。來蹂躪我全國商埠中心之上海矣。此次禍變之烈。亘古未有。日兵之慘無人道。尤罄竹難書。我十九路軍守衛疆土。屢摧強敵。誠足爲我中華民族增光榮。與國際列強爭地位。其功業之彪炳。歷千古而不磨。風聲所播。可使一搬抱不抵抗主義之軍閥及專供內戰工具之將士愧死無地。論者謂蔣（光鼐）蔡（廷楷）戴（戟）三公建此殊勳。爲打破陳化成聶士成馬占山紀錄。良非虛語。連日閩北與吳淞方面。砲戰極爲劇烈。烽火衝天。伏屍遍地。我忠勇之將士。正爭先陷陣。與敵軍作殊死戰。勝敗之數。未敢逆料。不佞備書海上。十有

餘年。憂患飽經。早忘置身何所。爰將耳聞目見。事屬可徵者。編爲戰史。先述事實之由來及交涉之經過。中間以我十九路軍之戰績爲要旨。戰地考察亦附及焉。末則以各界重要文電爲殿。倉卒撫拾。竄漏難免。不過藉以喚醒國魂。振作士氣。望我全國同胞。暨武裝同志。其共鑒焉。

十九路軍抗日戰史目錄

- | | |
|------|--------|
| 第一章 | 上海事變由來 |
| 第二章 | 中日交涉經過 |
| 第三章 | 日軍戰事準備 |
| 第四章 | 日軍續到援軍 |
| 第五章 | 日軍夜襲閘北 |
| 第六章 | 日軍初次失利 |
| 第七章 | 日艦砲轟吳淞 |
| 第八章 | 日軍二次總攻 |
| 第九章 | 眞茹空軍大戰 |
| 第十章 | 我軍三路殲敵 |
| 第十一章 | 日軍更換司令 |
| 第十二章 | 日軍變更戰略 |

- | | |
|-------|--------|
| 第十三章 | 我軍大破日軍 |
| 第十四章 | 擊退偷渡日軍 |
| 第十五章 | 日艦攻淞敗退 |
| 第十六章 | 日機亂投炸彈 |
| 第十七章 | 我軍激戰退敵 |
| 第十八章 | 我軍再挫強敵 |
| 第十九章 | 雙方準備大戰 |
| 第二十章 | 敵艦攻淞無效 |
| 第二十一章 | 戰地視察詳紀 |
| 第二十二章 | 日軍人之暴行 |
| 第二十三章 | 各界踴躍慰勞 |
| 第二十四章 | 各界重要文電 |

十九路軍抗日戰史

第一章 上海事變由來

上海事變。實起源於日本之侵佔我東三省。以致舉國同憤。紛起抵抗。而各地之抵貨運動。尤以上海最爲熱烈。上海爲我全國商埠之中心。若經久抵制。殊足制日人之死命。故日人處心積慮。欲謀取締我抗日運動者久矣。果也於一月二十侵晨。而有日浪人放火焚燒引翔鄉三友實業社工廠。及是日午後日居留民會後沿途尋釁搗毀商店之事。雖經我市長吳鐵城提出抗議。然日領事村井倉松。反謗爲係屬復仇性質。云於本月十八日。有日本僧八五。二服僧裝。三衣常服。在馬玉山路附近。被華人毆打。當時二人乘間逃脫。三人被毆重傷。亦於二十一日上午。向市政府提出抗議書。不意竟以此爲戰事之導火線。而吾華界之開北與吳淞市鎮。悉爲日軍砲火下之犧牲品矣。

日浪人圖毆三友社工廠 三友實業社工廠。設在滬東引翔鄉楊家宅。廠地約七十畝。當華租交界處。有工人一千餘名。自去年因萬寶山案發生。及日本侵佔東三省之事後。全體工友。激於愛國熱忱。自行組織義勇軍。按日操練。極爲認真。而該廠所出之三角牌毛巾。因品質精良。將日人東華紗廠所出之鐵錨牌毛巾銷路悉數奪去。日人極爲嫉恨。在縱火之前數日。已有日人在該廠附近測繪地勢。其實行放火時。則在二十晨

二時四十分。約有日浪人四五十人。各帶木棍武器。乘黑掩至。所有燃料。盡係酒精煤油。戩士林等烈性爆發物。裝置於日製五六磅大啤酒瓶中。另以硫磺炸藥充作引火。先將廠外所圍竹籬色用刺刀撬開。然後穿入籬內。再將內裝鉛皮撬開。將引火物滿拋屋頂。再持硫磺彈擲炸。全廠員工。均已入睡。突聞西北角上。忽發異響。繼見火光熊熊。從織工部而起。幸廠中備有消防器具。羣起灌救。一方電話告租界救火會。待救火車趕到。火已熄滅。自織巾部着火救熄後。約一小時。暴徒又二次重來。似欲焚炸鑪鍋間。因距離甚遠。未被擲中。且知廠中有備。不敢久留。自行退去。聞該廠損失。約值四五千兩左右。

華捕慘遭殺害

日人放火之後。仍取原道而回。尙有再來者。抵第一號警亭時。有三零二九號華捕陳得勝。偕七六五號華捕田潤生看守。陡見暗中有入一羣轉角。三友工廠又出火警。正在取電話擬報告楊樹浦捕房。其時行近警亭日人。深恐消息走漏。立抽刀將電話線割斷。陳姓華捕被劈去左手兩指。痛極倒地。亭內玻璃及電機聯絡線。均被搗燬。田捕即奪門而出。擬逃至捕房報告。不料日人緊隨不舍。且人數不衆。至臨青路河間路交界處。臨青橋西首。被日人包圍。該捕以被圍難出。而日人又復各攜兇器。恐有性命危險。取槍向空開放。詎槍聲一起。日人更加緊逼迫。該捕不得已。遂對準暴徒開放一排。放罄。第二排子彈。復欲裝入。在此時間。已措手不及。被日人以利刃刺斃。至於一一一六與三二五二兩華捕。方由捕房出來上差。得悉引翔港發生火警。即

徐步向華德路底行來。嗣以警亭首日人成羣。玻璃破碎。一一一六號華捕擬上前察看。亦被刺傷倒於亭側之三星棉鐵製造廠門首。其餘三一五二號華捕。知難理喻。且釀大禍。遂退去。手臂所受輕傷。無關大礙。乃自行返去包紮。二零二九號捕之槍袋皮帶及制帽。均被日人搶去。投於路旁小浜之內。

日人開居留民會後又沿途尋覓

自引翔港日暴徒縱火事起後。日人一千餘名。於二十日下午一時。在公共租界蓬路日本人俱樂部三樓。開上海日本人居留民大會。當場決議。電其政府。增派陸海軍。壓止排日運動。開會至二時許始散。各日人分爲兩批。分往日領署及海軍陸戰隊司令部請願。手持木桿。聲勢汹汹。往北者沿靶子路步行。所有租界警捕。及日本軍士。均隨同監視。至靶子路北四川路口。折轉向北。大呼口號。沿途尋覓。游行隊行抵虬江路路口。而在後隊遊行之日人。已過虬江路。向北四川路進行。見中國商店所貼反日標語。即有三四日人。往馬路西側各商店。舉起竹桿木槓。擊碎商店門窗大玻璃。計有十餘家之多。均被打碎。一時踏過市民。駐足而觀。人聲鼎沸。往來電車及公共汽車玻璃。亦被日人擊毀。電車司機及乘客西移。咸受損傷。被日人擊碎玻璃及商品受毀者。店名如次。北四川路大德里對面六六三號大德電器材料廠。六五七號德康當舖。六二五號義昌電料店。以上屬五區一所管轄。又對面同福泰鞋帽店。明星洋貨店。湯白林酒排間。橋香菜館。及通利洋酒店。則屬於五區二所公安局。此外一二四號三友商店。八六八號恆豐昌布店。均在吟桂路口。屬五區管轄。以上各

商店。所受損失。自五六百至一二百元不等。

西捕亦遭無辜

當日人遊行圍擊電車及公共汽車時。虹口捕房西捕薛倍。上前阻止。亦被日人用巨棍毆傷頭部。又狄思威路捕房三七零號西捕。在日人行兇時。亦被毆傷。華人忻曉景。則在虬江路雲飛車行前被毆。惟所傷尚無大礙。以上受傷者均入醫院治療。

◎第二章 中日交涉經過

日人既焚我工廠。毀我商店。殺害華捕。毆打西捕。不特目無中國。且亦目無國際。日領自知理曲。經我市政府抗議後親來道歉。同時施其反誣手段。亦向我市政府提出抗議書。實行壓迫我國民衆抗日運動。我市長雖委曲求全。然星星之火。可以燎原。此劫運來臨。竟無術以挽回之矣。

日領反先提出四條件

二十一日上午日領事村井倉松。親來市政府訪問市長。

對於日人越軌行爲。表示遺憾之意。同時提出關於毆傷日僧案之書面抗議。并提出四項要求。(一)市長須對總領事表示道歉之意。(二)加害者之搜查逮捕處罰。應迅即切實實行。(三)對於被害者五名。須予以醫藥費及撫慰金。(四)關於排日侮日之非法越軌行動。一概予以取締。尤其應將上海各界抗日救國委員會。以及各種抗日團體。即時解散之。吳市長即予以口頭之答復。謂關於第二項。中國法律對於傷害罪之處分。本有

明文。自當緝兇依法究辦。至一二兩項。亦可考慮。惟第四項。事關民衆運動。如在法律範圍以內者。本人無權取締。如有非法行動。自當依法制裁等語。吳市長已於當晚晉京請示。至關於日人結隊縱燒華商三友毛巾廠殺傷華捕一案。市府已於昨日發出致日領之書面抗議。此乃市府處理關於日來本市中日交涉之經過情形也。

市政府抗議書一 市政府於二十三日下午三時。對三友廠日人縱火案。特向日總領署提出嚴重抗議。文云。逕啓者。案據市公安局呈報。本市引翔港馬玉山路三友棉織廠。於本月二十日上午二時二十分。有日本青年數十名。潛赴該廠外縱火。其燃火頭四處。當時因深夜。工人已熟睡。未及覺察。厥後該廠職工等。經細密搜查。並據附近鄉人目睹。係該日人以火酒汽油硝磺等物引導放火。是時該處附近報警亭有華捕三人值差。聞警即電救火會求救日人等乃將該亭施以包圍。用刀將三零二九號華捕斫傷。一一一六號華捕身被刺傷倒地。並將電話機割斷。拋擲附近浜中。另有七六五號華捕。被該日人等追至臨青路。亦爲利刃殺死。該日人等逃逸無踪。計該廠被焚。損失極大等情。據此。查該日人等竟敢於清晨結隊縱火焚毀本國工廠。殺死在職華捕。不獨於法所不容。而際此多事之秋。其影響所及。尤爲嚴重。據報前情。除當即派員面提抗議外。用特提出下列條件（一）日本總領事向本市長表示歉意。（二）迅速逮捕及嚴懲縱火殺人罪犯。（三）充分賠償被害者。其賠償之金額另協定之。（四）切實保證嗣後不得有同樣事件發生。本市長深盼貴領事對於上述各條。能誠意履行。俾本案可以從速解決。以息

糾紛。而睦邦交。相應函達。煩請查照為荷。此致日本國駐劄上海總領事村井倉松。市長吳鐵城。

市政府抗議書一 市政府為二十日日僑居留民大會會衆。在北四川路沿途滋擾。打毀店舖。特向日本總領事。提出抗議。茲覓錄原文如下。逕啓者。案據市公安局呈報。本月二十日下午一時。本市日本僑民。在公共租界蓬路日僑俱樂部。開居留民大會。到會人數約千餘人。會議完畢後。即羣赴駐滬日本領事館。及日本海軍陸戰隊請願。行經北四川路時。沿途滋擾。打毀店舖多家。並將第一二五號一路電車。及租界公共汽車玻璃打壞。折至虬江路口。將華商店舖之玻璃窗亂行搗毀。直至午後六時餘在狄思威路始行四散。當時本市民衆。憤不可遏。幸由各該管區所長。率同警隊長警。極力彈壓勸導。尚無事故發生。計此次華商各店舖損失極大等情。據此。查關於日僑此項非法行動。本市政府業經函請貴總領事注意。切實取締在案。乃此次該日僑等。復又故意尋釁。當此時局嚴重。民氣激昂之際。如果發生誤會。責任自有攸歸。用特提出抗議。即希貴總領事。迅予查明肇事人等依法懲辦。嚴切制止。以後不得再有上項情事發生。至各商店所受損失數目。俟詳細調查後。再行要求賠償。相應函達。即煩查照辦理。見復為荷云云。

市政府答覆日領復牒 自二十一日日領送來抗議書後。於二十五日。又到市府催詢解決。我市長吳鐵城。深恐地方糜爛。不惜委曲求全。於二十八日下午一時四十五

分。發出復函。文云。逕復者。案准一月二十日大函略開。日本僧侶天崎。水上。信徒後藤。黑岩。藤村。等五名。於本月十八日下午。在馬玉山路附近被毆傷。提出條件四項。請求接受等因。准此。查本案發生。殊屬不幸。本市長深表歉仄。當日據報後。以案關傷害。法有明文。當即嚴令公安局。限期緝兇歸案法辦。所有被害人等之醫藥及撫慰金。本市長亦可酌為給予。以示體恤。至來函所提。關於取締抗日運動一項。現查本市各界抗日救國委員會。有越軌違法行為。業經令行主管局。將該會取締。以維法紀。關於類此。越軌違法行為。本市長仍當本法治精神。令行取締。至其他各抗日團體。并已令局。予以取締。相應函達。請煩查照為荷云云。

（按此復函發出後。日領表示滿意。民衆方慶幸可以渡過難關。不意即於其夜。日海軍陸戰隊襲擊開北。戰事於以爆發。日人之背約無信。殊堪痛恨。）

市政府向日領嚴重抗議

最近中日交涉。本市長為求和平解決計。對於貴總領事所提條件四項。業經接受。並於今日（二十八日）下午一時四十五分函復送達在案。當時貴總領事。並經表示滿意。詎料今晚十一時二十五分。市公安局接到貴總領事館信封一件。內附日本第一遣外艦隊司令官。致本市長及市公安局長公告一件。略稱。帝國海軍。鑒於多數邦人。住居開北一帶。為維持治安計。欲以兵力配備該處。以負保安之責。本司令希望中國方面。應將開北方面。所有中國軍隊及其敵對設施。從速撤退等語。查貴總領事。對於本市長之答復。

現經認為滿意。而貴國海軍。突然有此軍事行動。殊堪詫異。所有破壞和平。及本市安寧所發生之一切責任。應由貴方負之。本市長相應提出嚴重抗議。即煩查照。轉致貴國海軍方面。迅予停止軍事行動。以免事態再行擴大。並希見復為荷。此致日本國駐劄上海總領事村井倉松。

市政府通告各國領事 戰事發生之後。我方為明責任起見。特通告各國駐滬總

領事函云。逕啓者。查關於最近中日交涉事件。本市長為求和平解決。以保本市安寧計。業經完全接受日本總領事所提條件四項。並於今日下午一時四十五分。函復日本總領事。並已表示滿意。詎料今（二十八日）晚十一時廿五分。市公安局接到日本總領事信封一件。內附日本第一遣外艦隊司令官致本市長及公安局長公告各一件。略稱帝國海軍。鑒於多數邦人。住居閘北一帶。為維持治安計。欲以兵力配備該處。以負保安之責。本司令希望中國方面。應將閘北方面所有中國軍隊及其敵對設施。從速撤退等語。旋於即晚十二時市公安局接到閘北報告。日本海軍陸戰隊。在該處開始自由軍事行動。向華界進攻。查日本總領事既經對本市政府答復表示滿意。而日本海軍方面。突有此種軍事行動。殊堪詫異。所有破壞和平。妨礙本市安寧之一切責任。當由日方負之。除向日本總領事。提出嚴重抗議外。相應函達。即煩查照。主持公道。實紉公誼。此致英（璧約翰）。法（柯克林）。美（克銀漢）。意德（豐理德）國駐劄上海總領事。

◎第三章 日軍戰事準備

日本既恃其暴力發難瀋陽。我東北軍以不抵抗之故。日軍不費一彈。唾手而陷我名城。遂益啓日人輕視之心。得寸進尺。再肆其毒於上海。觀其兵艦不斷的開入浦江。其蓄意之險惡。可想而知矣。

自北四川路日人衝突事件發生以後。日本海軍省。即調派大隊軍艦來滬。彙誌於下。
驅逐艦先到 此次日本海軍省調派至滬之軍艦。爲二等驅逐艦薄荻藤葛等四艘。各該艦自吳軍港佐世保兩地開來。於二十三日午後三時十五分。駛入浦江在楊樹浦江面拋泊。

巡洋艦續來 統率該第十五隊四驅逐艦之巡洋艦大井號。同時由吳軍港開出。惟因裝載大批海軍陸戰隊五百名與各該兵士所用之軍火。故較爲延遲。直到二十三日午後三時三十分。方克駛進吳淞。祇因艦上有陸戰隊兵士。須登駐陸地。故大井到滬時。便令在匯山碼頭靠停。

航空艦繼至 由旅順調滬航空母艦能登呂號。載得飛機一隊。急行到滬。於二十四日午刻。開到上海。先抵吳淞口。在浦江第二四及三五號河筒拋泊。

軍械等卸岸 此次日艦隊開滬。日海軍省特運大批軍物品。並戰時需要之器具。及槍砲子彈等項。昨日由大井等各艦提卸上陸。計有軍隊露宿之營幕。戰壕

需用之建築材料。軍用電話與五金物件。並有大批電網等等。另外又裝到陸戰砲新式機關槍及砲彈機彈。火藥炸彈等約三噸左右。統已卸提上陸。交滬上日海軍司令部存儲。

陸戰隊登陸

大井艦中隨載來滬陸戰隊五百名。昨用大隊運貨汽車數十輛。至匯山碼頭登陸。內有二百七十名駐公大紗廠。餘駐楊樹浦日兵營房。又夕張艦從佐世保來海軍陸戰隊四百名。念八日午後五時。駛抵黃浦碼頭後。陸戰隊便即登陸。當即調至北四川路駐紮。

(按日海軍在滬陸戰隊。已有五百名。茲併上兩次合計共一千四百名。)

軍用機運滬

日本航空母艦能登呂號到滬。所運來之飛機隊。以轟炸機居多。為充實航空隊實力。又經海軍省從佐世保派軍用戰鬥機三架。自日本運滬。該三機廿六日在日下輪。廿七日午後三時。可到上海。預定在匯山碼頭上陸。

軍用飛機續來

日本航空隊。前已由能登呂號載到一隊。茲又從佐世保。加調海軍飛機六架運滬。事先商准日郵社。分兩次裝運。第一次三機。業於廿七午三時。由上海九運到本埠。當在滙山碼頭起卸。便即運至虹口。駕駛人員已先來滬。第二次三機昨已議定。於本月底到滬長崎丸載來。該六架均為軍用之戰鬥飛機。

水雷隊到滬

日本續調來滬之水雷艦隊。由巡洋艦夕張號統率第二十二隊驅逐艦皐月。文月。水無月。長月。二十三隊。菊月。三日月。夕月。望月。第三十隊陸月

。如月。彌生月。卯月等。共計十三艦。夕張艦長爲齋藤二郎。念二隊司令爲木幡。念三隊司令爲鈴木田幸。三十隊司令爲原显三郎。該水雷隊於念八晨到吳淞口外。先行拋錨。然後發電來滬。詢問各艦拋泊地點。午後四時半。夕張艦開進浦江。至黃浦碼頭停泊。其他三隊各均在浦江第二十四五號河筒拋停。

駐華日艦數 上海之日本軍艦。向祇留一二艘。近自調派十五隊到申。而水雷隊又續到。截至念八日止計有安宅。平戶。常盤。保津。浦風。大井。荻。葛。藤。薄。能登呂。及前水雷隊十三艘。已達二十四艘。至在長江各地之日艦。計又有宇治。伏見。偶田。勢多。對馬。天龍。比良。鳥羽。熱海。二見。並桃。柳。檉。梅。等十四艘。

總計 據調查所得。在滬日本軍艦約二十餘艘。陸戰隊一千四百名。飛機約計二十餘架。其他野砲機槍等。悉皆完備云。

第四章 日本續到援軍

先來五艦陸戰隊三千名

續來七艦飛機三十餘架

並有二隊海軍團四千餘

上海日兵對我挑戰後。我國軍隊。爲自衛計。出而應敵。二十八九兩日。激戰數次。

我軍着着勝利。日兵節節敗退。已將日軍驅逐出原守防綫。日本海軍省以在滬陸戰隊與飛機隊。均遭敗北。遂急調大隊軍艦。滿載軍火。並將佐世保認為該國最精銳特別陸戰隊。全數調滬應戰。三十日已先到一部。分誌如下。

廿六隊艦抵申 上海日艦。自開戰以來。已有二十一艘在滬。均分泊在浦江楊樹浦一帶。日軍第二日進攻閘北即遭失敗。該國海軍省倉皇將佐世保已準備之二十六隊驅逐艦四艘。由巡洋艦龍田統率。在日本急開來滬。龍田由日出發時。滿載各種大砲炸彈。以及放火所用硫磺彈。並間有為國際所禁 毒藥彈。該艦亦有一批。秘密運來上海。以供日軍無人道的慘殺。三十日午後四時。四驅逐艦先抵浦江。至四時半。龍田艦亦來。當在黃浦碼頭外擋。海關河筒拋泊。

特別陸戰隊上岸 日本在滬之陸戰隊。共有一千四百五十名。又二十一艦中之海軍。有一千名左右。兩天作戰以來。死亡枕籍。原有之陸戰隊。已喪失其大半。戰鬥力大減。因之海軍省將其所認為最精銳之特別海軍團陸戰隊七千名。全數調滬。昨日由龍田艦先載到三千名。下午四時半到滬後。立即在滿鐵之黃浦碼頭上陸。至前綫補充。

航空隊續來 龍登呂之航空隊。前日至閘北亂擲炸彈。轟炸商店及民房。慘殺無辜。殘忍已極。為我軍擊落多艘。昨已不敢再來嘗試。該國海軍省已電告業將第一航空隊之作戰飛機。全數調出。由加賀。鳳翔兩航空母艦。共載三十餘機。並又加巡洋艦那珂號。古良號。阿武隈號。及一等驅逐艦四艦。已於昨日午後離日。三巡洋艦又將所謂

特別陸戰隊第二隊計四千名。運來上海。今日可到上海。大約在傍晚抵滬。加入戰鬥云。

日艦侵犯各地

日本已抱定對我作戰。我方僅謀自衛。自上海開火後。第廿三隊立即抽兩艦。駛往長江下游。圖至通州等地侵襲。昨日續到調第廿三隊之兩驅逐艦。係從揚子江方面駛去。或至鎮江等地。擾我內地。並聞第二隊艦更派艦到州方面騷擾。但我方均有自衛之準備。又日軍作戰死亡之兵士。累累尸體。已由日艦分裝。送往本國。舉行火葬矣。

陸軍來滬增援

大批兵艦奉命出動

日政府鑑於上海事變急轉。決定派遣陸軍來滬。昨夜（三十一日）陸海軍幹部開聯合會議。協商具體辦法。（三十一日電通社電）

海軍省下令吳軍港第二水雷戰隊旗艦神通以下第十九。第二十驅艦隊。與第一艦隊伊勢。日向。治通。特務艦穩戶。間宮。載軍需糧食向上海出動。間宮已於今日（三十一日）晨七點由吳軍港出動。（三十一日電通社電）

日艦不斷來滬

一二航空艦

日兵戰敗後。遂由佐世保調派第一航空隊。由航空母艦加賀。鳳翔兩艘。運來戰鬥飛機兩大隊。計有二十餘架。均為灰色機。尾翼均有太陽圖。兩艦進吳淞

後。於昨晨開進上海。停在楊樹浦江面。昨日上午。兩艦中之日本飛機。均飛往真茹一帶。擬轟炸我電台。計有十七架之多。當場有兩機。為我軍射落。

四魚雷艦

日本第三戰隊巡洋艦那珂號。由良號。阿武隈號。並魚雷艦四艘。已從佐世保開駛來滬。於昨日下午四時二十五分進口。當在楊樹浦江面停泊。該第三戰隊所載來特別陸戰隊。昨已逐批登陸。準備與我軍再戰。現時上海港。僅楊樹浦一段。停有日艦三十餘隻。

▲日本陸戰隊到滬

陸戰隊運到

日軍自作戰以來。屢遭失敗。該國海軍陸戰隊。已失去戰鬥力。日方爰再調陸隊來滬。與我國作戰。昨日日本埠日郵社歐洲班輪照國丸。已從日本開來上海。該輪載有陸戰隊一隊。名額與番號等。日方秘不宣布。已於一日午三時半進口。當在匯山碼頭停泊。兵士即行上陸。

日艦離滬

在滬日本軍艦。昨日上午六時起。至九時止。突有驅逐艦第二十六隊之二艘。又有江防艦輕巡洋艦各一艘。突然離開上海。駛出吳淞。其目的未詳。據稱。各該日艦。係開往揚子江一帶。擾亂我國內地各處。

軍火運滬

日軍作戰以來。軍火銷耗甚多。茲聞日本海軍省所派運輸艦間宮號。已由吳軍港滿載糧食砲槍及子彈炸藥等來滬。今晨可以進口。以供上海日兵之用。又有驅逐艦沿風號。載得軍用車甚多。本日下午亦可進口。

▲大批陸軍增調來滬

華盛頓 駐美日大使出淵今日通知國務院。日本陸軍一師計九千人。現由日本遣

往上海。(五日路透電)

東京 關於派兵赴滬之重要說明。原定今日公佈。但因內閣欲重行考慮所需兵額。並減低原有預算。故展緩發表。當道現雖仍不許披露出兵詳情。但報告出兵之簡略新聞。則已可為檢查員所通過。據官場消息。駐華公使重光主張此事暫守嚴格秘密。蓋恐華軍聞之。大舉進攻。以殲滅此死傷已逾什一之日本陸戰隊也。日政府雖於駐外代表。亦未告以出兵事。是以駐美大使出淵近且向美國務卿聲明。日本不欲派兵赴滬。海相今日告路透訪員。上海陸戰隊無多。與十倍之敵衆繼續接戰。疲勞已極。日政府今決議派兵赴滬。無非欲策應陸戰隊。而逐退上海附近之華軍耳。日本絕對無佔據土地。或傷害英國在長江利益之意。一俟目前之工作完成後。即可撤兵。日本派兵赴滬。誠可為人誤會。但希望日軍到滬後。華軍不戰而退。即使戰爭區域。當有嚴格限制也云。路透訪員詢以戰地範圍。海相答稱。約延長二三十里。但決不擴大。日本之視上海事件與視滿洲事件。眼光完全不同。英國若能知此。則可了然於未有疑問日本意思之必要矣。滿洲為日本生死事件。而上海則不過偶有事件。日本對於滬事。亟願及早結束之。俾可撤兵。希望上海仿天津辦法。由國際協定。在指定區域內不許華兵駐紮。如是。則上海將來可永無續起衝突之可能矣。(五日路透電)

野村司令抵滬。每日新聞載電通社五日佐世保電云。日海軍省新任第三艦隊司令野村中將。於五日午後六時由佐世保出發。預定七日抵滬。乘。成。以上所載來日

大批日軍到滬。大陸報云。昨日（六日）有日兵一千五百名由日本開抵本埠。

在楊樹浦登岸。明日（七日）大約將續到八九千名。此即日內閣數日前決議派來上海以增援陸戰隊之陸軍。據半官消息。日本陸軍一混成旅及海軍陸戰隊等於今日（七日）抵滬。增

援上海日軍。惟究否由郵船會社碼頭登岸。入駐日本軍營。抑在戰場附近登岸。則無從探悉。記者曾以日軍到滬事詢諸日司令部。日人皆諱莫如深。新任日本在滬陸戰隊司令

植松少將。已於昨日（六日）下午自日本抵滬。日軍上級武官及領署官吏往碼頭迎送者甚衆。植松少將曩日曾任上海日陸戰隊司令。至新任第三艦隊司令野村中將則將於今日

（七日）抵滬。日寇侵犯閘北後。日艦調動。異常忙碌。昨晨停泊於楊樹浦江面之日砲艦一艘。魚雷艦第三十隊四艘。第二十二隊二艘。第二隊一艘。共計八艘。先後開往吳淞一帶停泊。於下午二時許。第二隊魚雷艦一艘。仍駛回楊樹浦云。

日機停降地點。上海泰晤士報云。上海陸軍當局現正在楊樹浦區距平涼路與黎平

路轉角數碼之空地。佈置飛機停駐場。昨日（六日）午後日兵及俄國二人一大隊從事填

地。甚形忙碌。現已有日飛機四架。駐於該地。午後曾飛出偵察。

大陸報云。滬江大學之運動場。現正由日兵改爲日飛機降落地。又距德士古煤油公司之油倉約半英里之空地。昨亦有日人由陸戰隊保護。從事填平。聞亦將爲日飛機之降落地。

▲日本陸軍第九師團抵滬

十三夜駛抵楊樹浦

十四午已陸續登岸

日軍連遭潰敗。所有海陸空軍死亡無算。已無作戰能力。爰又由日本調派陸軍第九師團全部。由植田中將統率之下。用大批特務艦。由驅逐艦隊掩護開來上海。業於十三晚及十四日。分批進口。先後登陸。

頭批昨晚進口

號稱日本陸軍最精銳之第九師團。兵額約二萬名。步騎砲工空。均全備。昨天卽到吳淞口外。當以進口需要引水。乃在滬雇得大批領港。赴三夾水外河筒。將載該軍之日郵社中日線內之商輪筑波丸。摩耶。等六艘。並巡洋艦四隻。滿載該師團兵士。於昨日晚間六時四十分起。陸續開進浦江。計步兵砲兵機槍隊等。而植田亦於是時至滬。各運兵輪軍艦。抵黃浦與匯山碼頭時。已在七時以後。當該師團官兵。均留艦中。至今日晨起。始將兵士槍砲等。陸續搬運上陸。

一批日兵續到

第九師團所屬步隊一部。及騎兵隊與通信兵隊等。昨晚不及駛進浦江。今日經運輸船 *Yakumo maru* 裝載。與日郵社之長崎丸及 *Draino maru* 等三

艘。分運到滬。第一船八時十分。第二輪一時半。第三艘二時四十五分。先後到滬。亦在黃浦匯山及大阪等三碼頭停泊。所到三日輪中。共有步騎等兵約一萬三千名並有軍馬數百頭。而通信隊中。更帶來軍用白鴿三十餘籠。昨日午後。統在各該碼頭登陸矣。

匯山碼頭登陸

新由日本調派來滬增援之陸軍第九師團。於今日七時三十分。由新任遠東陸軍總司令植由中將率領。在楊樹浦路匯山碼頭登陸。該項陸軍。衣黃色呢制服。頭戴黃呢軍帽。帽上有紅邊一條。標有陸軍字樣。日本駐華公使重光。第三艦隊司令野村。陸戰隊指揮植松。日駐滬領事村井。均親赴碼頭迎迓。並與植田在第一號艦中。晤談約半小時。匯山捕房。並派有日捕四五人。在彼照料。日陸戰隊本部方面。亦派有武裝兵士四人。由一哨兵長率領。附近一帶嚴密警備。不准行人駐足而觀。稍違即加以驅逐。匯山碼頭兩旁。停有大號卡車二十餘輛。以備輸送登陸日軍之用。至十時許。登陸日軍。已達六千餘人。當即分乘該項卡車。直駛而去。往返共計三次。均係運往吳淞蘆藻浜一帶前線者。綜計人數。約計一萬餘名。並另有卡車一輛。載有大砲十四尊。小鋼砲八尊。子彈炸彈共百餘箱。一並運往該地。直至下午四時。二萬餘日軍。始悉數登陸完畢。惟大砲軍火等。因搬運費時。截至下午五時。尙未搬畢。

▲大批日兵又到

運輪七艘進口

載到陸軍萬三千

日本調來上海援軍金澤第九師團。所屬步騎砲工輜與航空通信機槍等各隊。兵額實數。在二萬名以上。十三日夜及十四日上下午。先後由運輸輪九艘。由軍艦掩護裝到上海。在大阪匯山及黃浦等三碼頭上陸。共計載到官兵七千二百名。其餘均為大砲。坦克車。機關槍砲。炸藥子彈。並軍馬八百匹。與通信鴿電料等項。而大隊步砲兵與工輜兵等一萬二千名。直至昨日上午。始由日人在滬所雇領港人員。陸續帶引到滬。茲經調查。昨日大隊日兵。由大號運輸商輪七艘。每船裝一三二十名不等。開進吳淞。均到楊樹浦黃浦匯山大阪三碼頭上陸。其船名與到滬時間。查錄如下。(一) *Mihoru Maru* 八時五十分進口。(二) *Ida maru* 八時五十分進口。(三) *Shinyu maru* 八時五十分進口。(四) *Florida maru* 九時二十分進口。(五) *Hakkar maru* 十時四十五分進口。(六) *Uzina maru* 十時五十五分進口。(七) *Shokyu maru* 十一時十五分進口。以上各船。均全數裝兵至滬。由日海軍派十隊魚雷艦一艘保護。各兵至碼頭後。即行登陸。用大批卡車。分運至前綫。

此次第九師團來滬。兵數既多。需用糧食及軍用品亦甚夥。前日第一批到滬之運輸船長崎丸。筑波丸。阿摩丸。法朗西丸等五艘。昨日已由日艦一艘保護。開離上海赴日。運輸來滬矣。

大陸報云。日本第九師團昨日(十四)登陸者計有步兵兩旅。騎兵一聯隊。砲兵一聯隊。工程與通信隊一大隊。輜重隊一大隊軍需極多。大戰馬八百匹。供曳砲與乘騎之用。

。又機器腳踏車與坦克車多輛。飛機多架。傳書鴿約一百二十隻。野戰大砲。則由日馬曳過楊樹浦路者約近一百尊。砲彈槍砲及炸彈等。均以大箱裝運。用馬曳過楊樹浦路。亦不知其數。足見日軍將傾全力以猛撲中國十九路軍不可撼之陣線也。

◎第五章 日軍夜襲開北

大戰開始

全滬震驚

二十八日入晚後。外人方面即有嚴重消息傳出。於當晚十二時。日本陸戰隊進攻開北。初於十一時十分時。日本陸戰隊即有一小隊數十人。由北四川路底司令部開到天通庵。首先佔據天通庵車站。該站人員即時離去。但斯時防開北之我十九路軍。尙靜守防綫。並不射擊。及至十二時許。日陸戰隊即以天通庵車站爲根據地。分數隊突向我軍防綫攻擊。我駐防軍以覺自彼開。不能不與抵抗。當即奮起應戰。如是各方乃謀緩和之上海。頓時變爲戰爭狀態矣。茲將戰況。分誌如下。

天通庵站

二十八晚十一時十分。日陸戰隊一小隊約數十人均携手提機關槍。乘機器腳踏車。臂纏白布。由便衣日人領入天通庵車站。時車站人員均避鋒離去。我軍多散伏各處。靜守防線。極爲鎮靜。

閘北巷戰 廿八晚十一時餘。日陸戰隊在天通庵方面。首先向我十九路防軍開放步槍數響。隨即分淞滬鐵路及虬江路兩方面向我軍防綫衝鋒。我軍兵士憤激萬分。勇氣百倍。遂用機關槍射擊。日軍連衝數次。均被我軍擊退。此後雙方遂用步槍抵抗。直至十二時五十分時。日軍又由後方補充生力軍向我軍猛攻。我軍死力還擊。互戰至一時二十分。日軍仍不得逞。退回天通庵以東。當雙方激戰時。機關槍聲不絕於耳。並據外人方面探悉。日軍衝鋒時。損失甚鉅。自一時半以後。槍聲稍稀。並逐漸向天通庵方面以東移去。想係日軍後退之故。但至一時五十分時。機關槍聲又起。且甚稠密。在淞滬車站之屋頂。可見子彈火光。激戰至二點半。槍聲尚未停止。同時寶山路口方面。亦起槍聲十餘響。又北站方面。亦有槍聲十餘響。而站內之電燈。亦立刻熄滅。此時槍聲最密之地。似在虬江路與淞滬車站之間。

江灣接觸 日軍在天通庵車站挑釁後。同時江灣方面。日陸戰隊亦與我軍第七十八師第六團接觸。初僅步哨衝突。我軍爲正當防衛起見。即積極應戰。日軍連次衝鋒。均爲我軍擊退。我軍士氣旺盛。無不以一當十。日軍卒無所逞。

轟擊吳淞 廿八晚十時許。日艦十三艘駛進三夾水。向吳淞砲台轟擊。發砲三十發。我軍初先積極應戰。其後忽寂然無聞。日艦以爲砲台已燬。即擬登陸佔領間。我砲台突又開砲。日艦稍退。其後上海吳淞間之消息忽斷。吳淞戰況詳後。

第六章 日軍初次失利

我軍奮勇迎戰

日軍有退無進

北火車站被炸

商務書館燒毀

(二十九日戰况)

自日兵昨晚十一時五十分。無端進佔淞滬路天通庵車站。向我駐軍蔡廷楷部第七十八師挑戰後。雙方即於當晚十二時正式接觸。原由天通庵站及淞滬路進窺天通庵路江灣路等處日兵。已於本日下午一時許。被我軍擊敗退出。同時黃陸路附近日本海軍陸戰隊本部。亦有被我軍佔領消息。北四川路日本小學內所設臨時本部。因悉我軍在福生路得利。沿虬江路前進。懼被包圍。乃亟又放棄。退至四川路橋。暫佔郵政總局為駐紮地。但我軍以越界築路。不可為日軍利用。故追至北四川路大德里暫時停駐。旋又前進至老靶子路柵門處。與虬江路我軍會合。至下午五時。駐在北四川路郵局內日兵。聞已不見踪跡。同時在海甯路北河南路小菜場附近留駐之日軍。亦退至天妃宮橋北堍。第十路公共汽車。祇往來於三茅閣橋。及天妃宮橋南堍之間。至本六時止。我軍陣綫。在北川路。北

河南路。虬江路。寶山路。已得互相呼應。所有昨晚日兵所襲擊佔據之各地。全爲我軍收復。計是役。共擄獲鐵甲車四輛。擊燬一輛。擊落飛機四架。敵軍死傷一千餘人。茲將各情分誌如次。

奪回天通菴站

公安局第六中隊二等警趙煜二。於今晨在天通菴車站附近。與

日兵激戰受傷。據向新聲社記者談。該處中日兩軍衝突。及天通菴車站被佔據又行奪回經過情形云。公安局於晚派第六中隊警士六人。在天通菴路與通記路口所設之沙袋等防禦工程處防守時。至深夜十一時四十分。忽發現日軍鐵甲汽車數部。載日海軍陸戰隊三十餘人。守警詢以口令。日兵卽開機關槍。六警當即抵抗。以步槍還擊。然以衆寡不敵。乃向橫浜路方面退却。并向駐守該處之公安局第六中隊隊長孫謀報告。孫隊長聞訊。當率警士六十餘人應援。無如日鐵甲車以機關槍掃射甚猛。歷十餘分鐘。亦不支而退。時天通菴車站。已被日軍所佔。乃於青雲路集合。復得憲兵第六團機關槍隊之應援。氣勢遂又大振。當卽竭力反攻。戰二小時。十九路軍第五團亦聞訊。趕至加入作戰。日兵遂被我軍包圍。至三十日清晨三時許。攻天通菴火車站之日軍。乃全告覆沒。并奪獲鐵甲車汽車三部。其中一部毀壞。餘二部尙可應用。至三時半。日軍又有一隊。向天菴車站來攻。我軍復與應戰。日不克而退。於是天通菴車站。復爲我軍奪回是役我軍死傷十餘人。而日軍之死傷。則達百人弱。

四川路巷戰情形

北四川路一帶巷戰。以川工路與阿瑞里對面吟桂路爲最劇烈

。蓋日軍此次進攻開北。共分三路進攻。一路由江灣路入天通菴路。圖攻北火車站之後。然已爲我軍在天通菴路擊退。并將江灣路虹口公園附近。日本海軍司令部擊毀。一路由吟桂路日小學校內所駐之海軍陸戰隊第三隊。沿該路西進。圖於橫浜路與天通菴方面日鐵甲汽車隊相聯絡。另一路。則由虬江路直攻北站。因之北四川路附近。如川公路如吟桂路巷戰甚烈。吟桂路於今晨被我軍圍攻。至今午十一時半。以該路日小學校爲根據地之日軍。已全數退出。雙方死傷。均不少。由虬江路方面進攻之日軍被我軍擊退至川公路廣東街一帶。巷戰極烈。日兵死傷。橫臥於巷口者。觸目皆是。在該處巷戰時。我軍憲兵排長王天雄。曾率一隊憲兵衝鋒。擬越過北四川路。故在正午十二時左右。在老靶子路北四川路口。聞槍聲甚爲清晰。同時在租界口之日機關槍聲亦大作。至下午一時許。始漸息。聞王排長與所率之一隊憲兵。均未見歸來。或有意外。亦未可知。當時日方以汽車運輸麻袋及沙土等。以爲架設防禦工程之用。此又可見當時日軍之失利情形也。

福生路之戰況

靶子路間之橫路福生路。係華租交界處。今晨三四時日兵數十人。自靶子路衝入。與我軍發生小衝突。至天明五六時間。趨於激戰狀況。我軍係憲兵第一團第三營。奮力應戰。旋因日兵增多。乃稍退至福生路北之新民路寶山路口。日軍乃強登該地之民房小樓上。緊閉窗戶。乘虛射擊。擊後隱於室內。使軍無從捉摸。沈營長督促部屬。在界路上（即日軍所居小樓之對面）紛壘沙囊。與之週旋。自後互有槍擊。雙方死傷。尙不重大。

擊落日機四架

今日日本飛機到處投彈。破壞甚大。當清晨四時許。在開北南市天空。環繞飛翔。約有五架。即聞軋軋之聲。時晨霧未退。細雨迷濛。擊落日機共四架。一架於今日午後二時用高射砲擊落。墮於寶山路吳淞路車站。又二架爲虹橋飛出之航空戰鬥機擊落。因日機由吳淞飛來。天色未明。旋我軍飛機繼起。彼疑係租界飛機。毫未介意。仍在商務印書館一帶投彈。我飛機見彼實行破壞。遂上前高飛於日機之上。用機槍射擊。落於太陽廟滬泰長途汽車公司門前。

北車站被日機轟炸

來往首都上海杭州間必須要道之京滬上北車站。站屋及上北貨棧。上北機車房亦同於本日被日飛機拋擲硫磺彈。全部焚毀。茲將詳情紀之如下。今日日飛機擲炸彈。第一次即向北車站施放。時在八時左右。第一二兩彈。落在車務處辦公室外。未炸。車場道內亦受三彈。未有巨創。麥根路及真茹方面同各受彈。因我軍轟擊甚烈。乃未得逞。在九時許。上北機車房頂上着彈。當被炸毀倒塌。惟因該屋全係鐵料瓦料建成。致未成災。至下午一時許。上北貨棧亦着彈爆炸後。即時延燒各貨棧內。貨物因受戰事影響。均未及運出今則全付一炬矣。損失當在百萬元以上。至下午二時三十分。上北車站管理局四層屋頂上。同樣被炸。即向下延燒。漸及下層車務處辦公室時。車場內所停鐵甲車兩列。竟亦被炸。轟然一聲。車內軍火。遂因而爆炸。以致車站樓屋。因受震不支而倒塌。火勢自下午二時半起至十時。尙未熄滅。想已變成焦土矣。

義勇軍參加作戰

昨晚（廿八日）開北方面日軍向我進擊後。中華民國退職軍人抗日救國義勇軍總指揮部聞訊。立派義勇軍二百餘名。趕赴北四川路底天通庵附近。參加抵禦日軍。該軍因成立伊始。槍械不齊。參加作戰者分二十人爲一組。共分十組。僅有槍六十餘桿。間有攜盒子砲。餘則仍多徒手。奮勇衝向日軍司令部進攻。奮獲日軍槍械四十餘桿。日軍受傷者有二十餘人。但該義勇軍傷亡四名。該義勇軍總指揮部參加是役後。昨又召集義勇軍。已有千餘。士氣極盛。又聞各義勇軍蠶起後。（現已有王亞樵。王大文。陳一農。余之奎。各部。人數達數萬。已與十九路軍取得聯絡云。

商務書館燒燬

開北寶山路之商務印書館開北總廠及編輯部東方圖書館。於昨晨十一時。被日飛機拋彈炸毀。並全部焚去。茲將被炸情形。詳誌於下。自昨晨日兵鑒於形勢不利後。即用飛機轟炸我軍後方陣線。均爲散形線。故未爲所乘。日機第一次飛時。在昨日四時二十分。因天色晦暝。故祇在空中盤旋示威。至七時左右。天已大明。同時日機又有一架自浦江飛起。相隨飛往開北。實施拋硫磺炸彈。湖州會館鄰近首着彈。幸炸力甚弱。未被巨創。尙有數彈。落在荒地上。故未波及。至十一時許。商務印書總廠竟亦着彈。適落在天井內。當即爆裂。繼即發火。而當時廠內各工人。早走避。至救火車因在戰事區域內。無從施救。乃祇得任其延燒。一時火光燭天。照及全市。尤以紙類堆積。延燒更易。片刻間編輯部即遭波及。所裝備之各種印刷機器。全部燒壞。焚餘紙灰。飛達數里以外。卽本社左右。均有拾得。可見當時火勢之一

班。與商務書館相對爲鄰之東方圖書館。因火焰沖過馬路竟亦遭殃。全部被毀。商務書館總廠房屋。於下午三時許。即全部倒塌。但火勢至五時許尤未全熄。查商務書館爲我國唯一文化機關總廠。佔地八十餘畝。今亦爲國難而犧牲矣。惜哉。聞該館全部損失。以現在價值估計。約值一千萬圓左右。

(一月三十日之戰況)

日領要求停戰 昨日日領要求我當局停戰。並經英美領事從中斡旋。雙方約定於即晚八時止。停止攻擊。但至十時許。對方槍彈仍向華界射擊。我當局質問日領。據答係便衣隊。迨至今晨一時餘。槍聲仍密。但其地點移在北四川路老靶子路與寶樂安路之間。截至今晨二時半止。我軍防線內。自寶山路起。沿淞滬鐵路至江灣一帶。已無日軍蹤跡。鐵路以南四川路一帶。尙有日軍殘部。正在激戰中。四川路橋北堍。仍有日兵數名把守。絕對禁止通行。又虹口方面。散布日本便衣隊甚多。左手服有白布及紅布各一條。

上午戰況 本日上午八時十五分。日陸戰隊約二百餘名。分南路向我軍陣地襲擊。一部在河南路花旗營盤短垣西角沙袋堆旁。一部由吳淞路朝東。向我軍防地猛攻。衝鋒數次。均經我軍迎頭痛擊。日軍傷亡枕藉。相持至正午十一時十分。日軍不支。紛紛向原來兩處敗退。一由河南路退至北河南路鐵馬路菜場。一由吳淞路退抵沈家灣虹口菜場。我軍見日軍潰退。仍然緊守陣地。並未追擊。此後槍聲遂歸沉寂。至下午一時

許。又有日軍二十餘人。潛至河南路沙袋處。向北面頻頻襲擊。我軍亦報以十餘槍。約一刻鐘始止。

我軍圍擊殘部

我軍陣線。至下午六時止。在北河南路。福生路。虬江路。三處。無變遷。亦無接觸。間或有一二槍聲。係福生路。虬江路。兩處日兵便衣隊。被我軍包圍後。正在殲滅之故。福生路約有便衣隊三四十名。虬江路至奧迪安影戲院旁川弓路處。約有五十餘名。均分匿居民家內。故搜勦稍覺緩慢。但此種絕小部份勢力。深處圍困中。行見一掃而盡。北河南路鐵柵門以北寶山路口。均滿佈我軍。以南無日兵蹤跡。至天妃宮橋上。日兵有防禦工作。由此可見日兵已行敗退矣。北四川路海寧路一帶。尙有日兵。約在百人左右。蓬路日本俱樂部亦駐有日兵。於昨晨三時起。曾被我軍圍攻。同時北四川路底我軍。曾向寶樂安路。狄思威路。繞道進攻虹口沈家灣。於佔領後。卽沿吳淞路前進。至崑山路。以此處日海軍陸戰隊本部司令部遷駐於此。故當時激戰至烈。蘇州河北面槍聲。密如連珠。至昨晨四時許漸歇。未幾。日兵又用小砲轟擊。但未中的。至天明時。共發二次。此方我軍最前陣線。現在沈家灣。日兵在廣東街頭壩。及日本俱樂部。崑山路。海寧路。等處。成一橫線形。雙方未有轟擊。至下午五時許。駐在虬江路我軍。曾將川弓路日本便衣隊兜勦。故槍聲又起。日便衣隊以力不能支。乃將該處房屋。縱火焚燒。此乃昨日傍晚能望及之火光所由來也。至八時許猶未熄。滬西勞勃生路鄰近梵皇渡車站處。日便衣隊。於下午五時許。亦被我駐軍圍擊。至九時尙未停止。

(一月三十一日之戰況)

▲眞如戰況

擊落敵飛機二架

傷我兵士十餘人

中國紅十字會第一支隊隊長海宗啓。本日午前十一時。見有日本大隊飛機。馳赴眞茹。知有大戰發生。因率領救護員醫師等三十餘人。分乘救護車三輛。開足馬力出發。至眞茹時。日飛機正與該地駐軍作戰。炸彈與高射砲聲不絕。結果。敵方擲數十彈。我軍射落日機二架。在楊家橋之北。無線電台之東一帶。我軍傷六團一連兵向志才。張疇。機關槍連一連兵士王新法。陳健平。六團一營一連李飛廷。張起義。三連周吉朋。四連吳少康。黃佐三。二營兵士謝昌。一連兵士李仁芳。民人趙志俊。警士趙德成等。無線電台無恙。傷兵送至海格路紅十字醫院。

▲前線總指揮翁旅長談話

感謝同胞熱烈慰勞

希望救出閘北難民

現在我方於閘北虹口一帶前線與日兵抵抗者。爲十九路軍七十八師一百五十六旅第五。六。兩團。第五團長丁榮光。担任側面攻擊。第六團長張君嵩担任正面攻擊。而蔡廷楷軍長與旅長翁照垣旦夕在前線指揮。目下翁兼任前線總指揮。及義勇軍副主任。該兩

團兵士自與日兵開火以來。陣線有進無退。而傷亡亦少。

翁旅長。爲廣東惠來人。年四十。前爲粵軍猛將之一。一九二六年東渡日本。畢業於日本陸軍士官學校。一九二九年留法學習航空。畢業於法國慕哈尼航空專門學校。嗣又往德、英。意。諸國考察航空。善於飛行。去年始返國。任廣東省保安隊第四團團長。未幾調任國民政府警衛軍第四旅旅長。旋又調任今職。體格魁梧。態度沉着。富於謀略。勇敢過人。曾向各報記者談話云。此次與日軍作戰。屢戰屢勝。非我十九路之力量。實乃民衆的力量。民氣卽是士氣。民力卽是軍力。觀諸數日來閩北民衆。爲我軍炊爨服役。爭先恐後。此語益足徵信。在昔我國人。常以日軍爲可畏。謂日軍一人。可當我軍十人。此類觀念。殆已普遍。而深入人心矣。乃證諸日來戰事。則適得其反。不僅日軍不能與我以一一。反之我軍能以一敵數。打得日軍每戰皆挫。足見我國軍氣之強旺爲如何。近來備蒙各界來此慰勞。並犒需品。卻之未敢。受之有愧。謹代我前線軍士對各界同志。致最誠摯之謝意。此後當益本初旨。努力殺敵。無論犧牲至何程度。必須流血至最後一滴。以保我中華國土及民族光榮。

(二月二日之戰況)

日軍又挑釁示威

今日爲雙方休戰三日中之最後一日。我方軍士遵守軍士長官命令。對於日軍。不予追擊。唯日軍仍不絕挑釁。昨往前方視察。親聆日軍陣中。機槍小鋼砲之聲不絕。今晨五時。駐防橫浜路之日軍。竟開放機槍。向我軍掃射。歷時頗久。

。而寶山路口之日軍。亦於昨晨九時。槍聲大作向我軍陣中射擊。我軍服從命令。始終不發一槍一彈。

日軍用重砲攻我 今日下午二時三刻。日軍復在狄思威路天通庵路一帶以重砲向吾軍轟擊。砰砰之聲雖距離甚遠之楓林橋一帶亦頗清晰。至四時三刻。始行停止攻擊。日人稍退。入晚至七時許又有劇戰。我方始終堅守原來陣線云。

我擊落日機一架 日方於下午一時起。分遣戰鬥機兩架。飛駛北站。真茹。南市。浦東。及租界一帶示威。當飛抵北站附近時。飛駛殊低。顯屬向我軍陣地窺探防務。并投擲炸彈。後我軍開放高射砲。將日機擊落一架。墮落於閘北方面。又下午二時許。該飛機兩架。在北浙江路第一特區地方法院該盤翔許久。該處係美兵防區。法院屋頂。有美兵防守見該飛機。往返低飛多次。當即鳴鎗加以警告云。

(按日軍初戰即失利連日皆在休戰期中雙方不過小接觸而已)

第七章 日艦砲擊吳淞

我還擊日艦一沉三傷

浦東白龍港亦有砲戰

(二月三日之戰况)

今日上午十時半。日海軍及飛機進攻吳淞要塞。我方亦開砲還擊。結果擊沉日驅逐艦一艘。並擊落日機一架。至午後四時許。浦東白龍港砲台亦有日艦進攻。亦經擊退。茲將詳情錄後。

日海軍進攻吳淞 本日吳淞方面。忽有日艦向我砲台轟擊。致滬上謠諑四起。有吳淞已爲日軍佔領之說。民衆頓起恐慌。茲據。吳淞要塞司令部確息。今晨十時三十分許。日艦四艘。駛至海口。忽鳴汽笛。該砲台置之不理。而日艦即向砲台開砲射擊。當經鄧司令指揮部屬。開砲還擊。擊沉日趨逐艦一艘。其餘三艦。追蹤前進。復經該砲台開砲猛射。又擊損日艦三艘。其中一艘烟肉被擊損壞。左右搖擺欲沉嗣由其他日艦急駛而至。將該受損二艘。曳往阿烏沙附近停泊。此上午與日激戰我軍勝利之實在經過情形也。迨至午後十二時半。日軍又駕飛機十二架。飛向吳淞砲台。拋擲炸彈。鄧司令即以高射砲擊之。當經擊落日飛機一架。落於寶山縣城內。當激戰時。該砲台損砲一尊。兵士被炸。一死五傷。居民亦傷八人。至當晚五時許。日艦及飛機。均逃逸無蹤。又據外人方面消息。今晨吳淞口日艦。向吳淞開砲。吳淞砲台。當即還擊。某艦上計載有飛機數十架。當有六架墜落。據目擊者云。雙方經三小時之轟擊。砲台突開砲射擊一驅逐艦上。當時即沈沒海中。其艦號爲第二十六號云。砲台之射擊。至下震二時半停止。日艦上有陸戰隊一隊。登吳淞岸。岸上槍砲齊下。死傷甚多。日軍終不得逞。

吳淞砲戰日擊談 日本砲艦本日午刻在吳淞開砲。轟擊我砲台。當時係先有日驅逐艦停在吳淞。至十一時許。楊樹浦續有日艦開抵吳淞。太古之奉天輪方進口。日艦到淞。即開始砲擊。先後六響。我方亦即回擊。奉天船員。見砲台旗杆折斷。又見日艦一隻着彈起火。即行沉沒。另有兩艦。亦被我方砲彈擊傷。日艦即行逃走。

白龍港亦有砲戰 今日午後四時許。浦東白龍港。亦有日艦至該處。開砲射擊。當經該港砲台。開砲還擊。雙方激戰良久。是役日艦計開砲一百響。我方開砲八十餘響。日艦因未得逞。即行遠遁云。

日領稱決佔淞口 日本總領事。於本日下午二時半。突然向駐滬各國領事通知。稱我國吳淞口砲台。將日海軍驅逐艦三艘擊傷。並擊沉一艘。故日本海軍陸戰隊。決登陸準備佔領吳淞。但據事實。係由日本陸戰隊須於吳淞登陸。先向我軍砲轟。故我軍亦加以還擊云。

日艦進攻之詳情 吳淞要塞司令王副官。三日下午。因公來滬叩以敵艦攻擊吳淞砲臺經過。據稱。今晨十時。敵方突以軍艦念一艘開至吳淞。向我砲台採取半弧形包圍勢。並以機槍大砲。向我大舉襲擊。我為採取合法自衛計。亦開砲力事還擊。十時槍砲聲大作。當將敵方驅逐艦一艘擊毀。霎時即沉沒。另一艘受砲火重創。不能活動。尚有二艘。亦被砲火擊中。惟創傷較輕。經我方奮勇激戰後。敵艦披靡。重圍亦解。十二時許。敵方飛機十二架。忽由川沙白龍港方面。飛到吳淞。一齊拋擲多量炸彈。我砲台

立即向空瞄準。開砲轟擊。當時敵飛機一架。中砲墮地。更有趣者。即當飛機翻墜時。倭島人（按日人稱飛機師爲島人）竟跌出機外。立變肉餅。飛機亦墜地成塵粉。軍民見者。咸踴躍歡呼。竟忘置身戰場。其餘敵飛機。以不得逞。仍向川沙白龍港飛去。並經該處我防軍開砲百餘響轟擊。始狼狽遁歸原艦。當在敵我鏖戰時。今日出口開往寧波溫州等之中外各輪。亦不能越過火線。即行折回上海。以爲敵艦念餘艘正向我砲台圍攻。我必無幸。故外間有吳淞砲台已失守之訛傳。凡蓋此助長敵人氣燄之思想。全爲無抵抗軍人所造成。殊不知我鄧司令當倭寇犯滬事。即預料敵人必來窺我吳淞砲台。故抱定與台共存亡之決心。早有準備。用能殺敵致果云。

第八章 日軍二次總攻

日艦十三艘圍攻吳淞砲臺

激戰八小時擊傷日艦二艘

陸戰隊死傷過半要塞無恙

閘北激戰日軍發四百餘砲

我軍亦還砲結果日軍敗退

（二月四日之戰況）

▲吳淞戰況

日海空軍前日猛攻吳淞砲台失敗。被我砲台擊沉日驅逐艦一艘。擊傷戰艦三艘。擊落飛機一架。日海軍司令部復派大批軍艦圍攻吳淞砲台。自晨九時起迄下午五時始止。我軍應戰極力。日艦二艘受傷。始終未能越雷池一步。茲據調查所得。詳誌於下。

敵艦圍攻 吳淞於昨日上午九時許。復有敵艦十三艘。圍攻砲台。要塞司令鄧振銓。當即督率官兵。發砲還擊。雙方互轟。頗爲劇烈。直至十一時許。敵艦二艘被我浦東龍王廟砲台夾攻。擊傷甚重。失去戰鬥力。遂與未受傷之餘艦。同時退出砲台火線之外。及至正午零時三十分。敵艦復大舉來攻。砲火較前更爲猛烈。并有敵海軍陸戰隊分頭在寶山城北。及砲台灣車站前洋碼頭。由敵艦砲火掩護登岸。希圖截擊砲台陸正面。經要塞守備兵會同十九路軍。將敵擊退。同時吳淞張華浜對江老鼠沙光華火油棧。被敵兵登岸。縱火擾亂後方。下午二時許。復有敵艦五艘。及敵機八九架。駛至淞口。加入作戰。一時砲台方面。砲聲連續不斷。聲震天地。敵兵又分數處海岸登陸。先後均被擊退。至五時許始行休戰。淞寶居民業已遷避一空矣。

殲滅日軍 自今日晨九時起。日艦十三艘大舉攻我砲台。我軍奮勇還擊。雙方互戰約數小時後。我砲台忽然靜默。日艦繼續開砲。我方均無應聲。日急派偵察機飛至砲台附近窺視。亦以爲我軍全部退却。砲台燬壞。遂以無線電報告。於是日艦陸戰隊紛紛登陸。迨逼近我砲台時。我方伏兵盡起。開砲痛擊。並以機關槍掃射。日陸戰隊千餘人

盡被殲滅。無一生還。

又一報告

警備部報告云。四日上午。日軍派飛機四架。軍艦四艘。向我吳淞砲台轟擊。我方還砲。擊沉敵艦一隻。敵艦及飛機即不支逃去。至下午一時許。敵軍又來飛機三架。戰艦四艘。攻擊我砲台。激戰至三時許。我方即停止還砲。佯作不抵抗。敵艦以為我方已退走。遂派陸戰隊一千餘名登岸。意圖直取砲台。我方守軍。靜待敵軍進砲台附近時。遂用機關槍及迫擊砲掃射。敵軍逃避不及。當被我軍擊斃千餘名。幾無一名生還。又據報白龍港海面。原有日艦八艘。但四日來攻吳淞砲台以後。僅有六艘。回至該處海面停泊。

赴淞指揮

日海空軍連日犯我吳淞砲台。我軍奮勇還擊。激戰至烈。四日下午三時。淞滬警備司令部並派七十八師副師長譚啓秀前往吳淞。負責指揮一切。要塞區域仍在我軍固守中。

吳淞損害

昨日吳淞激戰結果。我軍傷亡極少。日艦共開數百砲。吳淞鎮街市砲彈落下甚多。被轟燬者計有明遠樓茶館。協茂福醬園。盛慶福藥材店。漢和理髮店等數家。損害尚輕。

特別戒嚴

吳淞要塞司令鄧振銓。於今夜宣布淞口特別戒嚴。自晚間七時至翌晨五時。一切船隻。不准進出。

閘北戰況

日兵於三日下午令總攻擊後。當日首先一仗。即被我軍予以重創。乃日兵尙不甘服。遽於今日繼續大舉分三路進攻。幸賴我軍奮勇抵抗。卒將日兵擊敗。並同時奪獲戰利品等。茲將開北方面我軍擊潰三路進犯日兵情形。分誌如下。

乘勝追擊

福生路係接近老靶子路。日兵自從北河南路口撤退後。即集中在該處。以儉德儲蓄會爲根據地。曾屢次由新民路向寶山路襲擊。昨晨五時許。該處日兵。首向寶山路口進攻。當爲防守北車站路我軍抵住。雙方即在該處交戰。未幾日兵見無發展。乃即用機關槍向我方掃射。我方亦即還擊。同時日兵有踞登該處高牆上用鋼砲向下猛攻。因此北站左右。彈如雨下。血肉橫飛。約相戰四小時。我軍在猛抗之下。卒將日兵挫敗。乃乘勝追擊。至虬江路與我軍中路綫會合。守住原防。日兵沿北四川路南敗退。日兵死傷者約百餘人。界路上亦有日軍陳屍。

截獲軍械

日兵於進攻寶山路後。一面即分兵向塘山路衝入東寶興路。其勢異常猛烈。但我軍早有準備。即奮勇抵抗。日兵曾爲少挫。未幾日兵續有大隊來攻。先用大砲掩護。繼以迫擊砲。機關槍。小鋼砲。步槍。作猛烈之攻刺。我軍迎頭痛擊。相持約六小時。我中路軍抽派勁旅。沿淞滬綫超越至日兵後路夾擊。日兵始漸不支。正擬向後退却。奈後路阻塞。乃被我軍包圍。日兵屢次奪圍。終未得逞。後得援軍之助。乃始解圍。然生還者無幾。此處我方截獲日兵大砲七門。機槍十七架。槍彈無數。日兵傷亡者約三百餘人。我方亦受輕傷。總計日軍昨日終日共發四百餘砲。

左翼激戰

昨日日兵進攻各路中最猛烈者。厥為江灣路及青雲路。以此路日兵司令部適在該處。而又當虹口咽喉。故日兵出全力以搏。而我軍以此路實繫中右兩路陣綫。亦極力抵抗。於是此處。乃成兩方戰爭焦點。相搏之烈。為日軍向我開釁後之第一次。沿淞滬綫天通庵路日兵。曾有十餘次在大砲掩護之下。向我軍防綫作至猛之衝鋒。我軍出壘抵抗。甚至肉搏。迫擊砲機關槍。幾失效用。日軍後方。乃在虹口花園及六三花園。用大砲向我軍後方陣地射擊。冀圖擾亂。我軍亦即用砲向日軍各砲位及該司令部轟擊。均能中的。日司令部內及附近。曾中彈十餘次。惟惜未爆發耳。在午後一時許。停在北站車場內之我軍鐵甲車一列。亦奉命前調助戰。該車即衝至淞滬綫。在寶山路站東發砲。當將六三花園轟毀。殲滅日兵百餘人。當時前綫日兵傷亡已將過半。又見後方援助隊伍發生劇變。乃節節敗退。我軍即在該處守住。並分兵至六三花園一帶追擊潰兵。聞我義勇軍一部。已推進至嘉興路。一部已佔領狄思威路一帶。此方日兵死亡達五百餘人。我軍亦受創傷。義勇軍方面。陣亡排長郭成標一名。傷士兵邱一峯。楊林孚。二名。當由紅十字會救護車送入醫院。

日機擲彈

在昨晨繼續發生戰事時。日飛機二架。於十時左右。又復起飛助戰。先在閘北一帶盤繞。因我軍用高射砲斷續轟擊。因此未有投擲炸彈。約半小時後。日飛機忽然下降投彈。計先後不下三十餘次。以致南自寶山路鴻興路。北至青雲路西寶興路八字橋一帶民房工廠。多為日軍砲彈及炸彈擊燬。着火延燒。八字橋之玻璃廠。貧民收

容所。已成燎原。自上午十時至下午十二時。延燒終日。尙未熄滅。一時紅光燭天。烟火滿佈。損失甚爲鉅重。同時開封路更新舞臺後。亦被日機擲彈爆炸起火。自下午三時起至九時許。尙未熄滅。以地在軍事區域。竟無法施救。一任延燒。至爲慘酷。并此次日方均利用大砲。故先後計發砲達四百餘砲。中間曾有十餘次係空砲。我方還砲甚爲準確。至於迫擊砲。機關槍。小鋼砲。則不計其數。總之自晨五時至下午五時。十二小時中。槍砲聲疏密不斷。足證此役之劇烈。

今晨砲戰

開北方面戰事。昨日入晚後。砲聲已停。槍聲亦少。至九時後更覺平靜。詎至今晨零時三十分。敵軍方面。突又開砲向我軍陣地轟擊。我軍亦開砲還擊。頓時砲聲隆隆。震動天地。而機關槍聲及來福槍聲。亦同時不絕於耳。激戰至零五十分時。槍聲稍停。至一時許。槍聲亦停。自一時至一時半之間。機關槍復繼續發放。惟不其激烈。細察槍砲聲地點。似仍在淞滬鐵路一帶。

第九章 眞如空軍大戰

我國空軍開始作戰

擊落敵軍飛機三架

(二月五日之戰況)

▲真茹空軍戰紀詳

日飛機連日在閘北真茹等處擲彈。燬屋傷人慘無人道。今晨十時。日飛機九架復飛翔天空。在閘北到處擲彈。旋飛真茹。圖炸無線電台。在真茹車站旁。及暨南大學。擲下炸彈數枚。損害尙輕。當時我空軍趕到。遂在空中作戰。而我軍高射砲亦同時發彈。即於十一時三十分。擊落日飛機一架。兩架受傷。仍勉強作飛。墜落於南翔附近。餘機被我空軍追逐。疾飛逃去。茲將詳情。分誌於后。

飛機兩隊抵滬

今晨九時。我軍飛機第六第七兩隊。計戰鬥機及驅逐機若干架。由南京到滬。即在滬西天空飛翔一週。聞日內將有續到。據我空軍人員表示。我空軍係完全出于正當之自衛。暫不飛往租界。倘日機來華界天空擲彈。必盡量與之週旋云云。

日機襲擊真茹

今晨十一時。日飛機九架。在閘北擲彈後。即飛向真茹。圖炸國際無線電台。我軍即發高射砲及機關槍射擊。一時炸彈槍砲聲並作。激戰至爲劇烈。

空中作戰勝利

當時我空軍六七兩隊聞警。亦趕到真茹。與日機在天空作戰。我軍日始即行佔優勢。時時居高臨下。以機關槍射擊。而高射砲瞄準復極準確。上下夾攻。日機漸覺不支。十一時三十分。日機一架。首被高射砲彈所中。機身着火。儲藏之炸彈爆裂。未幾即墜地粉碎。其餘兩架。亦被擊中。受傷後向南翔方面飛遁。旋即降落。據目睹者云。遁去之二日機。機尾已發青烟。一架墜地後即不起。另一架仍飛起逃逸。

。究竟如何。尙待證實。至其餘六架日機。狼狽遁走。我空軍追逐甚急。在虹橋道上。復有激戰。至下午一時許。我空軍始全勝言旋。

日飛機師焚斃

在真茹擊落之日機。係打落在真茹車站西南之楊家橋空地。該機在空中着彈後。卽已焚燒。儲藏之炸彈亦復爆炸。聲如巨雷。落地時。機身已全部粉碎。日機師三人皆焚斃。腦漿流出。屍體幾已不能辨認。聞死者其一爲海軍大尉矢野讓五郎。當由兵士在機內搜獲機師所帶之手槍三支。及焚壞之機關槍二架。機身甚大。祇存骨路。機頭有「三菱航空機株式會社修理昭和六年七月十八日。」字樣。羣衆圍觀者數匝。多將機身之銀灰色布撕下小塊。什襲珍藏。謂以作抗日之紀念也。

我方損失一班

昨晨日飛機在真茹方面。共擲下炸彈八枚。在真茹車站擲彈七枚。三彈落站東空地。深均丈餘。二彈落月台上。二彈落車上。車站職員未受傷。月台左右二角。均着一彈。屋面被炸。木板鐵皮。亦均飛至數丈之外。售票室。職員室。候車室。等四面玻璃窗亦皆震碎。其落於車上之二彈。炸殺二車廂。死傷尙少。計第五節內死兵十五名。

第十章 我軍三路殲敵

日陸軍在閘北參戰

我軍獲鐵甲車三輛

(二月五日)

爲日兵下令總攻擊後之第三日。因昨日(四日)日軍受我軍巨創。亟謀恢復。故今日日兵方面。陸戰隊與陸軍全部動員。分向我軍各陣地進攻。我軍早已嚴陣以待。沉着應戰。發槍準確。且非待日軍衝入槍砲有效地點。概不發槍。因此我軍均彈無虛發。日兵則槍砲亂發。一無戰鬥經驗。徒致損兵折將。而尙欲屢屢派援。亦惟平添無數異鄉鬼魂而已。自今晨五時至下午五時。亘十二小時有餘。日兵仍利用大砲飛機掩護。猛向我軍防地衝鋒。前後二十餘次。共發六百餘砲。均爲我軍擊退。始終未得進展寸土。反爲我軍右翼包圍。奪獲日軍鐵甲車三輛。一輛當場炸毀。并獲機關槍四架。茲將昨日我軍分三路殲敵情形。分誌於次。

邢家橋虬江路

日兵前日在東寶興路曾被我軍一度包圍後。故今日改變方向。

出重兵以攻。在晨五時起日兵。卽由奧迪安影戲院旁川弓路向邢家橋路偷襲。此處均係居民住宅。因我軍利於巷戰。日軍乃用大砲轟炸該處房屋。同時用機關槍。迫擊砲。步槍。向我軍猛射衝鋒。我軍亦奮勇還擊。故日兵死亡相繼。我軍持戰約一小時。卽漸向後詐敗。日兵以爲敗退。乃一擁而上。衝過廣東街。先前預伏在廣東街之我軍。卽由兩旁衝出。將日兵全部包圍。一時彈如雨下。日兵戰鬥力全失。屍橫枕藉。所有機槍四架。當被我軍截獲。同時北四川路形勢頓見緊張。日兵在北四川路以東一帶陣綫。有被壓迫

搖動之勢。惟我軍爲自衛而抵抗。故不予追擊。仍守原防。

天通庵江灣路

該處日兵戰線甚長。一在青雲路。一在天通庵路。一沿淞滬路。總出發點在天通庵站。日兵主動力仍依砲隊及飛機鐵甲車。於今晨八時許。向各路猛衝。而又以鄰近天通庵路寶興路處爲最烈。我軍鄧旅劉光營。向日兵防綫進出者數次。當日兵幾乎全部敗退時。日機在空中向我軍拋擲炸彈三次。均未轟炸。同時又用鐵甲車三輛。進攻我軍陣線。我軍中部士兵向後移動。放其深入。待接近時。卽拋擲手榴彈。並移動左右兩部。包抄其後。機關砲迫擊砲同時俱發。因此擊獲日兵鐵甲車二輛被逃回一輛。我軍卽時反攻。同時在青雲路八字橋譚家弄北。日兵五六百名亦失利。被我軍包圍。至夜晚時。尙在被我軍圍擊中。我軍死傷二十餘人。日兵死亡甚衆。我方最前線。已進展天通庵站左近。

福生路新民路

至十時許。日兵以兩處失利。乃調重兵側擊福生路新民路。及沿淞滬線北一帶。仍憑臨高射下。用迫擊砲及鐵甲車二輛。由新民路猛向北車站進衝。我軍一在淞滬路寶山路車站及虬江路抵住日兵。並用鋼砲。迫擊砲。機關槍轟擊掃射。一在寶山路北火車站路口新民路作戰。我軍士兵均用手榴彈。步槍。機關槍還擊。我後方砲隊。亦用大砲掩護我軍進展。日兵被我壓迫約一小時左右。卽漸不支後退。鐵甲車二輛。尙圖衝散我軍陣線。當被我軍以炸彈將該車炸燬一輛。被逃逸一輛。斃敵五十餘名。我軍受傷三人。我軍陣線。已逼近北四川路。至午後二時後。日兵已無攻意。祇日

兵砲隊發砲轟擊閘北一帶。圖燬民房。自晨至晚。計發六百餘砲。

日機又炸民房

日兵飛機在閘北一帶。投擲炸彈。自晨七時起。至午後二時左右。不下百餘起。大半均落天通菴路以北。香山路公興路青雲路總計有四五處之多。濃煙密起。火舌隨之。祇見天空煙封幕幕。吹向西南。經過租界。如同日蝕。所燒灰燼。租界中區。均可得見。在空中飛舞。因當時正在劇戰。以致延燒。刻正由警備司令部消防隊撲滅。

我軍顧及租界

大美晚報云。據西人以望遠鏡觀察。見日飛機於閘北與公共租界天空者。其機下皆繫有炸彈。故華兵陣地高射砲不常發砲擊之。尤其在日飛機飛於租界天空之時。蓋恐飛機炸裂。殃及平民也。

蔣蔡親臨前敵

我軍總指揮蔣光鼐。軍長蔡廷楷。師長區壽年。本日自晨至午。均親在前線督戰。故我前線將士。勇氣頓形倍增。無不以一當十。午後蔣蔡區三長官。並在各防線視察防務。規劃一切。旋返司令部。

雙方戰鬥能力

據前線視察者言。今晨日兵向我軍各路進攻時。意為既有重兵。定可一鼓而下。故衝鋒次數。為列日來所未有。詎均為我軍挫敗。且被我軍反攻。至上午十一時。幾全部崩潰。乃於十二時半。急調生力軍分向各路應援。至下午一時半左右。各軍又有敗退之勢。正擬再調生力軍前往。但日兵已為氣餒。鬥志全無。乃亟令退守。故昨日午後二時後。日兵始終未敢進犯者。緣在於此。並云日兵衝鋒時。僂僕灣腰。

而進。一見我軍施射。卽爲却步。我方士兵。則一聲令下。挺身捨命前衝。雖彈如雨下。未爲少怯。因此凡曾目睹之中外人士。無不佩嘆我軍將士之神勇。

第十一章 日海軍更換司令

日指揮官亦易人

依然是一籌莫展

自日海軍第一艦隊司令鹽澤少將在滬發難。已達一週。日軍事當局。以日軍連戰皆北。特調野村中將來滬替代鹽澤。將駐滬殘餘陸戰隊改編。組織第三艦隊。鹽澤仍留滬協任指揮。陸戰隊指揮官鮫島。亦奉命調回。由海軍少將植松鍊磨繼任。此後海陸兩方面之戰事。皆野植二人所指揮也。

(二月六日之戰況)

▲閩北方面戰況

我方空軍追逐敵機

敵軍開砲我軍還擊

我軍陣線略有進展

閩北方面。雙方均入於休戰狀態度。並無大接觸。間有砲聲。發自日軍方面。亦極愼

防我軍進襲。藉以示威。及希圖轟炸民房而已。今晨三時許。曾一度小接觸。係在福生路新民路處。當爲我軍用機關槍擊退。約十餘分鐘即停。至四時二十分。機關槍聲又起。仍在虬江路一帶。間以砲聲迫擊砲聲。相戰至五時許。逐漸稀少。均係前線步兵接觸。嗣後時作時息。雙方在防禦工程內還擊。均無進展。至十時許。我軍飛機大隊。有飛機六架飛起。在閘北境內環繞偵察。約一小時。即飛往真茹。追擊日機。午後一時許。日兵在老靶子路福生路處。有大集合。我軍早已得悉。且久有重兵駐守。故日兵始終未敢進犯。至下午三時半左右。日飛機有九架。在閘北一帶盤旋。希圖擲彈。但當其降落時。我軍即用迫擊砲高射砲轟擊。故始終未爲所逞。擲彈三十餘枚。均未爆炸。日兵乃改用大砲遠射。經我軍還擊。因此砲聲又起。各防線步兵。亦用機關槍步槍射擊。至六時後漸息。惟昨日午後一時左右。日兵有一部約三四百人。竄入宋公園路及青雲路間之山陽路。向我軍襲擊。經該處我軍。向後包抄。日兵幾乎全部被圍。死傷達二百餘人。僅得退出。而逃生者無幾。嗣後即無重大接觸。各守原防線。

又訊。日軍自海陸空總攻。重創敗退。節節向後。吾軍則奮勇直前。陣線已進展至天通庵狄思威路一帶。寶興路方面。前日日軍。曾迭次衝鋒。均被吾軍用機關槍掃射擊退。敗不成軍。吾方則更加調生力軍防守。益形鞏固。敗退之日軍。大都避居民房之內。至前日日軍向吾方衝鋒時。傷亡極衆。達千餘人之多云。

今晚十一時十五分。北四川路狄思威路有大激戰。先以步槍繼以盒子砲。未幾迫擊砲

。鋼鐵。機關槍。并發。愈戰愈趨激烈。雙方似在衝鋒。此起彼仆。槍砲聲密如連珠。約相戰二十分鐘。火光隨起。想該處房屋。又被焚燒。同時日兵方面。在虹口花園。用野砲向該戰區轟擊。計發五十餘砲。我方亦用重砲還擊。聲驚全埠。砲彈過處。火光隨之。至今日清晨零點三十五分左右。槍砲聲漸疏。野砲已停止轟擊。惟斷續槍聲。仍時作時歇。

▲眞如空戰甚烈

擊落敵機一架

日機到處擲彈

傷害各地人民

日寇利用飛機。拋擲炸彈。殘害人民。兼殃及從事救護工作之中外男女。悖約喪德。亘古未有。我國飛機隊出而應戰。結果昨又擊落一架。茲將所得情形。分錄如左。

敵機又擊落一架

本日上午十時餘。有敵飛機十餘架。飛至吳淞開北眞如一帶

投炸彈。我方空軍。亦即時飛起六架應戰。約一小時半。敵機即被我軍擊落一架。墮於眞如車站南首空地。內有駕駛員日人兩名。白俄一名。登時身死。機身亦即粉碎。其餘敵機。見勢不佳。即紛紛向東面飛遁。我空軍亦即尾隨追擊。追至吳淞方面。始行飛回。

●第十一章

日軍變更戰略

海陸空大舉圖攻砲台後路

我軍用全力抵禦敵未得逞

(二月七日之戰況)

日軍前以陸戰隊及在鄉軍人。進犯閘北。數次總攻。均被我軍擊退。損失甚鉅。同時更以軍艦十餘艘。轟擊吳淞砲台。希圖佔據要塞。又遭失敗。旬日以來。日軍雖受重大損傷。而其侵犯之心。仍未稍戢。故自六日晚。新從日本調來四千餘名陸軍到滬後。日軍司令野村。卽變更戰略。於七日早晨。擲其海陸空軍全部之兵力。分水陸空大舉會攻吳淞。並限於二十四小時內。攻陷我方要塞。意欲先行佔領吳淞砲台。冀得自楊樹浦沿黃浦江。至吳淞口外。均爲日軍之根據地。然後再以全力進取閘北。故於今晨七時起。卽開始實行此項新戰略。先用飛機十餘架。飛至我軍陣地視察。並投擲大批炸彈。同時又派陸軍二千餘名。由糧米站及軍工路會攻吳淞。停泊張華浜東面黃浦江中之軍艦六七艘。亦同時向我吳淞方面開砲。上午十時許。我方駐防蘊藻浜一帶之翁旅。卽在裏揚旗防線內迎頭痛擊。敵軍第一次衝鋒。卽被我擊退。死傷甚衆。十二時餘。復有第二次進攻。我軍竭力抵抗。敵軍仍猛力進犯。激戰極爲猛烈。閘北方面。敵軍亦於同時由天通菴路用鐵甲車及坦克車掩護步兵。向我八字橋陣地進攻。當被我軍擊退。並在江灣路方面毀敵軍坦克車兩部。約下午六時後。閘北似入休戰狀態。又敵飛機上下午。均在我

吳淞。蘊藻浜。閘北。真茹等處擲彈。但均未命中。我軍防線。惟民房被炸毀及焚炸者甚多。茲將各處戰況。詳細分記如後。

▲張華浜之激戰

日軍分水陸兩路進犯

我翁旅奮勇迎頭痛擊

日軍司令野村。以海軍迭次向我吳淞砲台進攻。均遭失敗。同時又因吳淞口外。尚有英艦停泊。未便開砲。乃變更計劃。於七日上午。遣派陸軍三千名。由楊樹浦底軍工路。暨黃浦江旁之糧米站兩處。向我吳淞方面大舉進攻。當被我駐防蘊藻浜之翁旅。在裏揚旗方面。迎頭痛擊。上午第一次接觸。敵即不支敗退。下午二次接觸。戰爭極猛烈。同時浦江日艦五艘。向吳淞開砲助戰。並有飛機多架擲彈。但我軍陣線。仍在原處未動。茲將激戰詳情。分紀於下。

敵機先來擲彈

今晨七時許敵軍派飛機十餘架。自上海方面空中。沿淞滬鐵路。飛至江灣。高境廟。張華浜。蘊藻浜。吳淞鎮。等處。先行偵察一過。隨即沿途投擲大批炸彈。最後又飛至吳淞要塞。擲彈十餘枚。均未命中。當敵機擲彈時。我軍即用高射砲射擊。故敵機在吳淞要塞擲彈後。即不敢再來。

敵陸軍進攻失敗

敵機擲彈後。日軍司令野村。即派鐵甲車二輛。裝置機關槍機器腳踏車十餘輛。及卡車十餘部。滿載日陸軍一千餘名。於上午九時許。由楊樹浦底

沿軍工路開至張華浜進攻吳淞。一面有日海軍驅逐艦二艘。載日兵千餘名。駛至高橋沙（俗名老鼠沙）光華火油棧前而浦中。用鐵殼駁船二艘。渡至張華浜糧米站碼頭登陸。卽會同鐵甲車進攻蘊藻浜車站。十時許戰事卽爆發。敵軍由敵艦開砲。及飛機在空中擲彈。掩護而進。我軍現駐守吳淞。兵力甚厚。卽經譚司令指揮禦敵。其時敵軍最前線在兩路工廠之東蘊藻浜車站。西揚旗。甘家橋。軍工路。糧米站一帶。甘家橋有不少草棚。已被敵兵焚毀。砲火初不甚猛。至下午一時許。復有敵艦三艘。開至助戰。而砲火漸趨劇烈。河泊司署方面。流彈甚多。其時雙方激戰。較前更爲劇烈。敵軍死傷不少。我軍仍堅守原陣地。兀不爲動。遠望吳淞西鎮。已有數處起火。沿途有敵兵駕駛卡車六輛。滿裝洋松板木。及大批蔴繩。先後向東疾馳。大致係因蘊藻浜大橋及鐵路橋已被我軍炸斷。故用以架搭浮橋。偷渡蘊藻浜截擊我軍者。聞我軍司令部。得淞方消息。業已派大隊援軍。開往夾擊。

又據某方消息。今晨十時前。日軍紛調海軍前往吳淞。同時各方面傳出消息。日軍預定計畫。限於七日佔領吳淞砲台。計調往吳淞方面者。陸軍方面。有日兵三千名。由日本郵船會社碼頭裝載前往。并由軍工路開出鐵甲車十四輛。海軍方面。除將所有停泊浦江中日艦悉數調往外。并由白龍港方面。開往十餘艘。空軍方面。則由白龍港飛往十餘架。日軍第一次由陸路先向我軍進攻。我軍奮旅竭力抵抗。結果。日軍不支敗退。第二次。日軍又於中午十二時以鐵甲車六架。掩護步兵六七百名。向我吳淞方面猛衝。同時

飛機在南翔亦投擲炸彈。現雙方仍在激戰中。

又據另一報稱。日軍遣調新到之陸軍暨陸戰隊一部。約三千餘人。分兩路運至蘆漢附近。一路由軍工路乘軍用汽車並攜鐵甲汽車十餘輛。運抵張華浜附近。當於十時許。與我軍參部步哨衝突。戰至十一時半。敵不支而退。另一路則由虹口滙山碼頭。以日本郵船公司及日清輪船公司之小火輪。裝載一部份軍隊。由浦江繞至糧米站登岸。於十二時許。再以鐵甲汽車六七輛。與張華浜方面會合。再度猛烈進攻。我軍以機關槍及飛福槍等掃射甚利。同時再以手榴彈轟炸鐵甲汽車。致日方始終未能得手。敵空軍方面。以飛機七八架。冒雨在天空猛襲。其目的地。在毀我獅子林要塞砲台。投下炸彈甚多。然並未命中。僅傷台兵等十數人。我方以大砲還擊。致敵機不敢降低。同時敵機以暴風雨及稀霧。感受空中氣壓之不便。更因我方砲火猛烈。乃不支而退。至下午三時許。敵方海軍已完全不得逞而退却。惟陸路方面。雖經兩次敗退。但仍在張華浜附近與我軍激戰中。

軍部所得之戰況

關於日軍進犯吳淞之戰事。據軍部方面所得戰況如下。(一) 七日晨有敵艦十餘艘由白龍港開往吳淞。並有飛機十餘架。由白龍港飛至上海。白龍港僅留敵艦四五艘。(二) 七日晨。敵軍第一次用鐵甲車十餘輛。由張華浜方面。向我吳淞進攻。激戰頗烈。當被我軍擊退。(三) 下午十二時半。敵軍第二次復用鐵甲車六架。於掩護步兵六七百名向我吳淞猛力衝鋒。正在激戰中。(四) 據外人方面消息。日方

確在六日晚到有陸軍數千名。並限令七日攻陷吳淞。(五)吳淞方面。敵艦固有英艦兩艘泊在我砲台方面。未敢開砲。祇有敵機數架。向獅子林砲台擲彈。我軍死傷十餘人。

▲開北戰況

敵軍三次猛攻八字橋

均被我擊退傷亡過半

日軍自變更戰略後。昨日集中海陸空軍全力。猛攻吳淞。而開北方面。日軍逐漸抽調至吳淞。兵力已見單薄。故形勢較和緩。戰事側重於江灣路及八字橋一帶。敵先後向我軍衝襲。均經擊退。至我軍右翼虬江路寶興路北站等處。昨日頗為沉寂。

八字橋我軍勝利

敵軍於前晚十時。向我八字橋防地進襲。激戰至一時許。經

我軍奮勇應戰。將其擊退。大受重創。今日正午十二時許。敵復以飛機大砲。向八字橋我軍防地。猛烈轟擊。同時並以機關槍。小鋼砲。連續射擊。於此砲聲機關槍密射之下。敵軍即拚命向我軍衝襲。我軍當亦奮起抗敵。迎頭痛擊。一部份且抄其後方。截擊敵方後路。敵始不支。向後潰退。是役戰約一時許。斃敵甚衆。至午後二時。敵軍喘息甫定。復得援軍。又以一千餘衆。向八字橋進攻。大砲猛轟。飛機仍在空中助戰。惟我軍以逸待勞。勇猛應敵。又將敵軍擊潰。敵軍兩次進攻。均遭失利。但本日敵軍作戰者。多數係新來之正式陸軍。故終未肯罷手。復於下午五時左右。三次進攻我軍。其勢尤較十二時二時兩役為烈。時敵軍士氣已餒。當進衝之時。一經我軍還擊。發槍已多慌急狀態。

。故終爲我軍逐回敗去。傷亡過半。我軍亦有犧牲。綜計本日敵機向我軍陣地擲彈。有百餘次之多。惟爆發甚少。且多落於空地之上。無甚大損失。又狄思威路方面。昨日敵軍亦有進攻。經我軍應戰後。敵即退去。故未有激戰。

燬敵坦克車二輛

。今晨十時許。日陸戰隊藉新到之陸軍援助。由虹口公園之北。江灣之南。(沿鐵路南)突向我軍進攻。同時日兵在靶子場用野砲掩護。更用新式坦克車。二輛。隨軍隊衝鋒。我軍亦用鋼砲機關槍掃射。激戰至烈。相持不久。日兵即漸不支。我軍即挺進。日兵乃急用坦克車向我軍再度衝鋒。詎該坦克車二輛。竟墮入我軍戰壕內。日兵尙圖一再奪回。均爲我軍所退。而該車乃遭我軍用炸彈手溜彈所轟燬。日兵終未得逞。雙方尙在相持中。

敵機擲彈未命中

。今晨九時。敵飛機十餘架。先至天通菴車站投擲炸彈數枚。旋飛至真茹擲彈百餘。均未命中。損害極微。同時在虹口花園之日軍。又用大砲頻頻向寶山路一帶轟擊示威。十時許寶山路天通菴路口。先行起火。至午後一時。香山路與永興路間之房屋。亦相繼起火。一時火光燭天。日軍目的志在破壞。軍事方面。以我軍戒備嚴密。陣線毫無變動。

敵人稱華軍善戰

。上海泰晤士報云。日飛機以炸彈接續轟擊華兵陣線。華兵或無自衛之方。且其地位殊難回答日兵野戰與山砲之砲火。然華兵士氣仍壯。其勇武精神。毫未搖動。此即日水兵亦承認者。昨夜(六日)日陸戰隊某軍官曾曰。華兵之抵抗力

非常強硬。猛烈之砲火。加於彼等。彼等屹然不動。當其陣線爲砲火所毀時。彼等即以持來福槍兵士伏於缺口。準備抵抗日兵之進攻。故日兵終不能前進云。又據另一方面消息。守衛開北陣線華兵。士氣極壯。雖屢受砲轟。陣線屢破。然彼等輒由缺口衝出。以抵抗衝鋒之日兵。輔助機關槍。大呼肉搏。華兵經數日之苦戰後。昨夜其實力已能在日兵陣線前鋒數地點。作強力之步兵攻勢。日兵爲免犧牲過巨計。已退回淞滬鐵路東面之舊陣線。

我軍開大砲禦敵

大陸報云。昨日（六日）午夜後。因日軍砲火猛烈。華兵亦在麥根路附近。以六吋及八吋口徑之大砲還擊猛轟兩小時。此爲開戰以來所用最大之砲。其聲震動上海全埠。聞經此猛轟之後。已將狄思威路至商務印書館一帶日兵掃除一淨。華兵且以機關槍猛轟北車站附近之日兵。至今日侵晨。槍聲始止。

敵所發皆燒夷彈

據戰地視察者云。敵軍所放砲彈。毫無目的。完全亂射。他的企圖。無非把街市的地區。變成瓦礫場而已。所以砲彈。盡是燒夷彈。（即延燒彈）其殘酷手段。爲中外所罕有。

第十三章 我軍大破敵軍

蘊藻浜擊毀敵甲車四輛

開北擊落敵軍飛機一架

兩處敵軍傷亡約近二千

爲開戰以來未有之劇戰

(二月八日之戰况)

自日軍變更戰略後。傾海陸空軍之全力。猛攻我吳淞。昨日經一晝夜之血戰。總攻既告失敗。今晨拂曉。以原有之兵力。復調六千陸軍。繼續下令攻擊我蘊藻浜之正面。同時派隊繞往紀家橋。企圖偷渡。截斷我後路。經我軍奮勇應戰。斃敵千餘名。蘊藻浜正面之敵。衝鋒達十餘次。我軍與之肉搏。敵死傷無算。現全部已在我軍包圍中。並燬其鐵甲車四輛。至閘北方面八字橋西寶興路一帶。亦激戰至烈。西寶興路今午血戰時。我軍佯退。敵深入後。伏兵盡起。斃敵七百餘名。敵機十餘架。仍在吳淞閘北等處擲彈。下午三時。閘北太陽廟擊落敵機一架。全線戰况。我軍大勝。陣地未動。敵傷亡在二千人以上。晚七時後。敵軍又向廣東街虬江路進攻。激戰至十二時後。始被我軍擊退。茲綜合各方消息。彙誌如下。

▲蘊藻浜之血戰

敵萬餘人繼續猛攻

擊斃千餘全部包圍

勇哉我軍空前大勝

日軍昨晨八時許。傾其海陸空軍之全力。猛攻吳淞。血戰達八小時。結果。日軍傷

亡過半。創巨痛深。始不支敗退。今晨拂曉。日軍繼續向吳淞猛攻。除原有之兵力外。復將續到之大部份陸軍約六千餘名。悉數調往吳淞作戰。海空兩方。以大砲及重量炸彈。投射如雨。陸路則藉鐵甲車及坦克車等利器。衝鋒十數次。然我軍以逸待勞。極為鎮靜。先後均將其擊退。在朱家浜西面一戰。我軍因開北援軍開到。左右夾擊。斃敵至千餘人之多。敵人望風披靡。勇哉我軍。不愧為中華好男兒也。茲將我吳淞我軍勝利消息。詳誌於後。

偷渡紀家橋

敵軍於昨日用海陸空全力。進攻吳淞。我軍奮勇抵抗。雙方激戰一日。敵迄難進展。昨晚九時許。張華浜復有敵二千餘名。開到增援。其時敵軍官一度攻佔蘊藻浜車站。但旋即為我軍在永安華豐兩紗廠屋頂所架之大砲及機關槍。將日兵擊退。是役敵兵死傷甚衆。嗣後敵兵雖極力進攻。卒以我軍砲火猛烈。故雙方激戰至今晨敵軍仍無法進展。遂於今晨五時許。派兵約七八百名。從鄉間小路。迂迴兜抄至距蘊藻浜西首約三里許之紀家橋。一名（瑞芝橋）希圖在該處搭架浮橋。偷渡蘊藻浜及泗塘河。截斷我軍後路。並攻擊我軍側面。詎我軍早有所備。俟敵渡河及半我軍當奮勇爭先。出而迎擊。敵兵被我軍擊斃及溺斃者無數。始狼狽敗退。旋至上午十時許。敵復派大隊向該方面進攻。現雙方正在隔河相持中。

日軍事佈置

昨日會攻吳淞之敵軍海陸空軍兵力。實數有一萬餘人。僅就攻蘊藻浜一隅之軍隊言。亦不下三千七百人。故日軍曾有限令三小時內克吳淞之豪語。其後經

三十小時。尙未攻陷。且反爲我軍所敗。故今日續攻吳淞時。乃下最大決心。將新由日本運到之大部份陸軍六千餘人。悉數開往吳淞作戰。其進攻計劃。除軍艦飛機以重量大炸彈及砲火。向吳淞池塘吳淞砲台。要塞砲台。及寶山縣城。三處爲目標。不住轟擊外。并以兩萬陸海軍隊。向前衛中衛後防及正面。與左右兩翼。向我進攻。據英海軍軍事家言。日軍今晨戰事。係利用拂曉戰。其正面軍隊在蘊藻浜。左翼配置於盧家宅。右翼配置於軍工路。另外並組游擊隊數隊。以爲策應。衝鋒時。多以陸軍。導以鐵甲車及坦克車等利器。

雙方之肉搏 日軍今晨既以另一支隊。企圖偷渡紀家橋。截斷我後路。同時以新到之數千生力陸軍。猛攻蘊藻浜之正面。自拂曉起。至下午五時止。前後衝鋒不下十餘次。我軍以機關槍小鋼砲應戰。激烈時雙方繼以肉搏。我大刀隊運用其神技。日軍犧牲奇重。乃廢然而退。鐵甲車爲我所燬者計有四輛之多。

斃敵千餘人 今晨八時。日軍曾一度佔據朱家浜西面及陸家宅北面之吳淞池塘。未幾我開北援軍開到。即在池塘前。左右夾擊日軍。成一大包圍之形勢。是役。日軍死傷達千餘人。倖免生還者僅百分之一二。我軍遂恢復固有之陣線。

已在包圍中 本日蘊藻浜方面砲火之猛烈。實爲開戰以來所僅見。午後五時。本埠某機關接得張華浜工場主任西人無線電話報告。現時軍工路蘊藻浜之日軍。已爲華軍所包圍。惟仍在戰鬥中。又水巡捕房亦得張華浜方面報告。亦云日軍已被華軍包圍云。又謂此役日軍犧牲甚大。死傷枕藉。眼見六卡車。裝傷亡日軍至楊樹浦司令部云。

建築物被燬

本日敵艦終日向淞鎮開砲。敵機十餘架。亦在天空擲彈。重要建築物均被炸燬者甚多。吳淞精華盡去。今晨七時。紅會第六救護隊至吳淞救護傷兵難民百餘人回滬後。語國民社記者云。吳淞自激戰三晝夜後。經日方猛烈砲攻擲彈。繁盛街市。悉成灰燼。其較大建築物如同濟工廠電器間。中央大學醫學院。中國公學。均被炸燬。永安。華豐兩紗廠亦有波及。惟各地砲台則仍無恙。

德教授炸傷

吳淞鎮之同濟大學醫學院教授室。昨晚被敵軍野砲流彈擊中。時該室有德國教授六人。正在談話。不意彈殼飛來。不幸被擊受傷甚重。據悉該六人已於今日午前九時。由中國紅十字會赴該鎮救出。過返滬埠。當分別送回各人家中。或友人處醫養。

西報之紀載

大美晚報云。今日侵晨。日海軍陸戰隊。助以新到之陸軍。大舉向蘆藻浜進發。希圖攻陷吳淞砲台及寶山城。據今日正午日方官場消息。日軍已抵蘆藻浜。但以對岸華軍抵禦強烈。未能前進。目下雙方以機關槍。來福槍對轟不已。間雜以野戰砲隊與日軍艦大砲。隆隆之聲。今晨十時。北四川路日陸戰隊司令部發言人發樂觀之語。謂日司令預料正午可將砲台攻克。但午後據觀戰者報稱。十九路軍扼守陣地。猛不可當。日軍毫未得有進步。日軍司令部現設於京滬路吳淞方面之工場指揮該路戰事。今日正午。又據日總領事署傳出消息。日軍因蘆藻浜上橋梁已斷。尙未能大舉作戰。必俟造成浮橋。始能進攻云。聞今晨之惡戰。雙方死傷頗衆。華軍由戰壕中以來福槍機關槍

手擲炸彈抵禦前進之日兵。致日兵死者纍纍。時有運貨汽車由戰地載屍自楊樹浦路駛回。至其確數。不能向日陸戰隊司令部或日總領事署探明。吳淞砲台經五日之猛轟。今日正午。仍在華軍之手。據中國軍署方面消息。今晨戰中。曾以重創加於登岸之日援兵。華軍伏於壕中。以逸待勞。甚有把握云。自吳淞方面開戰後。由楊樹浦通吳淞之黎平路。已由日水兵嚴守。無論何人。皆不得進至與黎平路交叉之平涼路以外。路口置有中英文木牌。上書禁止通行字樣。近前者皆爲日水兵以槍逐回。

江灣之戰事 敵軍自調陸軍陸戰隊四千人。自軍工路猛攻吳淞。衝鋒四次失敗。至今晚仍相持於蘊草浜。敵軍主力。集中於張華浜。駐防江灣之我軍。乃於今晚啣枚前進。實行包抄日軍後路。軍行至江灣路東段。與敵軍相遇。遂即開火。聞兩軍仍在激戰中。

瀏河鎮安謐 瀏河方面。因吳淞開火後。交通阻斷。消息遲慢。以致滬上謠傳。有日軍攻瀏河之說。昨向各方刺探。昨午據住居本市瀏河紳商項某云。近日謠言。均不足信。瀏河鎮距離海口數里。海口防務。自九一八案起。即派有重兵駐守。防範嚴密。况該處有天險可守。預料日寇必致失敗。並謂我軍儘可高枕無憂也。

▲閘北方面激戰

寶興路八字橋一帶

日夜均有劇烈戰事

獲敵機一及日兵四

本日開北方面戰事。竟日均在劇戰中。砲聲隆隆。終日未斷。自晨八時起。日兵仍在虹口花園發砲。向張華浜及閘北一帶轟炸。我軍間或還擊。但因輟度鎮靜。日兵莫測我軍用意。始終未敢進犯一步。至十二時許。日兵藉援軍之助。又向閘北進犯。

西寶興路血戰

今午十二時許。日兵約千餘人。突向克明路及西寶興路兩路我軍

陣地襲擊。(以此處曾有日兵五六百名。於六日夜一戰中。被我軍包圍。現在圍擊中。我軍即奮起應戰。日兵先以野砲轟擊。繼以鋼砲。機關槍。並利用手榴彈。向我軍拋擲。乘隙衝鋒。我軍見其來勢兇猛。乃即令全體應戰。並用迫擊砲阻其衝鋒。激戰約二小時。日兵漸覺不支。旋因其援軍開到。乃又重戰。我軍即時向後詐退。日兵竟直衝而進。是時我軍已在電話局相近淞滬路鐵道兩旁。預有我軍埋伏。故敵兵將進至鐵路時。我軍伏兵四起截擊。同時先退之軍士。即乘勢反攻。於是日兵左右前後又受包圍。截成四處。雖欲急退。勢已不及。當被我軍擊斃七百餘名。亦有被我包圍。其餘均紛向克明路。從橫浜橋逃命。及日兵後方再來增援。奈大勢已去。已成弩末。至五時許。槍砲之聲漸稀。我軍在西寶興路口。固守陣綫。

八字橋敵受挫

日兵三次進攻八字橋潰敗後。今晨九時許。又用野砲鋼砲。機關

槍。向我軍射擊。我即用砲還擊。奮勇迎戰。日軍用鐵甲車衝鋒。先被我軍用炸彈擊退。幾即齊起追逐。機關槍手溜彈之聲。繼續不斷。當時此衝彼退者屢屢。日兵死傷者。

百餘人。旋日兵援軍開到。始得暫支陣地。但已逼近天通菴路處。相戰至下午二時許。日兵仍不支。乃於三時左右。向北四川路方面敗退。同時日兵恐中國軍隊伏於民房內。故將寶樂安路一帶縱火焚燒。

敵機被我擊落 今日下午二時許。日兵又遣飛機四架。在開北偵察我軍情形。中有一架。於下午三時許。飛往麥根路太陽廟。距離地面甚近。在附近居民正在紛擾之時。被我軍用高射砲一擊而中。該機即翻身墮下。機上有日兵四人當為該處我防軍俘獲。

日砲彈達租界

北浙江路龍吉里七一六號主義烟草公司。於八日午刻各職工在

午餐時。天井前忽落一日砲彈。天井中均堆置烟箱烟包。未曾炸裂。嗣報捕房由華捕拾去。視其彈頭口徑。約有六吋餘大小。外塗銀。重約數十磅。號碼係二〇八。上有改字。該公司僅損玻璃窗數面。又一砲彈落在主義烟草公司後面房屋。亦未炸發。現因該屋內住戶。早已避難在外。一時未便啓門。將彈取出。又一砲彈落在蓬路華商旅社廁所牆上。擊成一洞。至力盡墮地。業由捕房取去。又今晨七時左右。虹口閔行路吳淞路附近馬路上。由空中墜下砲彈兩枚。虹口捕房印捕住屋附近。亦落下一枚。下午二時。周家嘴路相近鄧脫路五一九號屋頂上墜落一巨大砲彈。屋頂被炸。幸未傷人。又下午四時左右。日軍從胡家木橋及虹鎮^吻華路一帶潰退。槍砲亂鳴。故公平路北段亦有流彈飛過甚多。又泥城橋西鴻慶里某號。屋後迫近河浜。昨日下午突由天空落下長可三吋粗若茶盃之巨彈一枚。炸碎舊木一段。滾入河中。又辛家花園後面之空地上。今日上午七時。飛落

巨彈一枚。約四吋多長。未傷人。又虹口狄思威路湯恩路口一六〇號上海製冰廠。於午後一時三刻許。落下一砲彈。立時轟炸起火。後由救火會驅車。馳往施救。幸即撲滅。又同路楊家浜路高陽里。亦落下一砲彈。延燒房屋。亦經救火會馳往灌熄。

西人稱譽我軍

大美晚報記者一人。昨赴我軍前線觀察。歸而撰文。在該報發表。敘述其視察我軍所得之印象。其開首即盛稱我軍。曰對人客氣。曰紀律嚴明。曰士氣雄壯。曰絕不畏死。繼稱自真茹而龍華而南市。未遇一兵一卒仇外人。日軍飛機雖到處擲彈。中國軍心。既不混亂。又不慌張。祇望絡繹擊下日機。地上被炸空穴。士兵圍觀。視若無觀。

夜間劇烈戰況

日軍向虬江路進攻

戰至午夜爲我擊退

八日晚。開北新民路之日兵。於七時許。突向我軍襲擊。日兵砲隊亦移其砲位向該處轟擊。我軍即沉着迎頭痛擊。日兵屢次向火車站方面衝鋒。均爲我軍用機槍擊退。我軍即挺進。在福生路口又巷戰。約廿五分鐘。槍聲密如連珠。日兵流彈達海寧路。未幾。日兵因我砲火威逼。乃不支而全部敗退。沿向北四川路以北而去。但砲聲仍繼續不斷。至九時許。日兵又集合殘部。向大德里川公路進攻廣東街及虬江路。我軍即在該兩處應戰。雙方機關槍掃射之聲。連續不斷。間以盒子砲迫擊砲步槍之聲。至爲清晰。相持至

午夜十二時。日兵始不支而退却。流彈有達虹口沈家灣救火會。但日兵砲射。仍有加未已。我軍亦用砲還擊。但槍聲已稀。此二次巷戰。我軍傷亡甚微。日損傷甚重。

●第十四章 我軍擊退偷渡敵軍

敵軍知難暫退

敵機又被擊落

(二月九日之戰況)

▲蘊藻浜戰況

敵軍上午偷渡失敗

積極佈置圖再大舉

二月九日。吳淞方面戰事。日兵自經二次進攻失敗後。已無餘勇。故除於晨間曾一度由糧米棧進襲。為我軍擊退後。轉入沉悶。同時張華浜糧米棧內之日兵。被我軍由蘊藻浜南進攻。有包抄之勢。故於下午三時許。在陸家觀音堂軍工路滬江大學附近一帶。堆置防禦物。掘築戰壕。似因連日進攻失敗。又將改變其所謂戰略矣。茲將本日情形。分誌於次。

日軍偷渡失敗

日兵傾全力進攻吳淞。先後連敗二次後。今晨五時許。又圖偷

渡蘊藻浜。冀登吳淞鎮河岸。當時日兵除由後方增援軍工路外。又用小輪拖帶駁船一艘。載有陸軍二百餘名。沿浦江在張華浜碼頭登岸。向蘊藻浜站我軍陣地猛攻。日艦及糧米棧內日兵。同時用砲向我軍後方及砲台轟擊。我砲台連續還擊。同時沿蘊藻浜南岸之我軍。奮勇挺進。在我砲彈掩護之下。向張華浜糧米棧進攻。敵軍不支。旋即潰退。當時日兵正在偷渡。因受我方砲火壓迫。落浦而死者二三十名。傷亡者五十餘人。餘均敗退。至糧米棧。刻下該棧內之日兵。已幾在我軍包圍中。吳淞鎮已成焦土。砲台上我軍。當敵軍由軍艦偷渡。以大砲掩護登岸時。無不奮勇作戰。甚有手足被折。仍不願退休。繼續發砲者。我軍之忠勇。可見一斑。

退軍工路佈置

日兵自本晨偷渡又告失敗後。彼似知圖襲我軍防線。已無希望。且旬日來損失實力不資。乃於今日下午三時許。將鐵甲車十八輛。卡車八十餘輛。全部向陸家觀音堂軍工路退却。在滬江大學附近一帶。重堆防禦物。並掘築戰壕。似防我軍追擊。而有待援之勢。故自下午起。未有戰事。惟雙方砲轟。繼續不絕。

日飛機擲炸彈

今晨吳淞激戰時。敵方於早晨七時許。派飛機八九架。在天空偵察吾方軍情。至八時許。該機等飛至張華浜空中。紛紛擲彈威脅。企圖擾亂我軍後方。同時駐在張華浜南之日軍。乘機開砲轟擊。甚為激烈。但我方竭力抵禦。敵不得逞。其後日機漸漸飛散逸去。中有數架。轉飛至閘北方面。拋擲炸彈。

瀏河墮落敵機

昨據瀏河無線電報告。本日上午。有敵軍飛機一架。因機器損壞

。墮落於離瀏河七里之處。內有日人三名。有兩人當時斃命。另一人受重傷。又據國民社云。據由蘊藻浜軍工路逃來之友人云。今日上午十一時半。有日人駕駛戰鬥機。在軍工路公大紗廠屋面盤旋。一時不慎。觸撞該廠六弄一二兩號屋頂。頃刻飛機墮落。炸彈爆裂。響聲震天。濃烟四起。駕駛機師二人斃命。並傷我國兩工人。一傷頭部一傷右臂。然無要害。

日軍圖再進攻

大美晚報云。今晨（九日）日飛機軍艦仍繼續轟擊吳淞砲台蘊藻浜寶山等處。海陸軍兵士則從事作第二次總攻勢之準備。日兵屢圖在蘊藻浜上駕浮橋。但因蘊藻浜鎮華兵之機關槍彈。密如雨下。終難成功。加以潮水盛漲。河身闊約三四百呎。故更不易着手。據外人估計。八日之一役。日軍進攻者。共有陸軍四千名海軍六千名云。今日之沉寂。實爲大風雨前之恬靜。日軍現正從事運野戰砲隊赴前線。並在戰地附近開掘戰壕。安置機關槍。楊樹浦區新築之飛機場飛機。亦見增多。共有炸機與追逐機十六架。

我司令部報捷

淞滬警備司令部。分發報捷電致各報館云。各報館均鑒。四日戌電計達。連日敵陸戰隊及陸軍。陸續增援。均被我軍擊退。吳淞要塞屢遭敵艦機圍攻。仍在我軍手中。昨晨敵一部由軍工路進攻。激戰數次。敵不得逞。聞北方面。連日敵以猛烈砲火掩護。迭次向我猛衝。亦經擊退。五日空軍接觸。擊落敵機二架。敵現似有待援反攻之企圖。特聞。淞滬警備司令部參謀處叩。佳申印。

▲開北之戰況

敵飛機亂擲炸彈

被我軍擊落兩架

開北方面。今日上下午。均無激烈戰事。僅於上午十時許。敵軍飛機飛來投擲炸彈時。敵軍在江灣路方面。不時以大砲協助飛機轟擊。以致八字橋及天通菴路等處起火。我軍除沉着固守防線外。同時並用高射砲擊敵軍飛機。當被擊落一架。隨後敵機又飛往真茹擲彈。亦被我軍擊落一架。敵機被我擊退後。敵軍雖不時以天砲及機槍向我陣地射擊。但不甚激烈。同時亦因我軍防守甚密。未敢向我衝鋒。惟至晚間九時後。敵軍又用大砲頻頻攻擊。故砲聲甚密。但我軍仍不為動。茲將情形紀述如下。

敵機又毀一架 今日上午。敵軍飛機六架。飛至開北真茹一帶投擲炸彈。意圖毀壞我軍陣綫。當被我軍射擊。結果又擊落日機兩架。一架於上午十時零五分。在開北光復路墮落。機師三人。均已斃命。並有手槍兩支。當經該處駐軍攜歸。呈報司令部。另一架於上午十時二十分。在真茹擊落。又據另一報告。在北站旱橋附近。有一敵機因機器損傷。自動落下。機中二人已。

廣東醫院被炸

今日下午零時四十分。有敵軍飛機一架。在開北天通菴路一帶偵

察。並擲下炸彈數枚。一落於天通菴路廣東醫院內東南牆角下。炸成一穴。又一彈落在該院屋頂。立即起火。又據另一報告稱。今晨七時二十五分。四川路虬江路華盛頓里附

近。忽然起火。延燒平房十餘間。復經救火會驅車馳往灌救。達二小時許始熄。事後據調查者云。該處火警。係被日人所放。

昨晚虹口激戰

日報日新聞云。中國神出鬼沒之使衣隊。於八日晚七時。由大砲之掩護。竟衝破我軍（日軍）嚴重之警戒防線。潛入虹口一帶。乘機。綿互於北四川路一帶。猛烈襲擊。與我軍（日軍）僅差二百米突。追擊砲以必死的向我方（日軍）挑戰。北四川路吳淞路老靶子路轉角。彈如雨下云。

日軍傷兵嚎哭

據由戰地歸來者云。我軍士氣極旺。莫不以一當十。敵兵藉其利器。迭以野砲白砲平射砲轟擊我陣地。我兵士沉着應戰。預先將手榴彈五六個拴在一塊。俟敵兵跑在炸彈的有效界內。然後擲擊。敵軍傷兵臥在地上嚎哭。極為悽慘。

德軍事家評論

昨有德國軍事專家多人。親赴前線視察。對於華軍之戰略。甚為讚美。據云外間每稱華軍體力甚弱。實際乃不然。曾以望遠鏡瞭望。親見一華人。能與數日兵肉搏。而其結果。日兵輒不敵。又華人發彈甚經濟。彈無虛發。日兵則不然。恃其軍火之充足。濫發子彈。並無準的。華軍極富於作戰能力。可作長時間之困鬪。自歐戰迄今。未見有如是能戰之軍隊。該德軍事家等又謂。日軍槍械甚利。最適宜於示威。或虛張聲勢之用。惟作戰時。殊不見高明。其步槍機關槍之使用。不及華軍純熟。擲手榴彈更不及華軍。

第十五章 日艦攻淞敗退

蘊藻浜二次偷渡敗退

聞北我軍陣線又進展

青雲路擊落敵機一架

(二月十日之戰況)

日軍二度總攻吳淞失敗。靜待增援陸軍關到。再作大舉。故今日。吳淞聞北兩度戰況較爲和緩。惟日艦九艘。今午一時起。在三夾水洋面。以重砲轟擊吳淞砲台。我軍應戰甚力。四時始止。陸路方面。今晨二時日軍數百。偷渡蘊藻浜。被我全部殲滅。上午九時。敵復沿軍工路進攻。經我軍抄襲其後方。敵始潰退。聞北日間甚爲沉寂。晚七時後。敵大隊在猛烈砲火掩護下。由福生路衝攻我寶山路防線。激戰至八時五十分。敵不支敗退。我軍乘勝追擊。陣線進展至虬江路北四川路口。敵飛機仍四出擲彈偵察。上午十一時。在青雲橋被擊落一架。日機師二人均殞命。茲將各情分誌如次。

▲蘊藻浜之戰況

今晨偷渡又告失敗

下午偷襲亦經擊退

轟擊砲台亦無效果

吳淞方面日兵。仍在蘊藻浜。再試偷渡。結果又復失敗。繼由陸軍進攻。亦未得逞。午後因亦未來進攻。日飛機續在吳淞砲台投擲炸彈。但均未中的。雙方砲轟。至下午四時漸平。我軍仍固守砲台。在下午五時半左右。日兵司令部方面派出空卡車九輛。經南京路往楊樹浦方面駛去。係載運援軍至滬江大學附近增援。因該處日兵佈置。已大致就緒。而一師陸軍。明日可到。恐大戰即將開始矣。

一二次偷渡失敗

今晨黎明時。敵利用曉色蒼茫。竟復派兵數百名。在依周塘角

南草菴前面。乘民船偷渡蘊藻浜。當被我軍發覺。隔河用機關槍掃射。敵兵不死於槍彈。即溺於水。無一生還。自今晨起。敵軍在黑橋南徐家灣等一帶。復不時向我軍進攻。雙方陣線。並無變化。吳淞全鎮房屋。十九已成焦土。寶山方面。尙稱寧靖。該處居民。早已遷移一空。寶山縣政府公安局建設局冊單局官產處等各機關。業已遷至維店鎮辦公。

偷襲野戰亦敗

上午十時許。日軍又由軍工路抽調一大部份陸軍。向蘊藻浜方

面偷襲。利用重砲掩護。敵向我軍衝鋒。我軍亦藉砲台大砲掩護。奮勇迎擊。雙方即在蘊藻浜車站南軍工路上野戰。我軍左右兩翼甚爲活動。從敵軍後方推進。敵軍恐受包圍。乃急向後敗退。同時敵軍正面亦被我軍擊散。我軍即在軍工路原陣地固守。此役日兵死傷二百餘人。

轟擊砲台無效 今日下午一時起。敵艦九艘。在吳淞口向我砲台開砲轟擊。甚為猛烈。我軍亦發砲還擊。直至三時半左右。敵艦知吾有備。勢不得逞。砲聲乃息。吾方受損失極微。又昨日下午三時許。敵艦十餘艘。向岸上發砲攻擊。同時以機關槍十餘架助戰。均經我軍還擊。至四時許。砲火始停。又昨日傍晚。吾軍某團之搜索隊。在屈家橋遇敵數百。奮勇抵抗。敵不支遁去。又昨日下午一時許。敵軍在天通庵附近。用猛烈砲火向我軍攻擊。我方亦還擊。至四時許。敵漸不支。砲聲亦停。

日軍增調援軍 今日日兵司令部。於下午五時半左右。派出空卡車九輛。經南京路直向楊樹浦方面駛去。聞係載運援軍。至軍工路滬江大學附近增援。以該處日兵防禦。佈置已將就緒。惟兵力甚薄。該空卡車上。每車有日陸戰隊二名押車。步槍緊靠車蓬。兇相畢露。並悉原駐蘆藻浜車站以南之右翼敵海軍陸戰隊。及右翼軍工路敵軍陸戰隊第二中隊。以及正面。均改由新到之下元陸軍團担任。左翼則尚未更調完畢。僅前衛由陸軍接替。聞日兵坦克車已運到。現正急於計劃。由蘆藻浜渡河。惟我軍機槍掃射猛烈。敵軍甚為膽寒。頗有徒事犧牲之苦。

日艦附近中彈

字林報云。據河泊司記錄。昨日九日黃浦江內日艦調動。未有

遠出吳淞者。外傳昨日清晨。上海附近日艦發砲轟擊開北。但海關當道則謂未曾目擊。僅於黎明以前。見中國軍隊發出之二彈。落於日海軍司令旗艦附近浦江內。相距不過二三百呎。日旗艦泊在日郵船會社碼頭。此次砲彈料從開北鄰近某地發出。接近十日來約

共有砲彈八枚。落於日旗艦所泊處所。

昨晨日機自墮

大美晚報云。據官場消息。昨日（九日）上午九時三十分日軍有單座位追擊機一架。在楊樹浦新造飛機場附近被迫降落。着地即傾覆。機身微損。駕駛員未受重傷。旋即送往日軍戰地醫院醫治。又據字林報云。該機大受損。駕駛員二人受重傷。

外報稱譽華兵

字林報云。昨晨（九日）日軍驅逐艦以極近距離猛放槍砲之際。突有中國兵士肩一機關槍。自斷垣跳出。馳過毫無屏蔽之一百五十碼。而重得一屏蔽地方。雖以機關槍之沉重。勢幾不勝負荷。而敵艦又僅在數百呎外。砲彈集其一身。密如雨下。該兵毫無畏懼。卒荷機關槍達其目的地。顯似未曾受傷。可謂神勇也已。

▲閘北我軍進展

青雲橋擊落敵機一架

寶山路北晚間又大火

本日閘北方面。日間無劇烈戰事。晚七時大隊日軍。由福生路衝攻我軍寶山路防線。一時砲聲隆隆。槍聲密集。激戰約一小時三十分。敵始敗退。我軍乘勝追擊。防線進展至虬江路北四川路口。敵機五架。今日上下午兩度至閘北轟炸。當被我軍在青雲橋下塊擊落一架。茲將各情。分誌於后。

晚間劇烈戰事

今晚七時起。閘北方面。復有激烈戰事。砲聲隆隆。機關槍與

步槍聲。密如連珠。至八時五十分始停戰。據調查所得。係大隊日軍在砲火掩護下。由福生路向寶山路我軍防線進攻。我軍待其迫近。即以機關槍掃射。戰約一小時半。日軍死傷枕藉。始不支而退。我軍乘勝追擊。防線進展至虬江路北四川路口。同時在寶山路以北至虬江路間一帶房屋。中彈焚燒。火光燭天。至十一時。始漸熄滅。

敵機兩度轟炸

今晨八時。有日機五架。飛來天空。未一刻鐘。又由浦東方面飛來四架。環繞起落。盡情偵察我青雲路及滬西沿鐵路防線。可三刻鐘後。大部東去。留開北祇兩機。旋該兩機由南市飛轉。即在開北。開始擲彈。大半均落於江灣與八字橋方面。當飛機之來。沿寶山路一帶。即起砲聲與機槍聲。我方亦還擊。至十時三十分。日機全去。於是砲聲槍聲。亦因之而停。故今日全日如天通巷路。虬江路。寶興路。老靶子路一帶。祇有斷續機槍聲。未有劇烈戰事。但至午後四時十分。日機五架。復來開北。三高兩低。所投炸彈較晨尤猛。但大半落旱橋西北曠地。損害極微。

擊落敵機一架

今晨十時。敵機五架。在青雲橋天空擲彈時。我空軍由楊隊長駕起大號戰鬥機一架。凌雲應戰。此時日機因仍在亂擲炸彈。故飛行甚低。我方飛機。乃飛高於日機之上。用機關槍向下掃射。交戰約二十分鐘。日機不支。向東疾駛圖遁。唯中有一架。業已受傷。當即下墮於青雲橋南堍。時日機師二人。一已斃命。一則僅折斷一足。故猶握手槍向我軍射擊。作最後之掙扎。當經我軍還擊。將其擊斃。其餘四架。則均逃入租界。我機為維護租界人民安甯起見。故未窮追。

江灣略有戰事

聞北方面戰事中心。已由北四川路一帶移往虹口公園附近。戰事要區。大部份東起狄思威路。沿江灣路。經天通菴路。青雲路。北達體育會路爲終點。敵軍大部份。集中於虹口公園。在虹口公園之西面轉角處。敵軍配有野戰砲數門。鐵甲車及騎兵等。亦多集中於此。昨日雙方除以遠距離之砲戰。及敵軍以飛機向我襲擊外。於上午九時許。在江灣路體育會路附近。略有戰事。據另一消息。在距離該路五百碼。持志大學左側。及虹口公園西北角之霧天游泳池後面。中日兩軍。發生戰事。日軍以鐵甲車兩輛。及士兵等數百名。激戰歷一小時。日軍不支而退。鐵甲汽車。於急馳圖逃時。因我方砲火猛烈。有一輛馳落壕溝中。前部損壞。車輛不能移動。乃爲我軍砲火所燬。并斃敵兵數十名。輕重傷者。亦不下數十人。

我軍奪獲大砲

自昨夜日軍施行總攻擊後。卽以大砲向我陣地猛烈轟擊。一時砲聲隆隆。卽法租界亦清澈可聞。惟我軍沈着抵抗。並設奇計破敵。卒將日軍擊退。並奪獲大砲九尊。聞日軍自經此次巨創後。損失極大。

發現敵方氣球

今日上午十一時後。敵方有氣球一只。高昇空際。估定其方位。距天通路車站匪遙。是蓋敵方用氣球。遼望我軍陣線者。

第十六章 日機亂投炸彈

毀屋傷人慘無人道

永安三廠亦被炸毀

日本大部援軍又到

(二月十一日之戰況)

今日各地戰綫。吳淞略有砲聲。其餘各地槍聲亦稀。而日本飛機。則大為活動。到處拋擲炸彈。威脅及於兩租界。損害最甚者。厥為永安第三紗廠。茲將各情分誌如次。

▲吳淞方面戰況

上午敵艦轟擊砲台

我軍略事應付即平

今日吳淞方面戰雲和緩。日艦於晨間七時許。以五英寸口徑小鋼砲。由遠距離之地點。向吳淞轟擊。計開三十餘砲。我方因無若何損失。故未開砲還擊。以免虛耗彈藥。至十一時三十分。日陸軍復以開花砲四門。向我射擊。我軍略事應付。敵軍遂即停砲。至正午。砲聲遂息。

字林報云。吳淞砲台。連日雖經砲轟及飛機之襲擊。而砲台飯店之主人英人台維士。仍留於戰區。僅以二犬為伴。不忍棄其經營多年之故居。其在滬之友人。曾於星期六日。向日本海軍當局。領得通行證。擬往勸之脫離危境。但行至蘊藻浜。不能前進。遂廢然而返。據昨(十日)夜由前線歸來之日水兵聲稱。砲台飯店雖中彈數十次。而其上仍高懸英旗。按台氏為退職英海軍軍官。年已八十。

▲蘊藻浜之戰況

三次偷渡未成

淞鎮一片焦土

昨又偷渡擊退 盤據吳淞蘊藻浜南鐵路總工廠之日軍。於今晨八時許。擬偷渡蘊藻浜。分左右兩翼衝鋒。左翼自楊宅及軍工路。以陸路砲及手提機關槍向浜北猛攻。右翼自胡家橋周家橋向北轟擊。日軍中並有身穿救命馬甲者。擬搭浮橋過河。當爲我軍猛勇抵禦。劇戰一小時。敵軍不支而退。

▲閘北方面沉寂

戰事暫時沉寂

僅有步哨衝突

本日閘北方面。自晨至晚。未發生戰事。惟雙方步哨。間有放槍示威。下午二時許。曾有一二日兵。偷向我軍防壘襲擊。當被我軍用機關槍擊退。因此槍聲又起。旋即平息。關係日兵。收拾殘部。重行分配希圖再舉。并鑒我軍防綫鞏固。極力增援。又恐我軍乘機進攻。乃於昨晨。用飛機竟日在閘北及太陽廟麥根路等處。轟炸。因此又遭殘酷慘劇。及大火四五起云。

▲南市本日虛驚

居民遷避租界

華界斷絕交通

今日午後三時許。忽然發生日軍將於入晚。同時攻擊南市之謠傳。一時形勢頓告緊張。居民紛向租界遷避。扶老携幼。箱籠載途。一若日軍即將襲來者。於是法租界各捕房戒備更嚴。鐵柵邊門提早關閉。華界六時未到。即行斷絕交通。惟迄至夜晚。南市安甯如常。但居民已飽受虛驚矣。

▲永安第三廠被炸

死傷男女工人多名

美兵一排險遭殃及

美領將提嚴重抗議

日領卸責諉稱誤投

今晨八時起日機多架。自東面飛起。次第往閘北。江灣。虹鎮。等處。拋擲炸彈。至上午十時四十分左右。飛機五架。竟飛往素稱安全之公共租界境內麥根路一帶。拋擲炸彈。其中兩枚。着於麥根路五十五號永安第三紗廠搖紗間。炸斃五名。傷約二十名。搖紗機損壞者四十餘部。共計損失約值萬餘兩。該廠今日仍照常開工。

爆炸情形

永安紡織有限公司第三紗廠。在蘇州河南麥根路五十五號。地屬租界。佔田約五畝。廠房甚鉅。今晨十時半左右。先有日機五架。由北面飛駛而南。至永安紗廠之屋頂中。即盤旋不去。旋聞轟然一聲。巨大之炸彈一枚。從空落下。着於廠屋之

西北角上。直墜至二層搖紗間中。立即爆炸。又有一燃燒之硫磺彈。則由東北角穿過兩屋間之懸橋。成曲折線而下落。懸橋欄桿。立即炸去。祇留鐵條兩根。搖紗間中之搖紗機器四十餘架。均遭彈炸損壞。其時廠中駐有美國海軍陸戰隊兵士一排。險被殃及。

死傷人數

廠中十時半至十一時半。為進餐時間。當日機拋擲炸彈時。大多數工人。均往飯廳進膳。祇東首紡紗間中。留有男女工人二十餘名。肇事時不及逃避。當場炸斃五名。其中女工四人。一為小孩。年祇十六歲。一係男工。受傷者則多至二十名。均由紅十字會派救護車。送往醫院治療。內有女工盧周氏一名。年二十歲阜寧人。因重傷在院身死。

▲日機到處擲彈

南北市兩租界

均有燬屋傷人

敵機連日在空中飛翔。拋擲炸彈。殃及無辜生命財產。損失殊鉅。並於二月五日起。迭向吾災民收容所。用巨大炸彈轟炸。種種行動。殘毒之至。今晨。日飛機又在空中肆虐。麥根路車站。大通路。及太陽廟一帶。拋彈至三十餘枚之多。當場被轟死傷及壓斃者計十餘人。車站貨房鐵路及民房會館等。坍塌倒壁。損失不貲。此外如租界內麥根路。永安紗廠。虹鎮香煙橋。江灣鎮。南市邑廟。及法租界等處。均有日飛機往拋擲炸彈。以一日間而在人烟稠密之區。拋彈至十處以上。其慘無人道。可謂已極。其被炸之處

。計有西寶興路。潭子灣。麥根路車站。大統路民房。嘉郡會館。中興路菜場。外灘。虹鎮。法租界。南市。江灣甚處。

▲日本援軍又到

今日下午二時登陸

日政府增調陸軍一師團。來滬應援。特命駐滬各軍艦往運。昨日下午。已到一批。其餘大隊日兵。則於今日下午二時開到上海。共有一萬二千人。當在浦江內黃浦碼頭停泊。兵士卽行登陸。分批用卡車運往江灣閘北兩方面而去。日本軍艦。截至本日止。自第二隊魚雷一艘。於下午二時五十分開來外。刻下滬上已有大小軍艦三十二隻。由吳淞二號河筒起。一直停至浦江南段江面。成爲一直線云。

◎第十七章 我軍激戰退敵

日軍大砲炸彈轟炸吳淞

閘北上午停戰入晚激戰

我軍沉着應戰固守原防

(二月十二日之戰況)

今晚七時起。日軍用極猛烈之砲火。向我虬江路天通庵路一帶防綫攻擊。一時槍聲機

關槍聲密集。敵係威嚇性質。始終未敢衝鋒。我軍沉着應戰。至十二時四十分始止。雙方陣綫未動。又吳淞方面。今晚八時後。復在蘆藻浜之正面。向我砲轟。較開北之砲戰。稍為和緩。至夜半始停止。敵亦未曾絲毫得手。據川沙白龍港方面消息。敵艦十七艘。已升火待發。將向吳淞方面出動。預備總攻。

吳淞之戰況

各處有衝突敵均敗退

日軍造竹筏企圖偷渡

自滬戰發生後。迄今未停。各國領事。會議定於今晨請我軍及日方停戰四小時。俾得於此期間。儘量運載戰區難民脫離險境。今晨開北方面。日軍果未大舉來犯。惟吳淞方面。自今晨六時起。又向我軍開始攻擊。在蘆藻浜。張華浜。吳淞鎮。砲臺灣。獅子林。等數處。均有衝突。戰爭頗烈。茲將戰況分誌如下。

蘆藻浜吳淞鎮

今晨六時日方派步兵七八百人。由野戰砲及飛機之掩護。大舉來

犯。意圖衝過我方陣線。同時又向該地附近之曹家橋攻擊。我軍之在蘆藻浜者祇有二百人弱。均奮勇抵抗。戰約二小時。即將敵擊退。曹家橋方面之日軍。亦經我軍擊敗。至九時後。即平靜無事。惟仍有步哨槍聲。連接不絕。吳淞鎮方面。於今日清晨。亦有日兵以大砲向我軍轟擊。共發砲三十餘響。多未命中。至九時後。敵軍猶時向我軍以步槍射擊。在吳淞之某鄉民頭部及臂部曾被日方大砲彈傷。刻已送往紅十字會第五院醫治。

砲臺灣張華浜

砲臺灣所泊之日艦。共計有十三艘。今晨日艦上之陸戰隊。時發槍射擊我砲臺旁之軍士。惟因砲臺前泊有英美兩國之軍艦。日軍因有所顧忌。故未敢發砲轟我砲臺。日艦一艘。昨晨駛至張華浜口。約於六時左右。向我方開砲多發。其陸戰隊并擬上岸。均經我駐軍擊退。日軍死傷頗多。

敵軍預備大舉

大美晚報云。今日午後二時大美晚報訪員在張家浜日軍司令部前

。見日兵携軟木竹筏。由持來福槍與機關槍兵士護送。先西進。後再向北趨蘊藻浜南之日軍陣線。此項竹筏。乃以壓緊之軟木製成。每方軟木。厚二吋闊約一呎。長三呎。以六方聯成爲一。兩端各置兩方。繫於毛竹。可浮水不沉。兵士携去者。共有百餘筏。司令部前之步兵。來往甚活動。司令部西南面墳塋後安置之陸軍大砲。晨間殊寂靜。是時亦隆隆作聲。下午二時後。由楊樹浦飛來飛機六架。連已在天空之三架。共有九架。大轟炸機五架。追逐機四架。觀此情形。日軍對吳淞砲台之攻勢。似即在目前矣。字林報云。今日午後軍工路運輸子彈之卡車。絡繹不絕。日人所有之各碼頭。卸運子彈軍需。亦甚活動。即野村司令之旗艦上。亦有軍火卸下。曾見有鋼版數車。運向吳淞進發。雙方昨日均乘寂靜之機。從事鞏固陣地。聞華兵士氣甚壯。自信可操勝算云。

敵機轟炸淞鎮

現雙方陣地。仍無變動。鎮中房屋。大半被砲火所燬。居民遷移

一空。十時左右。有敵飛機來兩架。在淞鎮左右。亂擲炸彈。歷時約有一小時。總計拋炸彈二十餘枚。有十餘枚爆發。惟損害尙輕。經我軍高射砲不斷射擊。敵機始飛去。據一

鄉人云。今晨六時至八時許。在紀家橋方面。敵軍約三百餘人。紛向我軍陣綫衝鋒。我軍奮勇抵禦。以機關槍掃射。結果斃敵二百餘人。我方死傷二十餘人。即運往大場後方醫院。有人目睹我軍汽車內滿裝敵軍槍械戰利品。駛向司令部。聞連日來所獲極多云。

寶山縣署暫遷 寶山縣政府及財政交通等各機關。因寶山地勢危險。且日艦砲轟時。子彈均落於城內。故於今日起。將縣府及所屬各機關。遷至西鄉羅店辦公。

▲閘北今午停戰

救護戰區難民

自日軍無端向我閘北及吳淞以大砲機槍轟擊。並用飛機亂擲炸彈。該處居民。均猝不及避。慘死於難者。不可勝數。但戰事迄未停止。而戰區災民。傷者纍纍。救護人員。均不得前進營救。男女老幼。無法逃避。飢無食。渴無飲者。亦已多日矣。因而餓死者。時有所聞。昨日下午一時半。英總領事壁約翰。偕同萬國義勇團司令部皮而少校。徇西教士之請。前赴市政府面謁吳市長。請通知我方軍事當局。於今日上午八時起至十二時止。於閘北寶山路寶興路虬江路一帶。雙方暫時停止攻擊四小時。由皮而少校督率救護團體。前往戰區。設法救護該區域內災民。我方軍事當局。即允許。聞英領等並與日方同樣商妥矣。

▲閘北夜間激戰

白晝日機投彈

黑夜日軍進攻

結果均經擊退

開北方面。自晨間六時起。已無槍砲聲。八時至午十二時。因係四小時停戰救護時期。故雙方均入休戰狀態中。我軍將士利用時機。間有援助避難災民。搬運物件。及爲之維護出戰區者。惟對於進出人民。恐有敵人間諜或漢奸混入。故防範甚嚴。至下午四時後。以戰區災民。已陸續運出。故即宣告戒嚴。下午一時後。有日機五架。在開北太陽廟飛翔。亂擲炸彈。至四時起。日兵又用大砲。向開北轟擊。連續不斷。入晚九時激戰更烈。茲將各情分誌如次。

日機亂擲炸彈

今日停戰時期過後於下午一時許。日飛機五架。又在開北太陽廟等處天空中發現。先在開北中興路。共和新路。虬江路等處環繞。繼即投彈。約二十餘起。均在民房附近落地。轟炸者六七彈。惟未發火。我軍即用高射砲轟擊。日飛機又飛往太陽廟。潭子灣。麥根路等處投彈。亦爲我軍擊退。惟當時開北災民正在遷避。因日飛機到處投彈。以致搬回者數百人。現皆避在民房內。流離失散。不計其數。

日砲轟燬民房

今日下午三時後。日飛機被我軍用砲擊退後。日兵於下午四時起。即改炸砲擊。平均每五分鐘一砲。日兵發砲基地。仍在虹口公園內。並間以日兵前哨之鋼砲。均向開北及麥根路太陽廟一帶民房轟擊。入晚尤密。我軍亦予還擊。彈多落於日兵前哨線。日兵損傷甚衆。開北民房中彈者無幾。皆未爆炸。並探悉日兵於昨日下午

午二時許。在天通庵車站北面月台。增設防禦物。并在該車站南月台上打樁。加鋪鋼板。安設砲位。約有十餘處云。

入晚又起激戰

雙方砲轟。至晚九時後。日兵乘機偷襲。乃又發生激戰。接觸地點。在天通庵路。及虬江路。等處。鎗聲連續未斷。同時雙方均用大砲掩護進攻。機關槍掃射。此起彼接。迫擊砲手榴彈密發。鋼砲亦頻頻施射。聲震全埠。激戰之烈。為發生戰事後之第三次。至十時後。槍聲漸向東北進移。我軍後方砲隊發砲點。亦進至寶山路口。至十一時。槍聲漸稀。間有機關槍聲。係少數日兵殘部。猶思困鬥。惟雙方砲轟仍未輟。大都係鋼砲。至十二時始稍殺。日兵傷亡達二百餘名。我軍傷十餘人。此役。日兵曾屢次向我軍陣地衝鋒。均為我軍殲滅。我軍陣線。一無變動。

第十八章 我軍再挫強敵

蘊藻浜血戰我軍大捷

敵偷渡曹家橋全部覆沒

虹口日軍兩司令部中彈

敵人亦稱我軍作戰勇敢

(二月十三日之戰况)

▲偷渡敵軍盡殲

今晨敵千餘偷渡被圍

雙方血戰達十二小時

敵全部殲滅無一生還

本日上午十時許。敵陸軍千餘人。第三次藉烟幕彈之掩護。竟被偷渡蘊藻浜。在北岸曹家橋登陸。當時情勢異常緊張。敵軍抱必死之心。努力向我防線衝擊。我軍奮勇應戰。並急調後方援軍。全部參加作戰。取大包圍形勢。敵頑強抵禦。不稍示弱。我軍以此戰為吳淞之生死關頭。竭全力搏擊。敵突圍凡十餘次。均不得逞。雙方肉搏。喊殺之聲。遠近震動。敵軍復在隔河以重砲轟擊援助。然砲彈所及。無損於我軍毫末。戰至下午四時後。敵死亡枕藉。已力竭聲嘶。然猶作困獸之鬪。延至今晚九時四十分。始全部解決。無一生還。是役也。雙方混戰肉搏達十二小時。實開吳淞中日劇戰之新紀元。我軍亦有傷亡。卒賴我軍將士用命。士氣奮發。始博得最后之勝利。殲此頑敵。

龍華警備司令部十三晚捷報云。限即刻到。市政府各機關各報館均鑒。今晨起。敵約二三千人。在曹家橋紀家橋一帶偷渡。經我毛師派部迎頭痛擊。激戰終日。迄晚間九時四十分。卒為我擊退。敵傷亡千餘人。謹此捷報。淞滬警備司令部參謀處叩元亥印。

▲敵偷渡蘊藻浜

放烟幕彈白霧漫天

敵千餘人偷渡登陸

今晨二時。我吳淞方面之防軍。乘敵軍疲乏之際。在蘊藻浜黃浦江口。向敵軍艦及附近陸軍猛攻。敵出不備。忽促應付。損失奇重。至蘊藻浜正面之敵。竟施放烟幕彈。架搭浮橋。偷渡三次。均被我軍擊退。詳情分誌如次。

襲攻敵大本營

今晨二時。我吳淞防軍及便衣隊。乘敵不備。在蘊藻浜黃浦江口。向敵軍艦夕張號。及附近陸軍猛攻。該處係敵之大隊部宿營處。敵措手不及。忽促應戰。被我軍擊斃數百名。敵艦亦受重創。損失奇重。敵方亦驚嘆我軍作戰之勇敢。

初次偷渡失敗

今日。敵三次架浮橋竹筏。希圖偷渡蘊藻浜。及南泗塘河。第一次在今晨四時半許。天方破曉之際。敵兵二百餘名。在黑橋之東偷渡。當被我防軍覺察。即用機關槍迫擊砲掃射。敵遺屍十餘具。棄筏而逸。

敵施放烟幕彈

第二次在今晨七時許。有敵兵三四百名。各手持刀鉤鋸斧等。在南草菴前偷渡。敵軍並發烟幕彈。至我軍陣地。一時蘊藻浜上白烟迷漫。我軍察知奸計。即向依周塘角。用機關槍數架掃射。及至白煙消散。則已無敵蹤。第三次在上午十時許。時方雪花紛飛。敵一千餘人。仍藉煙幕彈之掩護。又圖偷渡。當被我軍步哨發覺時。當即飛報後方。調大隊應戰。同時敵以極迅速之進行。全部偷渡登陸。我軍遂與激戰。一時肉搏甚烈。戰至十二時我援軍趕到。遂將敵全部大包圍至下午四時止。仍在包圍中。當曹家橋兩軍激戰敵正擬後退時。敵軍另派支隊約三百餘人。攻擊紀家橋。我軍即出

而應戰。雙方相持。約一小時之久。敵軍不支而退。至十時許。日又以五百餘人。用手提機關槍等猛衝。我軍以機關槍及排槍等應戰。敵軍因雨雪。不能用鐵甲車爲前導。故死傷頗多。至十時十五分即退。繼敵軍以少數步隊。攻侯家木橋。我軍沉着應戰。敵軍以爲有機可乘。遂增兵力前進。我軍乃以機關槍掃射。敵知中計。乃倉皇退却云。

敵增兵張華浜

今日下午二時。敵軍在張華浜兩路工廠附近。用重砲向我軍陣地轟擊。彈均落吳淞市河南岸及同濟路泰興路一帶。我軍殊少損傷。雖敵砲亂轟。我軍異常鎮靜。絕不還擊。據張華浜對江防疫醫院附近之鄉民稱。今日自晨至暮。瞥見有小輪拖帶大鐵壳駁船四艘。滿載敵兵。自滬駛至張華浜登岸。輪駁待敵兵起岸後。卽向滬駛回。復裝載敵兵來淞。如是者有四次之多。最後一次。曾見有大砲數門。駁運上岸。復見軍工路上卡車。來往頗忙。均滿載敵兵。及軍火而來。空車而去。照此情形觀察。現在張華浜之敵軍人數。已較前大增。

▲閘北激戰狀況

擊落敵機一架

彈落日司令部

敵軍死傷極衆

閘北方面。日軍因昨晚（十二日）進攻失利。乃重調生力軍。至前線補充。於今晨八時許下令。續向我軍防線總攻。於是虬江路。天通庵路。新民路。青雲路。又復先後發

生激戰。同時日飛機八架。飛行天空助戰。並擲巨量炸彈五枚。落在麥根路區及湖州會館內。較輕炸彈。約有五十餘枚。間以大砲。我軍奮勇還擊。並用高射砲轟擊日機。在相距二十碼處即炸裂。因此日機紛紛逃避。折向真茹投彈。約十餘起。未得逞。又被我軍用高射砲擊回。中有一機。被我軍擊落。昨日下午六時。我軍砲隊開砲。擊中北四川路底日兵陸戰隊本部。轟毀民房數座。並斃敵軍少校參謀一人。敵兵數人。今晨六時許。我軍砲隊又擊中日童公學內日兵第二司令部。茲將各情紀述如次。

日兵總攻聞北

今晨八時許。日兵千餘名。利用飛機擲彈。大砲掩護。及後方

生力軍之補充。又向虬江路。新江路。天通庵路。青雲路等處我軍前哨線總攻。當時雨雪紛飛。我軍即在雪中奮起抵禦。雙方各用野戰砲。鋼砲。機關槍。掩護掃射。日飛機亦出助戰。希圖擾亂我軍後方。未幾即被我軍高射砲擊退。我前線各將士。在敵陣中衝入殺出者數次。至十時許。敵軍不支潰退。我軍防線。堅如鐵壁。僅二十餘人受傷。日兵受傷亡甚鉅。嗣後晤及該師某旅參謀長。據談日軍今晨之戰。意圖擾亂我軍陣線。惟若輩均甚怕死。向我作戰時。士氣甚餒。且多藉利器掩護。結果均被我軍擊退。現我軍對於最前線防務。甚爲鞏固。日軍殊難越雷池一步云云。

彈落日司令部

今晨劇戰時。雙方砲轟之烈。爲發生戰事後之第一次。自晨八

時至晚九時。未曾間斷。日兵以轟炸聞北一帶民房爲目標。但均在中途墮落。或在租界內爆炸。我軍砲隊則發砲準確。百無一失。北四川路底日海軍陸戰隊司令部。曾於昨日

(十二日)下午六時。被我軍砲隊開砲擊中。燬去房屋一座。斃日兵少校參謀一人。傷敵兵數人。今晨日兵設在北四川路橫浜橋日童公學內之第二司令部。又被我軍擊中爆裂。死傷纍纍。地上血跡甚多。得逃生者無幾。嗣後日兵砲轟漸稀。至晚九時始息。

大批日屍運回

今日下午二時許。訪員行經北市外白渡橋。目睹有卡車九輛。均滿載日軍屍身。約計一千餘具。俱盛以麻袋。鮮紅血液。從麻袋縫中汨汨流。由北四川路方面馳來。至該處日本領事館門首停駐。卽由押運之日軍。手攜手提機關槍。迫令華人。將此項麻袋。逐一從卡車上搬下。分別扛運。至該處附近堆棧內堆存。聞扛運之華人。純係虹口一帶居民。陸續爲日軍擄去者。充作是項苦工。訪員目睹若輩精神衰頹。形容憔悴。其內不少智識階級中人。當扛運此種日軍屍首時。有日軍執槍在旁。監視甚嚴。中有一人。因稍爲倔強。輒遭日軍槍殺。日軍此種舉動。實屬慘無人道。

湖州會館被毀

今日上午七時起。日兵又用重砲。向我開北會文路湖州會館猛轟。該館房屋。前曾被飛機擲彈。炸燬極多。所存僅丙舍一部分。尙未燬壞。不料昨日。敵軍復用巨砲轟擊。砲彈橫飛。結果。所有丙房。盡被轟毀。樞內屍體。中彈後。有斷頭。缺臂。破腹。裂背者。均骸骨橫飛。所有紅綠殮衣。盡成砲灰。其餘各處。爲流彈炸燬者亦甚夥。蓋目下敵軍。所用砲彈。皆係開花彈。故凡經着彈之處。莫不燬壞殆盡云。

天通菴之激戰

傷兵蔣桂林。在醫院中述昨晚(十二日)在天通庵抵抗敵軍一

幕。略謂。予湘省人。一月前在贛從戎。投效六十師。甫經匝月。充副班長職。昨晚余等正扼守天通庵路。我軍派有步哨。我等均抱定敵不來則已。來則必與抵抗。不料至七時。敵即開砲向我猛轟。我軍毫不理睬。聽其消耗子彈。然敵竟越轟越密。經兩小時之久。並不停止。當即派出二百餘敵軍。向我防地衝來。在下午七時一刻。先與我哨兵衝突。將近我防禦物時。我軍突起還擊。並用鎗掃射。撲殺敵人約五十餘名。連戰約一刻鐘。我等見敵已餒。且露有不支欲退之勢。因又想及敵來係越浜前進。退時亦須過浜。較諸平原退兵。總屬不易。於是即竭全力衝出。與之應戰。手榴彈炸裂聲不絕於耳。迨敵完全退過浜南。似已大為狼狽。且此時擊斃於浜中敵人。又增二十餘名。余乃於衝出之時。足部受傷。即由救護者昇至團部。時正十一時半。俟至天明。（即今晨）始轉投醫院療治。當午夜十二時。余在團部。聞得報告。敵軍二百餘生還僅及半數。因敵主攻我主守。故敵傷亡甚大。我方僅傷亡十餘人。至當晚十二時以後。槍砲聲始逐漸稀落云。

飛雷擊落日機

今日上午九時許。日方軍用飛機計八架。飛翔於閘北一帶。環繞以至真茹吳淞方面。繼又向閘北區內飛去。拋擲炸彈。圖燬市房。天通庵路。中華新路口廣東醫院昨晨不幸又爲日飛機投中炸彈及硫磺彈。先後凡四粒。一時該院烟霧漫天。火燎瀾漫。自今晨九時半肇焚。直至十二半。始告熄滅。聞該院院舍東北隅焚燬五六間。我軍以日方軍用飛機。肆意破壞。到處擲彈。特於今晨九時許。日方飛機環飛閘北

我軍防線時。即以蔡霖生君發明之飛雷。發擊日機。是時飛雷巨響。遐邇咸聞。維果日機經飛雷爆炸一架。落於太陽廟大統路附近云。

我軍人格高尚

據自前綫視察歸來者談。昨日敵軍偷襲吳淞時。被我軍士兵截獲。中有日兵數人繳械後。伏地求釋。我方士兵。見其已失戰鬥能力。且卑劣可憐。即予放回。並向之云。「你去拿了槍再來受死吧。」日兵狼狽鼠竄而去。我軍之正直剛強。於此可見一斑。而日軍對於我方士兵。一被截獲。即加屠戮。每遇傷兵呻吟地上者。亦必以槍刺猛戳數下。令其宛轉以斃。其慘酷行爲。實爲人道所不許。外人對此。莫不憤憤不平。而稱道我軍人格不置云。

▲日報稱讚我軍勇敢

砲彈意外正確

戰術非常奇妙

日中隊長自殺

大阪每日新聞六日載戰事消息云。敵（指我軍下同。）之野砲隊之射擊。意外正確。（照日文直譯）我（指日軍下同）陸戰隊本部。數日來中敵方砲彈十餘發。而我軍因不慣於巷戰。遂遭極大的犧牲。且敵嘗以機關槍向我軍裝甲車之前衝鋒。我若亂射。則敵軍沉默。而我軍以爲可放心前進。敵乃乘機衝出。又中其計。此種奇妙戰術。不敵戰法。我軍嘗出大部分之死傷者。（均照日文直譯由此足徵敵膽已寒直供不諱又查此戰

爭日軍中之死傷者如水雷長航海長隊長艦長等不下四五十人而我方下級軍官受傷者不過一二人。又時事新聞云。最可驚者。我陸戰隊本部指揮官室內屋頂。突然落下敵之八厘砲彈。倖幸萬分。彈竟不炸。否則。我陸戰隊首腦部長官。必遭全滅。此亦天佑我軍。然而各長官。已驚駭失色。呆若木雞矣。又六日大阪每日新聞載上海岡田特派員報告云。我軍（指日軍下同）在上海互於全線之苦戰。而蔡廷楷軍爲中國之鐵軍。其兵之強可知。故我軍戰況。絲毫不能進展。目下租界刻刻危險。照現在之情勢。徒然遷延時日。增加我軍之犧牲者云。

東京報知新聞接長春池田特派員電云。日軍長谷部旅團長。於一日晚在雙城堡驛內東華俱樂部席上。報告戰爭之感想。其冒頭即稱「中國兵實不可侮」。繼謂余（指長谷下同）此次戰爭中。頗有極深刻的感想。而爲我國人（日本）所意料不及者。中國兵之作戰。實不懦弱是也。（照日文直譯）當余目擊濟南戰爭時。敵竟跳越屍身衝進我陣地。此次雙城堡之激戰。敵（我軍）又向我軍（日軍）夜襲。且敵不畏砲火。積極的向我（日軍）出攻勢。其勇猛實不可當。當時我軍（日軍）部隊不多。乃將兵站部衛生部以及附屬於其他旅團之部隊。集中車站。原爲縮短戰線。而敵軍竟不顧生命。在砲彈如雨中。蜂擁而來。使我軍（日軍）氣爲之餒云。

日文報又載電通上海二日專電云。中隊長米丸大尉。於今晨三時。以軍刀刺胸自戕。留下遺書一封。內有「促鹽澤司令決斷與猛省。挽回失敗之名譽」云云。此所以有鹽澤

自殺之誤傳也。

沈師長重要談話

今晨記者冒着雨雪往見六十師沈師長。(光漢)蒙他發表了一篇重要談話。照錄如下。並承他允許不久寫一篇民衆的防禦戰術。在各報發表。日本帝國主義。欲打破其嚴重而又深刻的不景氣。以圖挽救其已頹於崩潰的命運。所以加緊其對於我中華民族之掠奪。而施其積極的砲艦政策。可是事實已經答覆牠。牠這一切夢想。都只能加重日本之危機。促成了我中華民族振興之機。就我個人觀察。日本因此次侵略我國土。中日所蒙受之利害。和因此影響所產生的局面。實不難預判。(一)日軍閥之窮兵黷武。必至民貧財盡。激成內亂。益速其帝國命運之沒落。(二)堅固我國人。永與日不合作之決心。使日本工商業一蹶不起。難於恢復在華市場之舊觀。(三)日本施以野蠻卑劣侵害的事。實予各國深刻之認識。因此轉移世人一向重視日人心理而失去世界之同情。同時我國因此必有下列三點之利益。(一)促成我國人和衷共濟之急迫之一致團結之機。(二)提示我同胞禦侮之共同目標。集中我同胞殺敵之視線。(三)增加國人對國家觀念之濃厚。激揚民族圖存之精神。以上事實。昭然揭示於世人之前。故我對此次日本軍閥之侵略。非常之樂觀。并且感謝牠給與我們二十年來所追求不得的一切利益。我敢斷定。在最近之將來。中日還有實現平等親善的可能。我們只看日本東京帝國與慶應兩大學教授學生和市民示威運動的口號「反對日帝國主義進攻支那。以及神戶工人士兵大阪海員的罷

工口號「不到支那去」。「不打中國兄弟」。這種公理。自在人心的同情表示。就可充分證實日本軍閥之命運已到了最後的一次。和中日親善的另一局面。很迅速的產生。我盼望國人在這時候。要忍受目前的痛苦期待着將來而已快來的幸福。同時希望日本被軍閥壓迫的民衆和牠鐵蹄下蹂躪的弱小民族。加緊而擴大其正義有效的表示。與我們共同負責實現東亞永久的和平。

第十九章 雙方準備大戰

日本陸軍到齊準備進攻

我軍士氣奮發決心抵抗

(二月十四日之戰況)

▲吳淞戰況

敵軍偷渡又告失敗

敵艦不斷砲轟淞鎮

昨晚吳淞曹家橋之大捷。偷渡敵軍千餘名。全部殲滅。計獲來福槍。手提機關槍等戰利品無數。敵經此重創後。猶不甘心。今晨一時許。復派大隊。企圖偷渡。先後均經擊退。而吳淞口外之敵艦。亦不斷向淞鎮砲轟。今晨拂曉。敵由張家浜襲擊侯家木橋。敵

戰數小時。敵始潰退。各情分誌如次。

敵偷渡又失敗

敵經曹家橋之大創後。猶不甘心。復於今晨一時許。派大隊敵兵至曹家橋。希圖在重砲掩護之下。再行偷渡蘊藻浜。我軍乘新勝之餘。士氣振奮。當即渡河聯合。在紀家橋東唐家橋方面之我軍。向敵軍挺進。雙方激戰。至今晨三時許。敵兵不支。向後潰退。我軍遂將南泗塘河以西之原有陣地恢復。是役敵又死傷甚衆。

今晨並無激戰

今晨吳淞方面並無激戰。惟隔三五分鐘。敵開放大砲示威。我軍并不還擊。上午八時至九時間。在淞口方面之敵艦。不斷向淞鎮開砲轟擊。約有百餘彈之多。致鎮中東昇路文昌路一帶。有數處房屋起火。十時許。復有敵機六架。自口外洋面飛起。向蘊藻浜我軍陣地擲炸彈十餘枚。我軍無甚損傷。旋經我軍用高射砲。將敵機擊退。今日下午二時前。雙方並無接觸。但敵繼二架。仍不時往還。高飛偵察。據在江灣東六里許之侯家木橋鄉間逃出之難民稱。該處及高境廟一帶。已於昨日上午起。發現不少敵兵。是可見在張華浜方面之敵軍。已將陣線自紀家橋延長至侯家木橋高境廟等處。而與在江灣與閘北方面陣線聯接矣。

補記昨日戰況

敵軍欲斷我軍吳淞閘北之連絡。決放棄海陸空軍猛襲吳淞之計劃。而改向吳淞江灣間戰線。分三路猛衝。希圖有一處衝破。以截斷淞滬間連絡。而收圍攻或包抄吳淞之效。其進攻計劃。以呼應方法。分三路猛衝。一路自前晨拂曉五時許起。由蘊藻浜渡河。襲曹家橋。一路由張華浜於七時許襲侯家木橋。另一路則於晚十時

許。由殷翔路上端及體育會路來攻引翔鄉萬國體育場。此其分三路進犯情形也。

敵襲侯家木橋

敵軍於昨晨由張華浜襲侯家木橋。被我擊退後。我軍陣綫。向前推進約三五里。但至昨晚十時許。敵又以大隊大舉來襲。我軍當出而應戰。相持歷三小時。敵漸不支。陸續增援。我軍亦調大部隊前往應戰。敵見我調大部隊。亦再增援。皆係陸軍。我軍於清晨十時許。下令衝鋒。旋即重疊層層前進。以致敵軍在西康家橋及鍾家宅附近。悉數被我包圍。敵以手機關槍等向外衝突。我則以手榴彈向內拋擲。每一手榴彈爆炸後。可死傷敵人十數人。雙方激戰至數小時。敵不支敗退。

敵軍殲滅經過

敵軍於昨日(十三)侵晨天陰雨雪之間。利用烟幕彈掩護。以二千餘人。在曹家橋架浮橋侵渡。圖窺我吳淞陣地。乃爲我軍包圍。由上午七時至下午九時。雙方激戰至烈。據由吳淞來滬之某軍官述稱。敵軍初以四五百人。藉烟幕彈蔽護。在浜南紀家橋偷渡過河。卽佔曹家橋。其後陸續偷渡者。復有千餘人。將我軍防線衝破。施行強烈襲擊。是時我軍張旅已由後方趕到。率隊反攻。將敵三面包圍。肉搏數十次。敵抵死掙扎。屢欲突圍而出不遂。血戰至入夜十時許。始將渡河之敵全數殲滅。無一生還。戰鬥之猛烈。爲開戰以來所未有。蓋其間十二小時中。未停息一分鐘也。是役我軍傷亡亦達百餘人。敵屍千餘具。現仍狼藉於曹家橋浜中。現曹家橋方面之敵。已完全肅清。敵受此重創後。以後必不敢向我正視矣。又云敵乘十二日雙方停戰四小時救護難民之際。竟違背國際信義。在蘆藻浜南黃浦江邊。用大炮向我陣地轟擊。可謂無恥已

極。但當時我軍爲嚴守信義計。絕未還擊云。

鄉老持酒犒軍

昨晚敵軍偷渡蘆藻浜。被我勇猛軍士。全部解決後。昨日前往調查一切。車行一小時。抵某地。該地除我防軍外。并駐有上海市民義勇軍。及華僑義勇軍數百人。紅十字會正在由戰地上用大卡車運救傷兵。道旁滿列三八式槍千餘枝。蓋自敵方奪獲之戰利品也。途經某寺。上海市民義勇軍正在積極訓練。未幾又遇華僑義勇軍隊長陳瑞賞。謂該隊均係自海外歸來。昨晚戰事劇烈。該隊夜間均往運救傷兵。隊員均具有特種技術。如駕駛汽車。管理電信。修理機器等。對於軍事上將有不少貢獻。捨車步行。行二十餘里。至某橋。遇見我軍團長廖起榮。及團附田子玉。昨晚敵人偷渡即在該團防線。昨晚之役。敵人果已全部解決矣。但我軍不願進佔。以便待其再來。談至此。有鄉老夫婦兩人。持酒兩瓶。乾點數包來贈團長。謂昨晚辛苦了。今特奉送少許。聊以慶祝。

閘北戰況

敵軍以飛機砲彈威脅

我軍收回江灣跑馬場

閘北方面。雙方防線昨(十三日)無變動。且亦無接觸。以日兵連日傾注全力於吳淞之故。惟今晨八時許。日飛機仍往閘北投彈。均爲我軍擊退。故頗安靜。下午三時許。日兵又復砲擊。我軍亦還擊。約半小時即停止。惟發砲次數甚稀。至晚未有戰事。我軍

深悉敵軍兵力單薄。已有顧此失彼之象。乃乘蘊藻浜戰勝餘威。於今晨七時。由江灣派兵五百餘名。向萬國體育會跑馬場敵軍陣地進攻。敵軍初猶頑強抵抗。戰約一小時後。我軍改換陣勢。分路向敵軍前後中三部猛攻。卒將敵軍擊散。但日兵尤圖困鬥。乃爲我軍分部圍擊。敵軍勢始不支。至十時三十分左右。敵兵已傷亡過半。退出佔據地。我軍卽進據跑馬場。此役日兵傷亡百餘名。我軍獲戰利品。野砲八尊。機關槍步槍及輜重品無數。並搜獲敵軍重要文件數包。現我軍正向軍工路推進。截斷敵軍後路。分兵夾擊云。

●第二十章 敵艦攻淞無效

損害民房無礙我軍

敵軍換防恐我襲擊

(二月十五日之戰況)

▲敵艦砲攻吳淞

拂曉起發砲百餘響

蘊藻浜本日無激戰

日艦連日襲攻吳淞口砲台。迄未得手。今晨六時起。日艦七艘。又在三夾水洋面。向

我吳淞開砲台砲轟擊。至下午一時始停。共發百餘砲。我方並未還擊。至蘊藻浜正面之敵。今日並無劇烈戰事。各情分誌如次。

敵艦三次猛攻

今晨六時左右。停泊三夾水洋面之日艦七艘。以大砲向吳淞鎮砲台灣一帶猛力射擊。中國公學面海之牆。又被中二十餘彈。洞痕累累。大小均在十四英寸左右。該校之寄宿舍及圖書室等。全被轟燬無餘。吳淞鎮上房屋。被中四彈。二彈爆發。即時火起。燃燒至午後六時。猶未熄滅。且敵艦在前。無法可以撲滅。故隨風延燒。該鎮全部房屋。均將付之灰燼。當敵艦大砲猛轟之際。我方駐守該處之軍隊。即已全體準備。唯並未以砲火還擊。敵艦見我方並無動靜。一方面仍繼續開砲。一方面即以日商輪三艘。滿載敵軍。冀藉砲火之掩護。泊近砲台灣之沙灘。圖於該處登岸。均被我軍以機關槍掃射。敵死傷甚衆。日商輪亦被擊傷逃回。嗣敵軍第二次繼至。仍用小輪運載。亦被我軍如法掃射。完全擊退。敵攻至第三次時。飛機十餘架。同時亦出而助戰掩護。轟擊至爲猛烈。然掙扎至十一時許。卒被我軍擊潰而退。綜計昨日敵艦所發之砲約在一百發以上。除吳淞鎮爆發外。餘均未炸裂。是役敵軍傷亡二百餘人。我軍則僅傷士兵十餘人。

砲台飯店危險

大美晚報云。今日侵晨。日軍運兵船數艘經過吳淞時。曾爲華兵用機關槍與來福槍射擊。現信船中曾死傷若干人。但其數未能查明。日軍艦與飛機旋與華兵廝戰。江濱因以起火兩處。其一乃在砲台飯店附近。店主台維斯。年已八十。雖經日

軍司令部請英領事署。轉予警告。而此老仍堅決守其故居。今日大美晚報代表。曾向發砲轟擊之日海軍當局。查問砲彈會否擊中該飯店。據答。因被濃煙所蔽。故不能確知云。有人在遠處以望遠鏡瞭望。亦不能見該飯店旗桿上所懸之英旗。

敵機到處擲彈

今日全日間。敵機三兩成羣。不斷飛繞我軍陣地偵察。並拋擲炸彈。我軍以敵機飛行極高。且司空見慣。絕不出擊。上午七時許蘆藻浜正面之敵軍。

曾開砲向我軍陣地轟擊。但不久即行停止。十時許敵機四架。自滬飛出。至寶山羅店鎮。擲下炸彈十餘枚。均落該鎮四週附近田間。幸未傷人。寶山各機關。自吳淞戰事起後。即遷至該鎮辦公。吳淞居民之逃往該鎮者。亦頗不少。故敵機擲彈後。全鎮大起恐慌。商店當即紛紛閉門。居民相率扶老攜幼。向嘉定遷避。秩序異常紊亂。敵機至十一時許。始離該鎮。向東飛去。下午一時許。侯家木橋與紀家橋間發現敵兵小隊。約三四十人。即經我軍擊退云。又訊。吳淞東鎮東昇路文昌廟弄高家場南昌路一帶市房數百幢。於今日正午十二時許。被敵機擲硫磺彈。頃刻間起大火。蔓延各處。迄晚未熄。今日下午一時許。有日清公司淺水商輪一艘。船名早經塗去。自滬裝載白俄人二百餘。駛至張華浜糧米站碼頭。登岸後。逕赴兩路工廠敵軍司令部。

我軍陣線進展

自日軍分三路進攻失敗後。因死傷過衆。已無力再行反攻。昨日雖有大批陸軍約兩萬人運到。於昨日經運至前線後。尙未佈置完竣。故昨日除吳淞外。其餘各防線。均較沉寂。我軍乘此機會。新陣線均有進展。

楊行劃爲戰區

楊行在吳淞之後。離吳淞可十餘里。自日攻吳淞後。因江灣陣北均有日軍蹤跡。自滬至淞。多抄後路。假道大場劉行楊行而往。近因形勢緊張。楊行亦劃爲戰區。今日紅十字會車至吳淞者。駛至楊行而止。不能再向前進矣。今晨六時。日飛機四架。在楊行胡家莊一帶。拋擲炸彈。及開放機關槍。楊行鎮前擲四彈。幸未爆發。胡家莊落一彈。炸毀豆腐店一。小茶館一。關帝廟半隻。

▲要塞防務鞏固

記者赴砲台灣視察

戰壕防軍態度鎮靜

申報記者。於昨晨十一時。出發赴吳松砲台灣視察。由大場經劉行楊行。下午一時。抵同濟大學。時敵飛機四五架。方飛翔空際。擲彈轟炸。彈落處即起火。鄉人謂淞鎮無日不有火警也。校中東面洋房牆際。彈孔密佈如蜂窩。另有未完工之新建洋房一所。屋頂亦被砲彈所洞穿。記者在校內邂逅某軍官。即承其引導至旅部。晤翁照垣旅長。翁方與方振武。張子廉。吳邁。三君圍桌歡談。旋蒙翁旅長派員偕往砲台灣。途經中國公學。見該校之圖書館。新宿舍。大講堂等。彈孔纍纍。吳淞車站幾全部被炸燬。沿途所見。荒涼滿目。防軍多在戰壕內。談笑自若。且有開留聲機。及吹口琴取樂者。想見態度之鎮靜。登砲台後。由胡煥然連長招待。至各處視察一週。防務佈置極爲嚴密。砲彈儲藏豐富。遠望三夾水洋面。有敵艦六七艘。距離約在一萬米突左右。蓋防砲台之射

擊也。當要塞防軍云。通常敵艦平均每日在二十艘以上。今日（即昨日）特別減少。又據胡連長謂。敵艦自晨間六時起。向我砲台轟擊。至下午一時方止。所發共約二百彈。完全係威嚇性質。實際上毫無效果。記者有所問。解答不厭其詳。其和藹可親之態。無形中提起對我防軍敬愛之精神。記者於二時許。始與辭告別。循原途返滬。

▲閘北昨日戰況

敵軍換防被我軍砲轟

敵機擲彈被我軍擊退

閘北方面。今日自晨至晚。因日方正將新到陸軍補充換防。故無激烈戰爭。惟敵軍誠恐我軍進攻。不時以大砲或機槍向我方射擊。而我軍當敵之生力軍換防時。曾用大鋼砲轟擊。曾擊中寶樂安路敵軍水兵隊。死傷水兵甚多。此外敵軍又遣飛機至我陣地擲彈。當被我軍用高射砲擊退。茲將情形分紀如下。

各路均安靜

閘北方面。敵軍因十三日在蘊藻浜曹家橋方面受重創後。昨日未敢施行攻擊。故各路均甚平靜。惟今晨在天通庵及八字橋方面。敵軍以換防之故。曾向我軍陣綫開放數砲。我軍當亦還擊。旋即停止。其餘寶興路。虬江路。福生路。等處。自晨至暮。均無戰事。

敵飛機擲彈

今晨十時許。敵軍遣派軍用飛機六架。飛至閘北我軍陣地偵察。飛至天通庵橫浜路等處時。投擲炸彈十餘枚。當被炸斃居民二人。炸傷五六人。天通庵方

面。尙有房屋十餘間。被炸起火。敵機擲彈時。我軍即用高射砲射擊。敵機始遁去。但至十一時三十分。又發現敵機四架。飛往真茹國際電台附近擲彈。希圖毀我電台。當被我方駐軍。用高射砲轟擊。敵機不敢逗遛。遂即亟急逃去。一說已被我軍擊落一架。但未證實。

砲中水兵隊

大美晚報云。日本運船五艘。載步兵砲兵及輜重。於今晨駛至浦江上游。下旋大阪商船會社碼頭及匯山碼頭。船中兵隊卽下船向楊樹浦方面開去。所載輜重。將於午後起卸。日本陸軍前鋒。今晨曾分乘汽車六輛。大卡車四輛。機器腳踏車若干輛。入北四川路觀看陣綫。諸車近北四川路底時。華軍卽以鋼砲向之轟擊。諸車方轉入靶子路。有一砲彈。落於西童公學庭中。炸碎玻璃數方。又有二彈。落於寶樂安路第二百六十五號日水兵一隊駐紮所。死傷水兵若干人。今晨北四川路日海軍司令部周圍百碼內。至少落下砲彈十餘枚。

敵彈落租界

大陸報云。昨日(十四日)五時三十分。日軍野砲五尊轟擊北車站時。有美國商團英商團 A 字隊數人。險被波及。當時共轟擊一小時半。先後發十一彈。有數彈落在商團所駐之 C 字堡附近。隊官立卽報告商團總司令湯木斯上校。湯氏乃命在砲轟時暫行撤回。據稱。此項日軍。係安設北四川路靶子路口附近。又云昨夜(十四)九時至十時之間。有砲彈三枚。落在公共租界莫干山路。該路在東京路與蘇州河間。一彈穿屋頂。兩彈穿牆壁。似爲三吋口徑砲之砲彈。察其方面。定係來自虹口公園方面

云。

（編者按此次上海中日戰事。可分爲三期。第一期事變之始。日海軍司令爲鹽澤少將。陸戰隊指揮官爲鮫島。使我上海開北盡成焦土者。大概皆此二人之罪惡。是期將近一旬。約自一月二十八夜至二月五日。第二期戰事漸趨劇烈。海軍司令則更換野村中將。（或云少將）陸戰隊指揮則更調海軍少將植松鍊磨繼任。此期恰亦經旬。吳淞全鎮。悉在敵機敵艦砲火之下。精華盡去。猶幸蘊藻浜一戰。大破敵軍。獲得戰利品甚多。使敵人心膽皆寒。在戰事上殊有可紀之價值。第三期尚在醞釀之中。日軍鑒於連遭潰敗。所有陸海空軍死亡無數。已無作戰能力。又由日本調派陸軍第九師團全部。由植田中將統率來援。指揮陸路作戰。野村則專任海軍。連日佈置尙未完竣。我十九路軍素有鋼軍之譽。必能奮鬥到底。再摧強敵也。以後戰況。續詳下集。

◎第二十一章 戰地視察詳紀

▲閘北戰場視察記

我軍前鋒已進至狄思威路

日軍第一道防線退老靶子路

日方請求蔡氏令軍隊停進

關北一帶焚燒戰跡之歷歷

記者於三十晨出發。冒險赴關北中日兩軍陣線中視察。在途中幾被中日兩軍流彈及日便衣軍所槍斃。因不避艱難。得悉兩軍戰况最詳。截至三十晚四時半至六時止。我軍前鋒。南面已進至界路及老靶子路。東面越北四川路與狄思威路。日軍第一道防線。退至老靶子路南面。及沈家灣四卡子路橋。第二道防線西自愛而近路海甯路鴨綠路。東迄裏虹橋。第三道防線。則在蓬路虹口小菜場及中虹橋畔。日軍死傷極多。所餘僅一二百人。現蔡廷楷軍長。以日方請求。已令軍隊暫停進攻。俟日方自引撤退。但如日方不退。則我方仍得進攻。茲將視察所得。分誌於後。

環繞一週路程

記者於三十晨十時首途。擬由界路直入華界。但一插足。則流彈即由東飛來。乃不得不變更路線。繞道往西。偷渡蘇州河。由關北恆豐路直入。經共和新路入北火車站。至寶山路。因日人在北河南路放排槍。故不能越過。隨改由虬江路折入中興路。由寶通路至商務印書館。沿寶山路北上至橫浜橋。因右側面尚有日人便衣軍以步槍不時射擊。記者遂聽軍事當局之勸阻。且時間已四時有半。尙未進絲毫飲食。乃就歸途。歸後。復由北四川路直至海甯路。經日軍第二道防線。即被日便衣兵及水兵攔阻。因折而東行。由崑山路前進。行至乍浦路口。不能再進。乃南行至蓬路東轉。將近日本人俱樂部（即日本人協會）。見日水兵陸戰隊約三十餘人。堆沙作防禦工程。更折回至東武昌路東行。又爲日水兵及便衣兵二人所拘詢。爲時已五時二十分。質問極嚴

。各以槍刀前後相向。且謂於此時間。更能作外語之華人來此。必爲間諜。經搜查後。幸記者應付。週轉自如。且面不改色。始得釋放。因更繞道至虹橋與中虹橋日軍隊線。作爲視察已畢而歸。

北火車站狀況

記者入閘北區域後。卽由共和路沿京滬路軌。向北火車站前進。該處難民甚多。有以戰事似停。或出而察視。或出而預備逃難者。人數極多。記者先見路軌側地面。爲日飛機投炸彈所轟炸之深穴。直徑約三碼有餘。其右側爲C字二二號機車。及C字一六號機車。兩節相連。C字二二號機車。因受炸彈轟炸。前部向西南傾斜。但二機車均未受損失。由此前進。至水亭後面。有炸彈巨穴一。直徑約六七碼深約六英尺。再前進數十武。有炸彈孔二。直徑均可五六碼。再進前。有P字八〇五號四等車一節。前部被炸毀。并炸死兵士一名。覆臥於車中。其右足則被炸飛於車之南面。更前進。有炸穴五。均甚深大。行近旱橋下。有五號鐵甲車一列。第十四迄十六三節全部被炸毀。上有被焚斃之兵士二。其左側之鐵棚車。已被焚毀。火尙未盡熄。臭氣異常。惟旱橋則仍如故。越旱橋而南。路局所屬之扶輪小學校房屋四間。全數炸毀。其側有C字一四號。機車接連客車六輛。一併焚毀。所餘者僅車架及輪盤耳。北浙江路及新民路角貨棧棚。被焚八間。北浙江路與界路轉角。工部局所設鐵門旁之防禦亭。已無敵人或外軍駐守。記者經過斯處時。可安然越過矣。殆進至站台時。則見北面四號月台及台下路軌。均炸毀。南面與界路相近之新屋。爲鐵路辦公處之房屋。及正面候車室。票房。電

報房。站長室。以及管理處等。全樓均被炸焚毀。所餘者僅四面牆壁耳。同時停靠鐵道部辦公處之郵局汽車第一五九八三號及一五六七二號兩輛。全被焚毀。其餘各部份。則尙完整。此爲北火車站之大概情形也。

寶山路虬江路

記者行至寶山路口。因南面北河南路有日兵步哨。以步槍不時射入。故不敢越該路前進。祇得折由虬江路西行。記者途中先後遇我軍排長鄭榭。追擊隊連長陳銘清。等談。我軍死傷甚少。敵軍分三路於廿八日深夜。以鐵甲汽車由虬江路來犯時。彼以爲我軍無準備。乃長驅直入。及爲我伏軍機關槍隊所包圍。三車乃毀。現該鐵甲車尙留於虬江路東首。(記者因寶山路。不能越過。故未見。)迫擊砲於今晨(三十日)始加入作戰。今晨隆隆之聲。皆我軍自開北向敵人進攻之聲音也。

蔡軍長之視察

據七十八師六團三營營長吳履遜語記者。此次我軍所以能致勝者。全因肯犧牲。蓋敵方爲侵犯者。我方爲抵抗者。侵犯者多不肯犧牲。抵抗者如不抵抗。則卽亡國。故大家都置性命於度外。故日軍此次以數飛機投擲炸彈。轟擊我軍陣線。仍絲毫未動。上下級軍官。均能一心一致抵抗。蔡軍長昨(二十九)親來視察。彼以日方請求停戰。故特令我等暫停進攻。候日兵自行撤退。惟日軍開槍。則我仍還擊。日軍如不撤退。我方決再進攻。

沿途被焚情形

記者由虬江路西行視察。見公安局五區二分所全被炸毀。西側儒林里口木料廠。連房屋約百餘間。全被焚成焦土。惟儒林里一二弄及後面總弄。均尙完

好。繼又折回。沿公興路北上。至香山路會文路。湖州會館房屋。一大半毀於砲火。前面榮業里西端。一部份火燒尙未熄。更折回。順中興路直進。由寶通路穿出。至寶山路商務印書館後。見該館全部樓房。均被焚毀。時東北風徐起。紙灰木灰等迎面吹來。幾不能張目。火勢雖經四段救火會施救後。尙有餘燼。時已二點四十分矣。途中跋涉之困難。可想見矣。

焚燒里許之慘

商務印書館工廠全部被焚。惟對面之東方圖書館。則仍完整。無分毫損害。由商務印書館工廠北首。迄自來水亭前。昂首南望。長約里許之市房。均成焦土。淒慘之况。令人不忍目睹。幸有四段救火會隊長陳友生。率有隊員十餘人。自昨晨起。開出救火汽車。出外工作。截至昨日下午三時許。已救畢者。計商務印書館。西寶興路。中興路角之民房。濟生醫院。天吉里。廣昌里。廣吉里等五六處之多。

橫濱橋之戰況

當二十八日夜。日軍分三路進攻。每路均以鐵甲車爲先鋒。寶山路橫濱橋。爲日軍二三兩路側面軍進攻之中心點。故該處形勢。較其他爲險惡。行旅亦甚危險。記者至此。曾爲軍隊所阻止。其後一五六旅五團一營二連連長邱雄明。機關槍連連長綦麟漢二氏。皆粵人。記者以粵語與談。甚洽。因得引導至我軍陣線上參觀。見前面我方軍隊。氣勢甚盛。且有吹口琴爲娛樂者。淒慘境中。忽現娛快聲音。不僅精神爲之大振。側面雖仍時有機槍聲發作。而記者亦不畏懼也。由此更欲前進。則非軍事當局所許。且時已四時有奇。欣然而返。

封鎖吳淞對日 據我軍當局宣稱。吳淞江方面。已爲我軍封鎖。專爲對日而行。中外船隻等。尙可出入。故日軍艦來華。如吳淞江方面不能入口。則內地當不受其壓迫云。

警備司令部宣佈戒嚴 淞滬警備司令戴戟昨發佈告云。爲佈告事。照得暴日藉口馬玉山路事件。迫我取消抗日運動。侮我孰甚。我市政府委曲求全。業於二十八日下午答復。不意日方復於即晚通牒。要求我軍立即撤退。不待答復。又在閘北方面。突然向我攻擊。似此不顧國際公法。破壞和平。我軍警負捍衛國家之責。誓當決死抵抗。以保疆土。茲爲確實維護淞滬治安起見。特於本月二十九日起。在淞滬警備區內。宣佈戒嚴條例。執行職權。除呈報中央。并令知上海市公安局外。合亟佈告。仰各界一體遵照。此佈。計節抄戒嚴條例第九條如左。第九條。戒嚴地域內。司令官有執行左列各款事件之權。因其執行所生之損害。不得請求賠償。一。取締認爲與軍機有妨害之集會結社罷工罷市或新聞雜誌圖書各種印刷品。二。民有物品可供軍需之用者。如應時機之必要。得禁止其輸出。三。檢查私有槍砲彈藥兵器火具及他危險物品。因時機之必要。得押收或沒收之。四。拆閱郵信電報。五。檢查出入船舶及其他物品。或於必要時。得停止水陸之交通。六。監督指導各地民團農團等各團體中有不法行爲。以致礙軍事動作者。得由總司令隨時勒令繳械解散。七。因作戰上不得已之時。得破壞人民之不動產。但應酌量撫恤之。八。接戰地內不論晝夜。如遇必要時。得檢查家宅建築物航行船舶等。

九。寄宿於接戰地區內之人民。因時機之必要。得令其退出。

▲戰地視察紀

軍人愛國士氣奮發

敵雖頑強決難飛越

自上月二十八日晚間。日軍用鐵甲車砲車掩護陸戰隊及便衣隊。突向華界我軍防綫進攻。我軍爲保土衛民。作正當之抵抗後。二十八。二十九。兩晚。日軍大隊。數次向華界衝鋒。均被我十九路軍擊退。敵軍損失甚鉅。我軍大佔優勝。惟日軍當敗退時。舉火焚燬民房。以及飛機投擲炸彈。地方上之損失。實不堪言狀。本報記者。因欲詳悉此次戰況及地方損失之實際情形。特於昨日上午。應我軍當局之邀。親往閘北最前線實地視察一過。當記者正在前線視察時。敵軍頻頻以機槍射擊。似覺十分危險。但我砲所築之防禦工事。非常嚴密。而又蒙七十八副師長譚啓秀及吳營之引導。亦安然無恙也。茲將記者目觀情形。擇可以發表者。分別紀述如下。

警戒線外之擁擠

記者與譚副師長會晤後。於上午十一時。共乘汽車由中山路

方面。沿交通路直向東北前進。至大統路折向南行。但行人及人力車擁擠不堪。雖有巡警指揮。但汽車萬難通過。祇得退至交通路向東。經王家宅。直赴中興路。至中興大戲院東首。即有我軍之防禦工事。下車後。譚師長即對記者謂。前面係警戒區域。前進即須注意敵軍之流彈。詢余欲前進否。余答。頗欲前往一觀。當由譚師長致防守該處之

連長。引導前進。

日軍頻頻射機槍

余等越過防線後。由寶昌路折向南行。經過濂溪里口。有一小孩屍體。無人收埋。見狀殊為痛心。寶昌路盡頭係寶山路。我軍在該處築有堅固之防線。出此防線卽至寶山路。所有寶山路東面房屋。自商務書館起至虬江路止。盡成焦土。而該處前面。卽爲我方之最前防線。據某連長云。敵人卽在淞滬鐵路以東大德里。虬江路東段一帶。匿樓房內。時時用機槍向我方射擊。言時余等正由寶山路向南緩步前進。將進鴻興路口時。東面槍聲突然發放。子彈到着之處。歷歷可數。連長又云。余等恐已被其窺見矣。余等卽速向北後退。至商務書館門前。昔日之高樓大廈。今則僅見殘餘之焦牆頽垣矣。本擬由寶山路再向北行。因聞北首天通庵方面。槍聲甚密。同時又因商務書館總廠對面之東方圖書館。正焚燒最烈之際。於是從譚師長之主張。轉入寶通路。再由中興路朝北轉入寶興路。因前面卽係天通庵車站。而敵軍亦在該東首架設機關槍。從事射擊。余等遂蹲伏防線內窺探約二十分鐘。祇聞槍聲起自東北方面。但不見敵軍之形影。我方士兵均在防線內看守。並不還擊。譚師長答。我方尊重三日停戰之信約。故蔡軍長下令暫停還槍。余又詢如敵軍衝來亦不還槍乎。譚師長答稱。如敵軍衝來。當然射擊。

青雲路形勢嚴重

余等復由天通庵路向西至嚴家閣路。向東北方向進行。適遇第二營吳營長。向譚師長報告前線情形後。並再至天通巷路北段小河旁防線視察十餘分

鐘。譚師長因軍務紛繁。不克久延。乃介紹吳營長引導余等往青雲路同濟路一帶之最前線視察。吳營長引余等至嚴家閣路與同濟路接壤處。北首係江灣路。余等行至小木橋南塊時。敵方機關槍聲。發放甚烈。而附近之牆壁上滿着彈痕。吳營長囑余等暫在南塊民房內稍等。待渠至最前線視察敵方情形後。再定前進與否。吳條然去。越橋至最前線。約十分鐘返。並引余等往。過橋。至第二防綫內窺視。敵軍仍在頻頻射擊。我方兵士始終置不理。亦不見敵方其他行動。吳謂。此處離敵軍散兵線。僅隔三十米突。故此處之形勢最為嚴重。退回橋南。復導余等登樓。天通菴車站即在目前。而敵軍之機關槍。亦即設在鐵路東首屋頂上。日本陸戰隊司令部。亦明白可見。把守機關槍之日軍兩名。時時用望遠鏡向我方瞭望。下樓。沿小河。至青雲路。在光明玻璃廠門前。有陣亡兵士之棺木七八具。北面青雲橋業已燒斷。橋南均係我軍防線。西面至江灣路沿鐵路。亦均在我軍防線內。余等至此。已下午二時有餘。遂與吳營長握手。表示慶祝勝利。並承另派衛士一名。護送警戒線以外。登車回館。

我軍精神百倍

駐防前線之我軍士兵。自與敵軍抵抗以來。為時已有四晝夜。

不但無懈怡狀。且個個精神百倍。各下級軍官。無不奮勇堅毅。在場指揮一切。對於後方之民衆。親熱衛護。無微不至。故在警戒線以外各處。往來行人。毫無驚慌狀。

東方圖書館起火

記者於上午十一時行抵中興路時。即見東方圖書館著火甚烈

。詢諸士兵。據云。該館左近有煤炭店。因日前總廠被焚之餘火未熄。至今晨（一日）

七時左右。煤炭店忽然起火。無法灌救。以致延及東方圖書館云云。至下午一時餘。始有聞北救火會之救火車一輛。到場灌救。始獲保全。

警察大隊之戰績

市公安局警察大隊第六中隊。於上月二十八夜十一時五分。由區隊胡鳴平率領長響十餘名。担任天通巷路同濟路口。與敵抗戰。衝鋒數次。傷警士數名。當時擊壞敵軍鐵甲車二輛。是夜日飛機三架。在空中拋擲炸彈。傷警士腿部。無大礙。翌日（二十九日）下午一時。幸經十九路軍隊之機關槍增援。故日兵無法衝破我陣地。受傷之警士八名。姓名如次。龐香五。張廷棟。張九江。郭景元。劉仁選。趙煜川。周得權。譚漢廷。內以劉趙兩警傷勢最重。

▲外報之戰區觀察

戰區實地觀察

字林報云。昨（十二）日上午八時至十二時間。記者往張華浜

以北一帶實地視察。見吳淞全鎮。蕩為瓦礫。同濟大學內亦有三大廈毀於砲火。無可修復。其餘教職房屋九所中。現八所為兵士駐守。該校教職員昨日午前曾往取出珍貴儀器若干。惟吳淞並未在停戰區域。記者周覽鎮內。兵燹各處時。鎗聲未絕。嗣以砲火太猛。安全可虞。擬取道往砲台飯店。乃子彈直向記者飛來。不得已遂急離戰區而歸。目下吳淞一鎮。已為砲彈與大火燬去大半。由市鎮往砲台之大道中。亦復斷垣殘壁。遍地瓦礫。行人須攀越而過。公私房屋。其倖存者。莫不彈孔纍纍。有若蜂巢。沿江大道。則有駐兵堆積沙袋及防禦物。在彼扼守。就記者所確知者。此時吳淞砲台。仍在中國軍隊

之守。屹然無恙。而砲台飯店旗竿上亦仍有英國旗懸掛。同濟校舍損害最甚。大砲彈橫貫解剖室。所過處無不摧毀。卽窗戶亦罕有存者。其儀器及記錄之損失。無價可估。工程館與科學館亦損壞殊甚。又有一飛機所擲炸彈。爆發於校內曠場中央。某教授至其藏書室。目擊珍貴書籍與價值五千餘元之儀器破殘不堪。竟爲之垂淚。其寓所在數百碼外。亦爲另一砲彈所掘。此次在劫灰中所檢得者。祇足供其重起爐竈之資而已。當諸西人離校後。校役扃門時。德國旗固猶招颺旗桿之上、自瀏河至吳淞一帶。記者昨日沿途所見。中國兵士已不若四日前之衆。大約皆隱藏於可以障身地方。卽所見兵士。亦多在工作，絕少空閒者。因此記者可獲見數百碼新掘之新式壕溝。僅距真茹路七哩內。有橋四座。皆見有兵士多人駐守。至於曠野地方。絕少兵士蹤跡。橋端除安設機關槍外。兵士手中有攜自働來復槍。及手霰彈者。亦有攜米爾式炸彈者。其他兵士防守地方。則外面皆以他物掩飾。絕不易爲人覺察。大路之外。亦可在遠處見有同樣壕溝。惟中國軍隊似恃河浜池澤天險扼守。未曾再以人力設法鞏固此天然防禦物。蓋其地易扼守。無論何種軍隊。欲圖進佔。必將受重大損失也。

▲吳淞視察記

方振武貢獻意見

吳代表叩頭流涕

蘊藻浜劇戰真相

我戰壕構築堅固

自暴日增兵二萬人抵滬後。各方均相信此數日內當有劇戰。而劇戰之焦點。將在吳淞之得失。某記者以吳淞勝負。其直接關於滬局之成敗。及國家之命運者至鉅。故於十五日上午。偕同中委方振武。及救國軍司令張子廉。上海各團體救國聯合會代表吳邁。等。驅車前往視察。車過真茹。見空中共有日機三架。往來偵察。經我方軍士發高射砲轟擊。其第三架即應聲降墜如落葉狀。旋復向西一直飛去。蓋敵機既發覺我方已發砲射擊。遂詐爲中彈。直墮至安全線。始開足速力馳去也。然日機以後。遂不敢復戀真茹之晴空矣。記者車近吳淞時。空中亦有日機二架。盤旋記者車上。斜過時。則以機關槍射下。如是凡三四次。幸未射中。比入前綫指揮部。則翁將軍方手按地圖。以紅鉛筆在圖上作記。

方振武慷慨陳詞

方氏既見翁將軍。具致欽佩之忱已。遂陳述其守吳淞之意見。

方氏前在濟南時。嘗爲抗日健將。屢挫日軍。對此次暴日侵凌。憤慨異常。輒以未得參加前綫作戰爲恨。方氏略謂。敵攻吳淞。利在速得。我保吳淞。利在緩戰。構築新式強固工事。貯備充分給養糧倉。皆爲必要之務。敵兵屢戰屢挫。再挫則其態度將隨之而軟化矣。隨後方氏又與翁將軍略論兵力配置之輕重。反攻守取捨之要點等等。

吳律師叩頭流涕

吳邁律師代表上海各團體救國聯合會。向翁將軍致慰勞之誠意。並謂。全滬民衆。決與十九路軍共生死。翁將軍旋對在座諸人發言。謂鄙人奉命死守吳淞。至死不讓日兵侵佔。鄙人昨日已令所部將士。咸抱必死決心。以盡軍人守土之

天職。並謂我人苟不各殺一日人而後死者。死將不瞑其目。翁將軍言時。態度莊嚴。而悲憤溢於言表。吳邁律師大為感動。突趨至翁將軍面前。屈膝叩頭者再。謂代表全國四萬萬同胞。向翁將軍致敬意。並祝將軍勝利。言時聲淚俱下。翁將軍急急扶之起。雙眸亦充溢熱淚也。

十三日劇戰真相

十三日蘆藻浜之戰。爲開戰以來之最烈者。記者曾向在座某參謀詢劇戰之真相。據云。十三日晨八時許。敵藉烟幕。在曹家渡方面偷渡者約二三千人。我軍發覺後。卽派隊迎戰。幸發覺尙早。敵不及構築陣地。自九時戰至下午四時許。我軍繼續作猛烈之衝鋒。敵雖勢漸不支。然敵方之機關槍甚衆。頑強抵抗。使我方頗蒙損失。營長李榮照陣亡。(記者按李營長爲粵之台山人。畢業於日本陸軍士官學校。平時爲人和藹。而練兵極嚴。在江西剿赤時。頗著戰功。今不幸爲國殞軀。李君爲記者摯友。握筆書此。不覺涕泗之滂沱也。)惟敵方損失亦鉅。末後竟勉強招架而已。是夜。張炎副師長率部兩營。以手榴彈往襲日軍宿營地。砲聲一起。敵軍卽亂竄潰散。毫無抵抗力量。惟恨當時蘆藻浜適值潮退。水僅及膝。致一部份潰散之日兵。得以涉水而逃。不獲盡數殲滅。至爲可惜。然此役而後。日兵對華兵。已懾伏如鼠矣。

昨晨敵軍又攻擊

昨晨(十四日)近六時。日兵又以大砲向我軍陣地猛攻。砲火異常劇烈。六時半。敵機六架亦出助戰。四處拋擲炸彈。惟以未能命中之故。損害極少。我軍知日軍自十三日大敗後。一時尙無力大舉來犯。其猛烈之砲火。殆僅爲示威而

已。故未加以還擊。至九時許。砲聲即停止。惟空中仍有二三日機。猶在作無聊之表演而已。

戰壕構築極完備

談話時。日機仍在空中盤旋。並擲彈三枚。隆隆發巨響。聞日機見人衆稍多時。則擲炸彈。拋擲之數既多。遂不能無偶中者耳。以之毀我民舍則有餘。以之攻擊我軍則不足。近則且連威嚇之力亦大減煞。見民舍既已燬無可燬。不復爲慮。軍隊則持之以靜。毫不張皇故也。記者偕方張吳諸君。步至第三道線戰壕視察。見其構築之完備。不勝快慰。方氏猶稱讚不置。謂此種戰壕。即經日軍砲彈一度炸燬。尙可用也。壕中士兵。俱精神煥發。一若勝利非我莫屬者然。翁將軍言我軍士兵此次作戰。無不爭先恐後。真難得也。

第二十二章 日軍人之暴行

▲我同胞遭屠殺

日人凶殘至此

是人類之公敵

死屍十三具

日前有居民張朱氏。許王氏。等聲稱。家住檳榔路十間房。因恐戰

事發生。在屋內討論掘地窖避險。因聲音宏大。被門外日兵所聞。即扣門而入。捕去伊夫等多人。未見放出。旋由六區勞勃生路派出所在蘇州河浜北日華紗廠對面河邊發現男

屍十三具。無不滿身刀傷。當由張朱氏等屬認去九人。其他四具。尙未有人認領。計(一)郭正有。二十八歲。清江人。紗廠業。住檳榔路十間頭三七二號。(二)沈長安。年三十二歲。阜甯人。水泥匠。住同上。(三)丁麥堂。年二十四歲。泰州人。皮匠業。住十間頭三七〇號。(四)張錦堂。年三十二歲。阜甯人。魚業。住十間頭一〇八號。(五)王懷雨。年四十歲。阜甯人。烟紙業。住十間頭三五八號。(六)許爲義。年三十二歲。阜甯人。黃包車業。住十間頭一六八號。(七)崔炳裕。三十九歲。阜甯人。魚業。住十間頭一〇八號。(八)潘正金。年二十一歲。淮城人。鐵工業。住十間頭三六二號。(九)王鳳才。年三十六歲。阜甯人。住十間頭平房。(十)(十一)(十二)(十三)無人知其姓名。

刺死三女工

楊樹浦申新第七廠女工三人。昨日下午四時許。行經平涼路格蘭路底日軍防線。被日兵不問情由。用力刺死。並將屍首及所携之麥粉數袋。一併曳去。

拘華人猛戳

四日下午。黃浦碼頭岸上。有華人十餘人。被日兵捉往靠岸之日軍艦中。稍一抵抗。卽遭日兵用刺刀猛戳。當時負傷者甚多。其中並有孩童數人。

擊殺兩夫婦

東體育會路持志中學對面江灣路開設小米店之楊潤甫家。三日午後。因謝年祭祖。於焚化錫錠時。突有日兵衝入。楊夫婦二人均遭擊斃。爲狀極慘。

拘去十一人

虹口沈家灣嘉興路口。有華人十一名。被日軍拘去。

陶阿銀中彈

閘北洪興路三號甬人陶阿銀。年四十六歲。四日下午三時許。在門

口閉立。不意一流彈飛來。射傷左肩。後由紅十字會救護車車送仁濟醫院療治。

日兵大屠殺 虹口漢璧禮路三角小菜場五鳳臺茶樓主馮春發。馮阿二。兄弟及夥友等十餘人。於十三日夜半。被日兵拘至司令部後。迄無下落消息。昨據被拘釋出之一小販云。曾見該日司令部內共押有華人一百四五十名。大都已被日兵刀洞胸腹而死。將尸裝入蔴袋車中而去。馮氏兄弟等。均已遭害身死。

日兵燬屍滅跡 據目擊者談。日軍進攻以來。聞北方面粵胞組織便衣隊。時予日軍以重大打擊。故日軍甚仇視中山裝者。每拘中山裝人認爲粵籍。拘入東洋花園。即行殺戮。尸即裝入洋麪袋中。而日軍之死者亦裝入袋中。加以標幟。運匯山碼頭後。日屍則載入輪中。華人尸屍則拋入江底。東洋花園以內。血跡遍地。可見日軍之慘酷矣。

▲日軍殘暴行爲

我同胞遭害之悲慘

人類公敵天理難容

人間之活地獄

北四川路儉德公寓。前數日爲日本浪人子女避難之所。我同胞在

附近被執者。多送至公寓中。細以繩。背壁立。然後授小賊等以利刃。令向我同胞拋去。以爲遊戲。謂爲練習瞄準。並以壯小賊輩之膽。如詢被獲者爲粵人。則以刀尖在我同胞面部刺以「廣東」二字。我同胞被獲者。多爲刺死。如不死者。則將其頭顱割下。現儉德公寓花盆架中。我同胞之頭顱纍纍。似此慘無人道之獸行。實天理所不容也。以上

爲逃難歸者所口述。蓋其昔日曾傭於日人家。略懂賊語。故能免於難。

慘哉家破人亡

有營藥材業生意之甯波人某甲。今年二十五歲。其眷屬所住地點。在開北寶山路。適當戰區目的地。甲於本月二日隻身返開北探望其家。得悉全家人口。盡死非命。因而神經感受刺激。頓發癡癲。罔知適從。於是日下午。至黃浦灘招商金利源十三號碼頭投浦自盡。當由附近舟子見而趕上。設法救起。因身上所穿衣服。內外濕透。身體抖縮不堪。卽送至停泊八號碼頭長江班江順輪船鍋爐間內烘救。向詢姓名。年歲。職業。住址。與所執業店號。以備救濟。奈甲因神經已失知覺。祇回答年歲。職業。其餘所言。皆答非所問。旋竟撲上燒紅之鐵板。致週身燙傷。當時經人拖下。尙以爲傷無大礙。仍任其睡臥船上鍋爐間傍。終因火毒攻心。延至六日下午二時身死。似某甲在一家數口。全死於暴日殘酷手段之下。可勝浩嘆。

殺廠工二十二人

滬西曹家渡豐田紗廠工人。因廢歷年底。乃向廠方要求發給工資。詎爲駐廠之日陸戰隊所毆擊。發生爭吵。有工房中之江北人。因呼喊而被陸戰隊捕去男女十三人。均被毆死。計男九女四。旋陸戰隊調去。而廠方乃報告我國六區警署。遂命地保王松生報地方法院檢驗。嗣由沈檢察官等蒞場。驗得該屍等或係槍殺。或係刀斃。情形甚慘。當命地保如無家屬。則由善堂給棺收殮。

日兵槍擊難婦

據新由開北姚家宅川公路逃出難民姚崔氏語國民社記者云。其夫姚根生。本地人業水門汀工。三日下午三時。日軍用大砲轟擊。頃刻房屋起火延燒。

姚崔氏隻身携兩男孩向北逃。適被日兵瞥見。開槍中婦右足。彈自前膝下打進。由足灣穿出。頓時血流如注。痛不能動。其七歲男孩隨此衝散。祇忍痛手懷嬰孩。再逃至寶興路火燒場旁。露宿五晝夜。粒米未進。(八日)下午三時。始由中國紅十字會救護車送西藏路時疫醫院療治。語時放聲大哭。

▲日機殘毒可恨

災民收容所落下大炸彈

萬餘災民死傷逃亡一空

日機拋擲炸彈。毀我房舍。斃我平民。滬變以還。日有所聞。頃復探悉閩北邊境之上海市災民收容所。亦竟有日機之炸彈落下。可憐萬餘災民。橫遭浩劫。驚逃駭死。慘不堪聞。茲錄拋擲炸彈後之詳細報告書如下。

朱將軍(子喬)慈鑒。日本海陸軍攻擊上海之後。職等自一月三十日起。曾每日前往閩北邊境水災災民收容所視察。至二月七日。日本飛機第三次向收容所拋擲炸彈。最後遺留之災民。盡數救出。茲將經過事實臚陳。敬祈鑒察。(一)日本攻擊上海以前收容所狀況。(根據一月二十六日之報告表)一。第一收容所之災民人數七四四三。(成人男二五四八。女二二二二。兒童男一六一三。女一〇六〇。)二。第二收容所之災民人數一〇二七。(成人男四〇五。女三二〇。兒童男一七八。女一二四。)三。收容所鄰近臨時災民居留處人數一九二九。總計以上災民。人數一〇三九九。收容所職員人數計共

四九人。(二)日本攻擊上海後第二日。(一月三十日)一。災民逃亡者約二千人。尚有八千人留收容所食宿。二。國府救濟水災委員會。及上海市收容災民委員會派陳君文奎等至收容所視察。三。臨時救濟會送來麪包食品一車散放。(三)日本飛機於二月五日擲炸彈收容所。一。日本飛機於是日午間擲下大炸彈二枚。二。一婦人同一男孩當場炸斃。四人受重傷。三。有些患病災民。因驚駭致死。四。多數災民不顧飢寒危險。四散逃命。五。在收容所遺留之災民。爲數不過數百。大多老弱患病者，因恐逃出亦不免餓死也。六。職員僅極少數。尙留收容所。(四)日本飛機第二次彈炸災民收容所。一。職員已盡離收容所。二。蔗製之收容所。被炸壞數處。但幸未被焚。(三)收容所內有炸彈轟炸之大坑二。其一深約七尺。徑約二十餘尺。四。在收容所覓見死亡災民四十八具。多數皆係醫室之患病災民。當由杜紹彭與王子元二君監督。掩埋於收容所鄰近之空地內。五。餘剩災民載送至公共租界二卡車。(五)日本飛機二月七日之拋擲炸彈。與災民收容所之最後運命。一。二月七日下午。再至災民收容所各處覓查。所得先一日遺剩待救之災民。不及二十人。二。此餘數災民。當即運回。而災民收容所因以空虛。三。在下午三點鐘時。吾人將離收容所之時。目見日本飛機之來。及擲炸彈。將災民收容所鄰近之民房炸壞。報告人杜延年。陳文奎。江尙青。季元。

●第二十三章 各界之慰勞

▲各界致慰勞品不絕

慰勞將士爭先恐後 自十九路軍抗日作戰後。本市各界紛紛捐助現金物品慰勞。茲悉市商會慰勞將士徵收現金物品。計「第二辦事處」(在三馬路晝錦里棉布業同業公會內)收到餅乾饅頭麪包牛肉罐頭筍醬菜香煙水果等無數。并有千里鏡手電筒跑鞋熱水袋藥棉紗布及人丹各種藥品。幾如山積。可見我國人心向未死也。

慰勞物品分車運送 上海市商會徵集慰勞將士物品第一辦事處。第一日計收現金八萬零八百二十三元零三分。第二日因值星期日。且另設第二第三兩辦事處。故二十日收到現金僅一萬六千零六十三元七角七分。其他犒軍物品。由三十一日上午九時起。已用大號搬場汽車分七次連往十九軍司令部。

▲各方熱烈慰勞

國內各團體踴躍捐款

自我十九路軍迭獲勝利後。各方捐助餉精物品極為踴躍。昨日國內外團體私人捐助者。分誌如下。(一)爪哇公局匯來一萬元。(二)申報館史量才交來捐款一萬元。(三)澳門銀業同福堂五千元。(四)金門會館一千五百元。(五)陳延謙先生二千元。(六)小呂宋華僑救國委員會一萬元。(七)香港足頭行一萬零二百元。(八)時事新報汪禹丞先生交來五百元。(九)普益商會六千元。(十)上海市棉花業同業公會一千五百二十元。(十一)金山華人會一千二百零三兩。以上共計大洋六萬三千七百二十元。又銀一千二百零三兩。

金宗城贈汽車

金宗城捐助韋勃脫汽車一輛。馬忠常熱水瓶二十八只。白漆油三罐。某君套鞋三十三雙。及各方捐助現金。委託救濟機關代辦者亦不少。并聞司令部中人言。熱水壺極爲需要。希望熱心人士捐助。

蘇甲榮捐贈地圖

蘇君鑑於我軍作戰。需要地圖。遂將應用地圖多幅。送十九路軍參考。該軍以此項地圖。甚合使用。特於昨日專函派員再取多份。分發各部隊。

郁葆青慨助軍餉

滬市公民郁葆青。因感我十九路軍奮勇抗敵。特由私人自動捐出國幣三百元。聊助該路前方軍餉。由王子彬。成龍驥。等持款直向龍華謹記路陸軍辦事處交款。

尙義團募款慰勞

本團由王國秀。王國新。謝文秋。邱貞譎。陸慎儀。彭望基。夏肖梅。劉蓉士。凌其詩。周粹英。胡六英。諸女士發起。原爲慰助東北義勇軍。現因上戰事正當緊急之時。議定即日開始工作。分道募款。

通易信託同人捐五百元

上海通易信託公司全體同人。合捐前敵將士慰勞金洋五百元。

電車老廠工人勞軍

本埠上海電車公司赫德路老廠工人如賣票。開車。等華職工。昨日(四日)慨捐工資。酬集現金三百元。送往慰勞第十九路軍收款處彙交。分發犒勞該軍抗敵各將士。

造船工友捐款慰勞

本市第四區造船業產業公會。鑑於暴日逞強侵滬。幸賴我

十九路軍奮勇殺賊。守土有方。特發起募捐。已向英商瑞鎔鐵廠工友捐得大洋一百十元。(第一次一部份)。已繳交甯波旅滬同鄉會經濟組轉解前方。

呢絨工廠業籌備慰勞

上海市中國呢絨工廠業同業公會。由常務委員顧九如。

黃錦揚。等發起籌備前敵將士。現正分頭徵集現金物品。隨時送往前敵慰勞作戰將士。

華達藥行慰勞傷兵

華達藥行經理曹夢魚君。為慰勞戰士起見。特致贈獅刀牌

牛肉汁鷄汁二百二十瓶。送由新藥公會轉後方醫院。按此兩項補劑。極其名貴。每瓶須售洋兩元。當歐戰時。德軍即以此兩物代替乾餒。軍士在戰壕中服之。精神百倍。不唯傷兵能賴以速愈其創云。

▲慰勞始終不懈

孫科夫人昨慰勞十九路

中委孫科夫人陳淑英女士。昨日下午。偕陳友仁夫

人。梁寒操夫人。由陳君樸氏。伴同赴真茹。慰勞十九路軍。當由軍長蔡廷楷。司令戴戟。等親自招待。孫夫人除贈送軍用水囊二千個外。並親送上等香煙十四打。陳友仁夫人送會甜橘三十籮。當請蔡軍長代為分送各長官。

孔祥熙夫人贈棉被背心

孔祥熙夫人宋女士。於昨捐贈棉被四百二十件。背

心二千件。送交駐滬辦事處轉送前方將士應用。

張嘯林夫人慰勞傷兵

張嘯林夫人。於昨前兩日獨自捐資親往海格路紅十字會

總醫院及新開路西藏路各分醫院慰勞傷兵。每名各送現洋二元。代替慰勞物品。

孫傳芳慰勞千元 申報館轉蔣總指揮。蔡軍長。戴司令。勳鑒。暴日無道。狃於瀋吉之役。進犯滬市。若再不抗拒。無以立國於今之世矣。公等本哀痛之懷。具剛毅之氣。奮然以武力自衛漢族人格。國家生存。胥有賴焉。謹奉千元。略表敬意。並為戰士慰勞。伏希惠納。孫傳芳叩歌。

防毒瓦斯面具五萬件

航空新聞社消息。日寇一再慘敗。有用毒瓦斯作最後之進攻消息。本埠洋行華員抗日救國會。特於昨日趕製五萬具防禦面具。運送前方應用云。

菲律賓華僑匯款

新開河美記匯劃莊。昨接菲律賓宿務地方民生公司匯來上海規元五千五百兩。該莊已轉送十九路軍。

地方維持會慰勞傷兵

上海市民地方維持會。於十三日派虞洽卿。朱子橋。王曉籟。張嘯林。顏德慶。郭順。郭樂。馮炳南。楊習賢。九君。到真茹。當由京滬衛戍司令長官公署副官處長兼十九路軍總指揮部交通處長唐燭甫接待。陪往各醫院分發慰勞金。

銀行公會轉送十九萬元

國聞社云記者訪銀行公會林康侯氏云。銀行公會設立之市商會第一慰勞徵收處。迄今已收到十九萬元左右。業交市商會轉撥前方。記者則叩以上海銀行界。每月供給十九路軍軍餉十九萬元之事。林答以完全不確。蓋所謂十九萬元者。即上述之慰勞金也云云。

捐助絲棉背心者日多

連日各界對於前敵將士。冒寒苦戰。極為關懷。紛紛製備絲棉背心。送由各團體轉送前方應用。聞市政府各局聯合辦事處。亦收到是項軍用背心。達一百八十二件。業經該處送交十九軍轉發前敵將士應用。

郵務工會贈糖菓餅乾

上海郵務工會職工會。以十九路軍忠勇衛國。特備糖菓餅乾等五百袋。派代表分贈各醫院傷兵。表示慰勞。

市商會收到慰勞品

市商會徵集慰勞物品辦事處。收到各件如下。二月十四日總辦事處（西藏路甯波同鄉會內。）第二分辦事處（三馬路畫錦里棉布業公會內。）及第二分辦事處（甯波路羣益坊七號礦灰廠業公會內。）共收到大洋五千四百零四元。小洋廿二角。銅元廿九枚。絲棉背心二百九件。用具一千三百四十六件。藥品一百件。

張繼夫人電匯二千元

張繼夫人崔震華女士。為慰勞衛國禦侮之受傷武裝同志。特由北平電匯大洋二千元。交淞滬警備司令部蔣參議收轉。代為慰勞受傷士卒。

第二十四章 各界重要文電

▲軍事長官之通電

蔣光鼐蔡廷楷戴戟昨發通電云。特急。中央黨部。國民政府。各院部會。京滬衛戍司令長官。各級黨部。政府。各軍師旅團長。各報館。全國國民公鑒。暴日佔我東三省。版圖變色。國族垂亡。最近更在上海殺人放火。浪人四出。極世界卑劣兇暴之舉動。無

所不至。而砲艦紛來。陸戰隊全數登岸。竟於二十八夜十二時。在上海開北公然侵我防線。向我開釁。光鼐等分屬軍人。惟知正當防衛。捍患守土。是其天職。尺地寸草。不能放棄。爲救國保種抵抗。雖犧牲至一卒一彈。絕不退縮。以喪失中華民國軍人之人格。此心此志。質天日而昭世界。炎黃祖宗。在天之靈。實式憑之。十九路總指揮蔣光鼐。十九路軍軍長蔡廷楷。淞滬警備司令戴戟。叩。豔子印。

▲孫科等聯名電汪蔣

留滬中委孫科等十一人。昨聯名電汪蔣。請抽調勁旅來滬應援。并請設法接濟十九路軍餉糈。原電照錄如下。南京汪精衛先生。蔣介石先生。鑒。并分轉中央諸同志均鑒。公密。日人橫暴至此。軍民憤激。誓死抵抗。昨夜至今午。戰事劇烈。我軍士氣百倍。迭獲勝利。政府此時。當抱甯爲玉碎毋爲瓦全之決心。以報國家。以謝民衆。同人在滬見聞至切。公決應請中央即令近畿各軍。抽調勁旅來滬應援。并極力設法接濟十九路軍軍實餉糈。特電奉達。敬祈鑒察。并盼電復。孫科。李宗仁。劉蘆隱。李文範。程潛。張發奎。陳友仁。馬超俊。傅汝霖。陳慶雲。梁寒操。

▲孫科等致各團體電

孫科等昨日通電云。此次日人在滬暴動。焚燒三友工廠。肆行挑釁。復致最後通牒於上海市政府。以解散我國民衆抗日救國團體爲要脅條件。其強橫無理。凡我國民。已忍無可忍。乃政府向持消極無抵抗政策。竟猶低首下心。完全承認其要求。以爲如此柔順

。即可免禍。豈知日人野心。得寸進尺。久成慣技。我愈示弱。彼愈強橫。我愈退縮。被愈進迫。無抵抗之結果。必召亡國之痛。同人等早經慮及。歷有宣言。想荷鑒察。昨夜日本軍隊果於接到上海市政府完全屈服之覆牒以後。竟進而要求我地方長官。撤退開北駐軍。隨即襲擊開北。且縱其居留民。放火焚毀商務印書館。種種掠奪侵凌之事實。不一而足。幸我十九路軍士衛戍淞滬。誓盡其守土之責。決死抵抗。自昨至今。我軍以哀憤逾恆。士氣百倍。擊機敵機四架。奪獲鐵甲車三輛。現猶在劇戰中。滬上民衆全體罷市。亦咸憤不欲生。誓死禦侮。當此國家危急存亡之秋。惟賴我國全體國民。抱甯爲玉碎。不爲瓦全之決心。與敵週旋。庶能爲國家爭人格。爲民族謀生存。否則坐而待亡。國家民族。必將陷於萬劫不復之境。同人等心所謂危。義難緘默。除電請政府及京滬附近軍隊。火速應援外。並懇我全國民衆軍隊。一致猛醒。準備抵抗。同赴國難。是所禱企。臨電痛憤。諸希諒察。孫科。李宗仁。陳友仁。馬超俊。張發奎。程潛。薛篤弼。陳慶雲。劉蘆隱。梁寒操。傅汝霖。方振武。李文範。黃季德。何世楨。孫鏡亞。熊克武。白崇禧。

▲國府遷都洛陽宣言

國民政府二十日發表宣言。移駐洛陽辦公。原文如次。

自日本以武力侵佔東北以來。政府一面遵重華盛頓九國條約國聯盟約凱洛格非戰公約之精神。雖覺自彼啓。仍堅持忍耐。以候簽約各國之主持公理。一面嚴飭軍警。應以全力捍衛地方。保障人民生命自由財產之安全。苦心維護。於茲數月。而日本進逼不已。

最近竟以大批戰艦駛至上海。並輸送陸空各車。藉口市民抗日舉動。以使用暴力。橫加恫嚇。夫人民組織團體。以急國難而禦外侮。本出於愛國之熱誠。苟無越軌行動。政府無從加以干涉。惟政府爲避免戰禍計。已不恤一再遷就日本之要求。始則對於民衆抗日之言論各種民衆團體。自動取消抗日名義。以杜強鄰之藉口。本月二十八午後一時四十五分。上海市政府對於日本駐滬領事之要求。已予以日領自身亦認滿意之答復。而同晚十一時二十分。日本第一外遣艦隊司令官忽來通告。迫我上海駐軍讓出防地。俾其佔領。軍隊有守土之責。詎能應其所求。日本軍隊遂即向我軍進攻。竟使上海繁盛市面。罹於兵燹。且使用無限制之飛機轟炸政策。平民生命財產。慘受荼毒。數量之巨。無可估計。同時首都及長江上下游各重要市鎮。亦有日本軍艦到處挑釁。夫日本所以繼續使用此等暴力政策。且進而愈厲。其用心不過欲威脅我政府。使屈服於喪權辱國條件之下。政府受國民付託之重。惟知保持國家人格。尊重國際信義。決非威武所能屈。惟有堅持原定方針。一面督勵軍警從事自衛。決不以尺寸土地授人。一面仍運用外交方法。要求各國履行其條約上之責任。日本此次濫啓兵端。破壞和平。不但中國領土主權遭其損害。舉凡華盛頓九國條約國聯盟約凱洛非戰公約亦爲之毀棄無餘。政府深信中國對於此等暴行有正當防衛之權利與義務。同時深信各國爲維持世界和平及國際信義。亦必不能坐視。茲者政府爲完全自由行使職權不受暴力脅迫起見。已決定移駐洛陽辦公。望我各省區行政長官及軍隊長官。同心協力。各盡所職。以靖地方。而安人民。尤望我全國民衆

。以勇毅沈着之精神。共赴國難。勿囂張。勿畏蕙。務使暴力無所施。正義得以申。國家安危。悉繫於此。願共勉之。國民政府主席林森。行政院長汪兆銘。（三十日專電。

▲前司令蔣中正通電

抱玉碎之決心

與暴日相周旋

前陸海空軍總司令蔣中正。以滬案發生。倭寇日亟。非全國一致。共起禦侮。不足以挽救危亡。特於三十日。以在野之身。致電全國將士。淬厲奮發。以救危亡。原電如下。限即刻到各總指揮各軍官學校師生諸同志均鑒。東北事變。肇始迄今。中央為避免戰禍。保全國脈起見。故不惜忍辱負重。保持和平。期以公理與正義。促倭寇之覺悟。不意我愈忍讓。彼愈蠻橫。滬案發生。對渠要求。且已茹痛接受。而倭寇仍悍然相逼。一再向我上海防軍突擊。轟炸民房。擲彈衢市。同胞慘遭蹂躪。國亡即在目前。凡有血氣。寧能再忍。我十九路軍將士。既起而為忠勇之自衛。我全軍革命將士。處此國亡種滅患迫燃眉之時。皆應為國家爭人格。為民族求生存。為革命盡責。抱甯為玉碎毋為瓦全之決心。與此破壞和平蔑棄信義之暴日相周旋。中正與諸同志。久共患難。今身雖在野。猶願與諸將士誓同生死。盡我天職。特本血誠。先行電告。務各淬厲奮發。敵愾同仇。勿作虛浮之豪氣。保持犧牲之精神。枕戈待命。以救危亡。黨國幸甚。蔣中正印。（三十日專社電）

▲羅文幹對日宣言

決盡力之所及

從事正當防衛

羅外長二十日發表宣言如下。當茲中華民國歷史上困難最嚴重之時期。鄙人爲責任心所驅使。遂不得不勉應國家之急。以服務於外部。查自去歲九月日軍侵佔瀋陽及東省之其他各地後。形勢日難忍耐。現在日本軍隊復又攻擊上海。情形尤更緊張。蓋不惟國際間之利益發生危險。即我首都之安全。亦頓受威脅。日本方面現已連續實施其種種暴行與侵略。中國方面則對於反對侵略及以戰爭爲國家政策之國聯規約非戰公約及九國公約。仍行繼續遵守。中國政府現已決定。此後日本軍隊對於中國領土。如復更有攻擊。則必盡其能力之所及。從事正當防衛。須知自衛自保。乃各國應享之權利。無論在何情勢下。固不能希望其放棄者也。中國人民極願與一切以平等相互原則待我之各國人民。維持並增進其友誼。今若中日兩國人民間之友誼維持發生障礙。則實以日本之連續的侵略爲之厲階。蓋此連續的侵略。自不能不於中國人民之感情上發生其必然之結果也。現如欲使中日兩國人民恢復友誼關係。則必須日本政府採用武力壓迫以外之手段。蓋武力壓迫。不惟不能醫此創痕。且反使其日益增劇故也。現在鄙人業已就外長之職。自當遵照國民政府決定之政策。竭其能力。勉效棉薄。凡我國按照國際法律國際條約所應享有之主權獨立領土及行政完整。均應使其毫無損害。尤願舉國上下。予鄙人以充分之贊助。

俾鄙人之努力到底於成。(三十日專電)

▲孫科等請增援電

上海戰事非局部問題

事機危迫已不容延誤

請速調勁旅來滬應援

駐滬中委孫哲生等十九人。昨連名電請軍政部長何應慶。速調近畿勁旅及軍用飛機開滬增援。原電云。急。卽刻到。南京軍政部何部長敬之兄鑒。今晨閱報。驚悉政府移駐洛陽。林主席偕汪蔣兩公。均已北遷。京滬軍事。由吾兄主持。竊以今日存亡之機。繫於上海之一戰。近聞日本有出動三師團。大舉來犯之耗。故此時急務。當在集中實力。爲十九路軍後援。他處防衛。尙在其次。乃頃據十九路軍中來人報告。抗戰以來。至今尙未見政府派一飛機助戰。派一師兵增援。豈猶視上海戰事爲局部問題乎。十九路軍將士。縱志決必死。政府何忍使其盡殲。上海爲全國經濟中心。政府更何忍任其失陷。此間軍民。咸百思不得其解。豈直陷於日人虛張之聲勢。以爲無論如何抵抗。上海決不能保耶。據連日戰况觀察。我軍死戰。不過一團之力。而日本陸戰隊便衣隊。乃逾數千。然交戰結果。日兵傷亡枕藉。尙未得逞。使全國軍心民氣。咸如今日之上海必有自存之道。卽不幸而敗。亦足使我中華民族之人格。永存於世界上。勝於低首下心。任敵擄割。事機危迫。不容延誤。務乞迅下決心。速令近畿勁旅及軍用飛機。火速應援。以禦強

寇。臨電憤慨。佇候佳音。弟孫科。李宗仁。程潛。方振武。陳友仁。張發奎。李文範。熊克武。劉廬隱。甘乃光。桂崇基。馬超俊。薛篤弼。黃季陸。何世楨。梁寒操。孫鏡亞。陳慶雲。傅汝霖世。

▲胡漢民電勉抗日將士

滬案屈服聞之雪涕

軍人報國此蓋其時

胡漢民氏前日（三十日）爲日寇侵滬我軍誓死抵抗特電蔣蔡諸將領慰勉。原電如次。哲生兄併轉憬然（蔣光鼐）賢初（蔡廷楷）向華（張發奎）益能（鄧世增）琪翔（黃琪翔）慶雲（陳慶雲）諸兄鑒。滬案屈服。四百萬民衆。遭受摧殘。聞之雪涕。今戰事發生。輿情益憤。兄等持正不屈。力抗暴日。爲民干城。感慰無極。亟盼益勵士氣。殲彼兇殘。軍人報國。此蓋其時。傳檄天下。天下當爭起以應。臨電高呼我軍萬歲。中華民國萬歲。漢民卅

▲劉峙來電慰勉

日本強橫兇暴。威逼備至。直視我國已無一人。爲所欲爲。警耗迭傳。髮指眦裂。此次兄等以最大之決心。爲正當之抵禦。殫奮血誠。薄海同欽。尙祈不屈不撓。奮鬥到底。戡倭寇之兇燄。張國威於世界。保種興邦。在此一舉。弟等誼切同仇。誓爲後盾。刻已應備一切。靜待後命。前線兵力。是否敷用。情況奚似。祈卽電告。并盼捷音。俾慰遠

念。弟劉峙卅已

▲陳繼承來電慰勉

暴日佔我東北。舉國震駭。近復遣陸戰隊到滬。殺人放火。肆行無忌。竟於本月廿八日夜公然犯我防線。向我挑釁。犯天下之大不韙。此而可忍。孰不可忍。兄等職責所在。作英武之抵抗。殺敵衛國。義無反顧。至為欽佩。望秉百折不回之精神。具有死無生之志願。將日軍盡行驅逐登艦。迫令離我疆土。凡屬無理之要求。概行擯絕。弟分屬軍人。何甘坐視。謹當擐甲執戈。為兄等後盾。臨電迫切。無任神馳。弟陳繼承世。

▲十九路軍將領致全國電

以純潔之心純潔之血貢於黨國

十九路軍將領蔣光鼐。蔡廷楷。戴戟等。昨日通電全國。表示以純潔之心。純潔之血。貢於黨國。原文照錄如下。洛陽中央黨部。國民政府林主席。汪院長。蔣委員。各院部長。各省市。各級黨部。各級政府。各軍師旅。各民衆團體。各報館均鑒。暴日貫澈其武力侵略之政策。傾其國力。意圖吞併我疆土。消滅我民族。東三省既被佔領。乃肆其兵威於長江流域。我不得已。乃有自衛之抵抗。中央政府。因首都地位危險。時時在敵人砲火脅迫之下。應急制變。斷然不疑。遷移洛陽。與法都之遷波爾多。土郡之遷安哥拉。同為禦敵圖存之必要政策。武裝同志。全國國民。方幸有安全行使職權之政府。以領導民族鬥爭。不容懷疑。無可非難。方今寇益深入。國瀕於亡。血氣之倫。祇有發

揮一致效死之精神。滌除詆排傾軋之惡習。舉凡私見之異同。權利之夢幻。一洗而空。我十九路軍奉命守土。本捍患之天職。自衛之正義。洞胸斷首。萬衆一心。犧牲最後之一彈一卒。對於中樞之遼遠。應援之困難。絕無顧慮。全國武裝同志。激發於愛國自衛之良心。人自爲戰。在其守土之下。敵來則與之死戰。成敗利鈍。不容計及。吾人深信能奮戰者不滅亡。服正義。得勝利。世界苟有公道。暴日斷不得逞。吾人尤切望於散處各方之中央委員政治領袖。發揮其拯救危亡之抱負。致力應付存亡一髮之危局。古人有言。覆巢之下。無完卵。自救者。其結果爲自殺。我十九路軍將士以純潔之心。純潔之血。貢於黨國。貢於全民。邦人君子。聽此最後之哀鳴。其亦鑒其至誠。有其懸直。蔣光鼐。蔡廷楷。戴戟。暨十九路師旅團長全體官兵同叩冬。

▲孫科等通電

抵抗可以圖存

孫科等通電云。全國各報館轉各省市政府各軍事機關及全國同胞公鑒。自暴日侵害我國以來。瞬經四閱月。此四閱月內。我全國含垢蒙恥。忍辱圖存。卒不邀彼國之覺悟。得寸進尺。復有侵我上海之舉。旬日來。幸我十九路軍及各軍之忠勇不屈。誓死抗敵。屢戰屢捷。并得海內外同胞之後援。全國人心爲之一振。各國視聽爲之一轉。加以日軍殘虐。戕我徒手人民婦孺。不可勝計。交通文化教育各機關。輒付一炬。且破聯防之規約。據租界之安全。種種暴行。不勝枚舉。致激同胞之公憤。失世界之同情。有英美法

意四國之通牒警告。我外交部已表示接受。聞日方尙欲以陸軍增援。爲最後之決戰。其意蓋以上海一失。則各國必認爲我國不能扶助。一切援應。將因之中止。而我國以十九路軍及各軍皆不能撐拄之故。以後亦決無何項軍隊。敢於抗日。我國遂陷於萬劫不復之地。彼因得遂其囊括東亞之謀。故今日上海之一隅。實爲我國存亡之所繫。上海之抗日。並非爲上海而抗日。實爲全國而抗日。溯自上海發生警耗。政府因謀抵抗。遷往洛陽。旅滬同人。目擊彼虜之凶殘。我軍之苦戰。人民之萬衆一心。實令同人自忘其棉力。而參加奮鬥。當我軍屢戰皆捷以後。各國人士。始憬然我國之尙有人在。而生其重視。載在各報。歷歷可考。暴日銳氣。因之大挫。同人不敏。竊謂此實我國起死回生之機會。若不急圖奮起。必不能展開新局。力爭生存。當此千鈞一髮之時。深願我全國同胞。一心一德。迅爲援應。共拯危亡。現哈爾濱尙在固守吉林省垣。業經收復。東北民衆。并已奮起。昨日上海各銀行開市。提存兌現者極稀。此實我國人心萬分固結之表徵。亦即爲我國家決可生存之券據。尙冀我全國同胞。羣策羣力。渡此難關。尤望我軍界同志。鑒於上海情況。知無抵抗之萬難立足。而抵抗之轉可圖存。毋再因循坐誤。致失事機。庶正義人道。必有伸於世界之日。迫切陳詞。敬希明教。孫科。孔祥熙。吳鐵城。程潛。李宗仁。顧孟餘。薛篤弼。劉蘆隱。方振武。何世楨。馬超俊。鄧家彥。諸民誼。李文範。傅汝霖。甘乃光。梁寒操。陳慶雲。陳友仁。張發奎。張知本。楊虎。王正廷。賀耀祖。范予遂。孫鏡亞。熊克武。唐生智。楊庶堪。陳嘉佑。張靜江。黃季陸。桂

基崇。張羣。經亨頤等叩。

空軍將領通電

各報館轉全國各界公鑒。東北事變。數月於茲。三省之失地未收。淞滬之慘暴繼演。公理淪胥。舉世憤慨。我空軍繫國民期望之殷。將士抱敵愾同仇之切。爲國死難。夙具決心。磨厲枕戈。匪伊朝夕。祇以政府負重。冀望和平。以致忍辱牽延。求死不得。茲者領空領土。橫被摧殘。寇燄益張。國亡無日。秉衡等防空有責。誓抗強梁。爰用集結。以圖自衛。海枯石爛。此志不渝。凡我國人。幸垂鑒察。黃秉衡。曹寶清。沈德燮。毛邦初。晏玉琮。張廷孟。劉芳秀。楊鶴霄。田曦。黃毓沛。張有谷。同叩。微印。

▲馮玉祥李濟深朱培德致孫科陽電

請以最大之決心

共謀長期之抵抗

馮玉祥。李濟深。朱培德。致留滬中委孫科等一電。文云。(銜略)暴日既侵佔東北。復肆其毒螫。擾及上海。去月豔卅等日。中央同人緊急集議。一致決議。以最大之決心。謀長期之抵抗。立將中央國府移至洛陽辦公。既使暴日之砲艦政策無所施。同時於中原腹地。建立中樞。策應四方。團結舉國一致之勢力。共謀最後之勝利。冬日中央黨部。於洛陽第十一次開會議。中央黨部國民政府暨所屬各機關官吏。於國難期間。停發俸給。祇發維持生活費。自特任官。以至僱員。最高者月不過八十元。最低者三十五元。

。蓋惟有刻苦自勵之精神。及能有持久之志力。始能不負遷地辦公之最大意義也。至於對日方策。軍事外交。同時并行。必軍事上有積極抵抗之決心與方法。然後外交乃有進行之可言。現在十九路軍將士。奮其忠勇與敵死抗。內伸民氣。外揚國威。中央同人至深嘉慰。并已積極籌劃。必不使陷於孤軍無援之境。要之。吾人爲正當防衛而戰。當竭全體武裝同志之力。以爲全國人民之前驅。雖餘一彈一卒。亦不以尺寸地輕投於人。爲吾人抗日應有之決心。亦惟一之義務也。玉祥等忝躋行伍。備員中央。此次決定大體。曾參末議。誓竭心力。以共艱危。我兄黨國中心。衆望所屬。除有特別任務者外。似宜同隨行都。力勸大難。使一般同志有所矜式。此實爲目前最切要之要求。臨電奉懇。尙祈鑒察。是所深荷。馮玉祥。李濟深。朱培德陽。

▲國府電勉全國將士

保國家之人格

爲民族爭生存

國民政府主席林森。行政院院長汪兆銘。及軍委會各委員。昨致全國將士電。勉以大無畏之精神。作長期之奮鬥。茲照錄如下。特急。各省各總指揮各軍師旅長。並轉各將士公鑒。自國民革命軍成立以來。我武裝同志奮其忠勇。以完成中華民國之統一。不幸國內建設。尙未就緒。而外侮漸至。現在國家存亡。間不容髮。舍屈服我強鄰暴力之下。喪權辱國外。則惟有出於積極抵抗之一途。遙望我全體武裝同志。念先烈之締造艱難

。哀民生之罹於塗炭。以大無畏之精神。作長期之奮鬥。以純暴力而伸正義。保國家之人格。爲民族爭生存。在此一舉矣。數年以來我武裝同志。因意見參差所起糾紛。已則誠意共赴國難之一念。消滌無餘。自此以後。生者相與戮力於疆場。爲死者定必歡笑於九泉。以觀吾國後之成功也。謹布腹心。其共勉之。國民政府主席林森。行政院院長汪兆銘。軍事委員會委員蔣中正。馮玉祥。張學良。閻錫山。李宗仁。李濟琛。何應欽。朱培德。陳紹寬。陳銘樞。唐生智。東印。

▲駐滬中央委員電請當局迅速定計

臚陳要點四項

孫科等通電云。(銜略)。政密。比聞軍事外交當局。有主張滬事局部作先行解決之意。英使復有我國自動撤兵之勸。而當局認爲可商。同人在滬迭加研討。心所謂危。敢陳所見。溯自東北邊防司令長官張學良。誤於不抵抗之謬論。使日寇唾手遂得三省。而軍事當局亦陷於日兵聲威。輒謂縱傾全國之兵。不足抗日。我與日戰。三日可以亡國。同人以爲此種心理。不特與總理遺教主義完全違悖。充其弊。實足以亡黨亡國而有餘。非澈底掃除。決不足以衝破今日之危局也。蓋國家興衰。繫於人心振靡。戰鬥之事。兩方物質力量固所必衡。而士氣民心所關絕巨。精神方面有非數月能算者。世界革命鬥爭。若論被壓迫者所憑藉之武力。幾曾有一次足與壓迫者相頡頏。或可及其半者。苟咸如當局所謂持重。則世界可以無革命。而吾黨歷次之奮鬥。乃真如螳螂奮臂之可笑矣。

鑒諸經過之事蹟。衡諸革命之理論。乃決不如此。日人宣稱。三小時佔我閘北。而十九路軍應戰已將兩旬。敵究何如。我何尚不自奮。苟當局猶確信不抵抗之論。天經地義。而十九路之捷。不過偶然僥倖。以爲十九路將來犧牲。亦爲無知好鬥之童駭。應得之教訓。則夫復何言。否則當局應卽下最後大決心。萃全力於救亡之戰。縱不幸而敗。而人心未死。國終可爲。所謂甯爲玉碎。不爲瓦全。非可徒視爲文章之詞句也。抑尤有進者。今國民憤日與救國之熱情。已達極點。對主張不抵抗者嫉之尤甚。觀於此次滬民之被難而無懟。與其輸將助戰之勇。則滬上素稱持重之報紙。亦咸爲激昂之論。即可覘真正民意。苟當局猶牢執其妥協屈服之主張。或竟實行撤兵。使日軍佔滬。長驅而擣蘇杭與首都。將何以維民衆之信仰。遏軍士之忠憤。同人等亦不願與今日當局同負此責也。公等當猶憶昔年北伐。與北洋軍力較。相去何嘗不遠。然以我革命主義。足以深入民心。發揚士氣。勝利乃終屬我。今日又爲吾黨起死回生之最後唯一機會。當局苟能恢復昔日之信念。領導國民。誓死衛國。國民同志誰有二言。幸託總理之威靈。而國以復甦。黨以統一。馨香頌禱。何日忘之。是在公等勉之而已。茲經同人公決。請政府當局迅速定計者。(一)決定澈底抵抗政策。毋再游移。卽宣示國人全力禦侮。(二)萃海陸空軍力量固守上海。予十九路軍以充分援助。(三)卽令北方各軍乘機向外反攻。收復失地。(四)外交方面。提出非日兵全部撤退。不卽交涉。上海問題。當與東三省問題同時解決。願以上四項實行。士氣必且百倍。我能堅持下去。國際必生變化。此時乃有外交可言耳。掬

誠奉陳。敬祈鑒納示復。無任盼禱。駐滬中央委員孫科。孔祥熙。薛篤弼。吳鐵城。孫鏡亞。梁寒操。范子遂。甘乃光。楊虎。熊克武。桂崇基。丁超五。馬超俊。陳友仁。何世楨。劉蘆隱。陳嘉祐。褚民誼。張知本。程潛。陳慶雲。楊庶堪。賀耀組。黃季陸。唐有壬。元。申。

